





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2056/A





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2056/A







Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2056/A





Early European Books, Copyright © 2011 ProQuest LLC.  
Images reproduced by courtesy of The Wellcome Trust, London.  
2056/A















74306  
Encomium Morit  
DES. ERAS. ROTEROD.

*sive*  
Declamatio,

*In laudem*

STVLTICIÆ.

Editio Quarta, priori auctior  
& emendatior.



LEYDÆ, ex Officina  
IACOBI MARCI,  
clō lō cxxii.



Phædrus lib. III. Fa-  
bul. Æsopiar.

**S**uspicione si quis errabit suâ,  
Et rapier ad se quod erit commune  
omnium,

Stulte nudabit animi conscientiam:

Huic excusatum me velim nihilomi-  
nus:

Neque enim notare singulos mens est  
mibi.

Verum ipsam vitam & mores homi-  
num ostendere.

Querolus Prologo.

**I**n ludis autem ac dictis antiquam  
nobis veniam exposcimus

Nemo sibi met arbitretur dici, quod  
nos populo dicimus.

Neque propriam sibi met causam con-  
stituat communi ex ioco,

Nemo aliquid recognoscat, nos men-  
timur omnia.

3  
M O P I A Σ E P K O M I O N .

id est, *stulticia laus*, Erasmi Ro-  
terodami declamatio.

STULTICIA LOQVITVR.



TCVM QVE de me  
vulgo mortales lo-  
quuntur, neq; enim  
lum nescia, quam  
male audiat stulticia  
etiam apud stultissimos, tamen  
hanc esse, hanc inquam esse vnā,  
quæ meo numine deos atque ho-  
mines exilaro, vel illud abunde  
magnum est argumentum, quod  
simul atque in hunc cœtum fre-  
quentissimum dictura prodij, sic  
repente omnium vultus nova qua-  
dam atque insolita hilaritate eni-  
tuerunt, sic subito frontem ex-  
porrexistis, sic læto quodam &  
amabili applausistis risu, vt mihi

A 2 pro-



4 *Moriae Encomium*

profecto, quotquot undique præ-  
sentes intueor, pariter deorum  
Homericorum nectare non sine  
nepenthe temulenti esse videami-  
ni, cum ante hac tristes ac solliciti  
sederitis, perinde quasi nuper è  
Trophonij specu reversi. Cate-  
rum quemadmodum fieri consue-  
vit, ut cum primum sol formosum  
illud & aureum os terris ostende-  
rit, aut ubi post asperam hyemem,  
novum ver blandis aspirarit Favo-  
niijs, protinus nova rebus omnibus  
facies, novus color ac planè iuven-  
ta quædam redeat, ita vobis me  
conspècta, mox alius accessit vul-  
tus. Itaque quod magni alioqui  
Rhetores, vix longa diuque medi-  
tata oratione possunt efficere, nem-  
pe ut molestas animi curas discu-  
tiant, id ego solo statim aspectu  
præstiti. Quam obrem autem hoc  
insoli-

insolito cultu prodierim hodie,  
iam audietis, si modo non grava-  
bimini dicenti præbere aures, non  
eas sanè, quas sacris concionato-  
ribus, sed quas fori circulatori-  
bus, scurris ac morionibus con-  
suevistis arrigere, quasque olim  
Midas ille noster exhibuit Pani.  
Lubitum est enim paulisper apud  
vos Sophistam agere, non quidem  
huius generis, quod hodie nugas  
quasdam anxias inculcat pueris,  
ac plusquam muliebrem rixandi  
pertinaciam tradit, sed veteres il-  
los imitabor, qui quo infamem  
Sophorum appellationē vitarent,  
sophistæ vocari maluerunt. Ho-  
rum studium erat, deorum ac for-  
tium virorum laudes encomijs ce-  
lebrare. Encomium igitur audie-  
tis non Herculis, neq; Solonis, sed  
meum ipsius, hoc est, Stulticiæ. Iam

A 3. vero



6 *Moria Encomium*

vero non huius facio sapientes  
 istos, qui stultissimum & insolentissimum esse prædicant, si quis ipse laudibus se ferat. Sit sanè quàm volent stultum, modo decorum esse fateantur. Quid enim magis quadrat, quàm vt ipsa Moria suarum laudum sit buccinatrix, & αὐτὴ ἐαυτὴν αὐλῇ; Quis enim me melius exprimat quam ipsa me? Nisi si cui forte notior sim, quam egomet sum mihi. Quanquam ego hoc alioqui, non paulo etiam modestius arbitror quàm id quod optimatum ac sapientum vulgus factitat, qui perverso quodam pudore, vel rhetorem quempiam palponem, vel poëtam vaniloquum, subornare solent, eumque mercede conductum, à quo suas laudes audiant, hoc est, mera mendacia, & tamen verecundus interim ille,

ille , pavonis in morem pennas  
tollit, cristas erigit, cum impudens  
assentator nihili hominem dijs æ-  
quiparat, cum absolutum omnium  
virtutum exemplar proponit, à quo  
sciat ille se plus quam *δὲς Ἀλφὶ πα-  
ζῶν* abesse, cum corniculam alic-  
nis convestit plumis: cūm τὸ αὐθι-  
πα λῶν ἁγνῶν, denique cum *ἐκ μύας*  
τὸ ἐλέφαντα ποιεῖ. Postremo sequor  
tritum illud vulgi proverbium, quo  
dicitur is recte laudare sese, cui ne-  
mo alius contigit laudator. Quan-  
quam hic interim demiror mortu-  
alium ingratitudinem dicam, an  
segniciem, quorum cum omnes  
me studiose colant; meamque li-  
benter sentiant beneficentiam, ne-  
mo tamen tot iam seculis extitit,  
qui grata oratione Stulticiæ laudes  
celebrarit, cum non defuerint, qui  
Busirides, Phalarides, febres quar-

A 4 tanas



tanas, muscas, calvicia, atque id  
 genus pestes, accuratis magnaue  
 & olei & somni iactura elucubratis  
 laudibus vexerint. A me extem-  
 porariam quidem illam, & illa-  
 boratam, sed tanto veriore au-  
 dietis orationem. Id quod nolim  
 existimetis ad ingenij ostentatio-  
 nem esse confictum, quemad-  
 modum vulgus oratorum facit.  
 Nam hi, sicuti nostis, cum ora-  
 tionem totis triginta annis elabo-  
 ratam, nonnunquam & alienam  
 proferunt, tamen triduo sibi qua-  
 si per lusum scriptam, aut etiam  
 dictatam esse deierant. Mihi porro  
 semper gratissimum fuit, ὅτι κεν ἐπὶ  
 ἀκαρτίαν γλῶτταν ἐλθῇ dicere.  
 At ne quis jam à nobis expectet, ut  
 juxta vulgarium istorum Rheto-  
 rum consuetudinem, me ipsam  
 finitione explicem, porro ut di-  
 vidam,

vidam, multo minus. Nam utrum-  
que ominis est inauspicati, vel  
sine circumscribere eam, cuius  
numen tam late pateat, vel se-  
care, in cuius cultum omne re-  
rum genus ita consentiat. Tam-  
etsi quorsum tandem attinet mei  
velut umbram atque imaginem fi-  
nitione repræsentare, cum ipsam  
me coram præsentem præsentem  
oculis intueamini? Sum etenim  
vtri videtis, vera illa largitrix *ἐλάττω*,  
quam Latini Stulticiam, Græci  
*μωρία* appellant. Quamquam  
quid vel hoc opus erat dicere,  
quasi non ipso ex vultu fronte-  
que, quod aiunt, satis quæ sim  
præ me feram, aut quasi si quis  
me Minervam, aut Sophiam es-  
se contendat, non statim solo pos-  
sit obtutu coargui, etiam si nul-  
la accedat oratio, minime men-

A s      dax



dax animi speculum. Nullus apud  
 me fucis locus, nec aliud fronte  
 simulo aliud in pectore premo.  
 Sumque mei vndique simillima,  
 adeo ut nec ij me dissimulare pos-  
 sint, qui maxime Sapientiæ per-  
 sonam ac titulum sibi vendicant,  
 καὶ ἐν τῇ πορφύρᾳ πίθηται; καὶ ἐν τῇ  
 λεοντῇ ὄνοι obambulant. Quamvis  
 autem sedulo fingant, tamen ali-  
 unde prominentes auriculæ Mi-  
 dam produnt. Ingratum me Her-  
 cle & hoc hominum genus, qui  
 cum maxime sint nostræ factio-  
 nis, tamen apud vulgum co-  
 gnominis nostri sic pudet, ut id  
 passim alijs magni probri vice  
 obijciant. Proinde illos cum sint  
 μωρότατοι re, cæterum sophi ac  
 Thales videri velint, nonne iure  
 optimo μωροσόφους illos appellabi-  
 mus? Visum est enim hac quoque  
 parte

parte nostri temporis rhetores imitari, qui planè deos esse sese credunt, si hirudinum ritu bilingues appareant, ac præclarum facinus esse ducunt, latinis orationibus subinde græculas aliquot voculas, velut emblemata intertexere, etiam si nunc non erat his locus. Porro si defunt exotica, è putribus chartis quatuor aut quinque prisca verba eruunt, quibus tenebras offundant lectori, videlicet, ut qui intelligunt, magis ac magis sibi placeant: qui non intelligunt, hoc ipso magis admirentur, quo minus intelligunt. Quandoquidem est sanè & hoc nostratium voluptatum genus non inelegans, quam maxima peregrina maxime suspicere. Quod si qui paulo sunt ambitiosiores, arrideant tamen & applaudant, atque asini exem-



plo τὰ ὦτα κινῶσι, quo cæteris  
 probe intelligere videantur, καὶ  
 πάντα δὴ μὲν ταῦτα. Nunc ad in-  
 stitutum recurro. Nomen igitur  
 habetis viri. Quid addam epithe-  
 ti? Quid nisi stultissimi? Nam quo  
 alio honestiore cognomine My-  
 stas suos compellet dea Stulticia?  
 Sed quoniam non perinde multis  
 notum est, quo genere prognata  
 sim, id iam Musis bene iuvanti-  
 bus exponere conabor. Mihi vero  
 neque Chaos, neque Orcus, neque  
 Saturnus, neque Iapetus, aut alius  
 id genus obsoletorum, ac putrium  
 deorum quispiam pater fuit. Sed  
 πλῆτος, ipse vnus, vel invitis  
 Hesiodo & Homero, atque ipso  
 adeo Iove, πατρὶς ἀνδρῶν τε θεῶν τε.  
 Cuius vnus nutu, vt olim, ita  
 nunc quoque sacra prophanaque  
 omnia sursum ac deorsum mis-  
 centur.

centur. Cuius arbitrio bella, paces, imperia, consilia, iudicia, comitia, connubia, pacta, fœdera, leges, artes, ludicra, seriâ, iam spiritus me deficit, breviter, publica privataque omnia mortalium negotia administrantur. Citra cuius opem, totus ille poëticorum numinum populus, dicam audacius, ipsi quoque dij selecti, aut omnino non essent, aut certe οἰκόςτοις sanè quam frigide victitarent. Quem quisquis iratum haluerit, huic ne Pallas quidem satis auxiliij tulerit. Contra, quisquis propicius, is vel summo Iovi, cum suo fulmine mandare laqueum possit. τέτοι πατὲρ δ' ἔχομαι εἰς ταῖς. Atque hic quidem me progeniuit non è cerebro suo, quemadmodum tetricam illam ac torvam Palladem Iupiter, verum ex Neotete



14 *Moria Encomium*

Neotete nymp̄ha multo omnium  
 venustissima, pariter ac festivissi-  
 ma. Neque rursus tristi illi alli-  
 gatus coniugio, quomodo faber  
 ille claudus natus est, verum quod  
 non paulo suavius ἐν φιλότῃ μι-  
 χθεῖς, quemadmodum noster ait  
 Homerus, Genuit autem, ne quid  
 erretis, non Aristophanicus ille  
 Plutus, iam capularis iam oculis  
 captus, sed quondam integer ad-  
 huc calidusque iuventa, neque  
 iuventa solum, verum multo ma-  
 gis nectare, quod tum forte in  
 deorum convivio largitus ac me-  
 racius hauserat. Quod si locum  
 quoque natalem requiritis, quan-  
 doquidem id hodie vel in primis  
 ad nobilitatem interesse putant,  
 quo loco primos edideris vagitus,  
 ego nec in erratica Delo, nec in vn-  
 doso mari, nec ἐν ἀέσι γλαφυροῖσι  
 sum

sum edita, sed in ipsis insulis fortunatis, vbi ἀπαρτὰ καὶ ἀνήροτὰ omnia proveniunt. In quibus neque labor, neque senium, neque morbus est ullus, nec vsquam in agris asphodelus, malua, squilla, lupinumve, aut faba, aut aliud hoc genus nugarum conspicitur. Sed passim oculis, simulque naribus adolandiuntur moly, panace, nepenthes, amaracus, ambrosia, lotus, rosa, viola, hyacinthus, Adonidis hortuli. Atque in his quidem nata delicijs, nequaquam à fletu sum auspicata vitam, sed protinus blande arrisi matri. Iam vero non invideo τῷ ἑσάτῳ χορίωνε capram altricem, cum me duæ lepidissimæ nymphæ suis aluerint mammis, Methe Baccho progenita, & Apœdia Panos filia. Quas hic quoque in cæterarum comi-

tum



tum ac pedisequarum mearum  
 consortio videtis. Quarum me  
 Hercle nomina, si voletis co-  
 gnoscere, ex me quidem non nisi  
 Græce audietis. Hæc nimirum  
 quam sublati supercilijs conspica-  
 mini, φιλαυτία est. Huic quam ve-  
 lut arridentibus oculis, ac plauden-  
 tem manibus videtis, κλακία no-  
 men. Hæc semisomnis ac dormi-  
 tanti similis λήθη vocatur. Hæc cu-  
 bito utroque innitens, consertis-  
 que manibus, μισσπονία dicitur.  
 Hæc roseo revincta sereto, & vndi-  
 que delibuta vnguentia, ἡδονή. Hæc  
 lubricis & huc atque illuc erranti-  
 bus luminibus, ἄγνοια dicitur: hæc  
 nitida cute, probeque saginato cor-  
 pore τεύφη nomen habet. Videtis  
 & deos duos, puellis admixtos,  
 quorum alterum κῶμον vocant, al-  
 terum νήχετον ὕπνον. Huius, in-  
 quam,

quam, famulitij fidelibus auxilijs  
genus omne rerum meæ subijcio  
ditioni, ipsis etiam imperans impe-  
ratoribus. Genus, educationem, &  
comites audistis. Nunc ne cui sine  
causa videar mihi deæ nomen vsur-  
pare, quantis commoditatibus  
deos simul & homines adficiam,  
quamque late meum pateat nu-  
men, arrectis auribus accipi-  
te. Etenim si non inscite scripsit  
quidam, hoc demum esse deum,  
iuvare mortales, & si merito in  
deorum senatum asciti sunt, qui  
vinum, aut frumentum aut v-  
nam aliquam huiusmodi com-  
moditatem mortalibus ostende-  
runt, cur non ego iure, deorum  
omnium ἀλφά dicar, habearque,  
quæ vna omnibus largior om-  
nia? Principio quid esse po-  
test vita ipsa vel dulcius vel pre-  
ciosius?



18 *Moria Encomium*

ciosius ? At huius exordium cui  
 tandem acceptum ferri convenit,  
 nisi mihi ? Neque enim aut ὄβρι-  
 μοπάτης hasta Palladis, aut νεφε-  
 ληχερέτης Iovis ægis hominum ge-  
 nus vel pro gignit, vel propagat.  
 Verum ipse deum pater atque ho-  
 minum rex, qui totum nutu tre-  
 mefactat olympum, fulmen illud  
 trifulcum ponat oportet, & vul-  
 tum illum Titanicum, quo, cum  
 lubet, Deos omneis territat, pla-  
 neque histrionum more, aliena su-  
 menda misero persona, si quando  
 velit id facere, quod nunquam non  
 facit, hoc est παῖδοποιεῖν. Iam ve-  
 ro Stoici se dijs proximos autu-  
 mant. At date mihi terque quater-  
 que, aut si libet, sexcenties Stoi-  
 cum, tamen huic quoque, si non  
 barba insigne sapientiæ, etiam si  
 cum hircis commune, certe su-  
 per-

percilium erit ponendum, explicanda frons, abijcienda dogmata illa adamantina, ineptiendum ac delirandum aliquantisper. In summa, me, me inquam, sapiens ille accersat oportet, si modo pater esse velit. Et cur non apertius meo more vobiscum fabuler? Quæso num caput, num facies, num pectus, num manus, num auris, quæ partes honestæ putantur, progenerant deos aut homines? Non opinor, imò ea pars adeo stulta, adeoque ridicula, ut nec nominari citra risum possit, humani generis est propagatrix. Is demum est sacer ille fons unde vitam hauriunt omnia, verius quam ille Pythagoricus quatermio. Age vero, qui vir obsecro matrimonij capistro velit præbere os, si quemadmodum isti sapientes facere consueverunt, prius  
eius



eius vitæ incommoda secum per-  
 penderit : aut quæ tandem mulier  
 virum admittura sit, si partus pe-  
 riculosos labores, si educationis  
 molestiam, vel norit, vel cogitarit?  
 Porro si coniugijs debetis vitam,  
 coniugium autem debetis ἀνολα  
 pedisequæ, mihi nimirum quid de-  
 beatis, intelligitis. Tum quæ se-  
 mel hæc experta, denuo repetere  
 velit, nisi ἄρ' ἔστιν præsens numen ad-  
 fuerit? Neque vero id Venus ipsa  
 vel reclamante Lucretio unquam  
 inficias iverit, sine nostri numinis  
 accessione, suam vim mancam  
 atque irritam esse. Itaque ex no-  
 stro illo temulento ridiculoque  
 lusu, proveniunt & superciliosi  
 philosophi, in quorum locum  
 nunc successere, quos vulgus mo-  
 nachos appellat, & purpurei re-  
 ges, & pij sacerdotes, & ter san-  
 cti issi mi.



Etissimi pontifices. Postremo totus etiam ille deorum poetorum cœtus, adeo frequens, ut turbam vix iam ipse capiat olympus, tametsi spaciosissimus. At sanè parum sit mihi vitæ seminarium, ac fontem deberi, nisi quicquid in omni vita commodi est, id quoque totum ostendero mei muneris esse. Quid autem hæc, num omnino vita videtur appellanda, si voluptatem detraxeris? Applausistis. Equidem sciebam neminem vestrum ita sapere, vel desipere magis, imo sapere potius, ut in hac esset sententia. Quanquam ne Stoici quidem isti voluptatem aspernantur, tametsi sedulo dissimulant, milleque convicijs eam apud vulgus dilacerant, nimirum ut deterritis alijs, ipsi prolixius fruantur. Sed dicant mihi per Iovem, quæ tandem

tandem vitæ pars est , non infestiva,  
 non invenusta , non insipida ,  
 non molesta , nisi voluptatem , id  
 est, stulticiæ condimentum adiun-  
 xeris ? Cuius rei cum satis idoneus  
 testis esse possit, ille nunquam satis  
 laudatus Sophocles , cuius extat  
 pulcherrimum illud de nobis elo-  
 gium ἐν τῷ Φρονεῖν ὃ μὴ δὲν , ἡ δὲ-  
 σθαι βίῃ , tamen age rem om-  
 nem singulatim aperiamus. Prin-  
 cipio quis nescit primam hominis  
 ætatem multo lætissimam multo-  
 que omnibus gratissimam esse ?  
 quid est enim illud in infantibus,  
 quod sic exosculamur , sic ample-  
 ctimur , sic fovemus , ut hostis  
 etiam huic ætati ferat opem , nisi  
 stulticiæ lenocinium , quod data  
 opera prudens natura, recens natis  
 adjunxit, ut aliquo voluptatis ve-  
 lut autoramento , & educantium  
 labores



labores delinire queant, & tuentium favores eblandiantur? Deinde quæ succedit huic adolescentia quàm est apud omnes gratiosa, quàm illi candide favent omnes, quàm studiose provehunt, quam officiose porrigunt auxiliares manus? At vnde quæso ista juventæ gratia? vnde nisi ex me? cuius beneficio quàm minimum sapit, atque ob id quam minime ringitur. Mentior nisi mox ubi grandiores factiper rerum vsum, ac disciplinas virile quiddam sapere cœperint, continue deflorescit formæ nitor, languescit alacritas, frigescit lepos, labascit vigor. Quoque longius à me subducitur, hoc minus minusque vivit, donec succedat τὸ χαλεπὸν γῆρας, id est, molesta senectus, non iam alijs modo, verum etiam sibimet invisa. Quæ  
quidem



24 *Moria Encomium*

quidem prorsum nulli mortalium foret tolerabilis, nisi rursus tantorum miserat laborum dextra adessem, & quemadmodum dii poetarum solent pereuntibus aliqua metamorphosi succurrere, itidem ego quoque jam capulo proximis denuo quo ad licet, ad puericiam revocarent. Vnde non abs re vulgus eos *παλίμπαδας* appellare consuevit. Porro si quis transformandi rationem requirat, ne id quidem cœlarim. Ad Lethes nostræ fontem, nam in insulis fortunatis oritur (siquidem apud inferos tenuis modo rivulus labitur,) eos produco, ut simul atque illic longa potarint oblivia, paulatim dilutis animi curis repuerescant. At isti jam delirant, inquiunt, jam desipiunt. Esto sanè. Sed istuc ipsum est repuerascere. An vero  
aliud

aliud est puerum esse quàm delirare, quàm desipere? An non hoc vel maxime in ea delectat ætate, quod nihil sapit? Quis enim non ceu portentum oderit, atque execretur puerum virili sapientia? Astipulatur & vulgo jactatum proverbium. Odi puerulum præcoci sapientia. Quis autem sustineret habere commercium aut consuetudinem cum eo sene, qui ad tantam rerum experientiam, parem animi vigorem, judicijque acrimoniam adjunxisset? Itaque delirat senex meo munere. Sed tamen delirus iste mens interim miseris illis curis vacat, quibus sapiens ille distorquetur. Interim non ille lepidus est compotor. Non sentit vitæ tædium, quod robustior ætas vix tolerat. Nonnunquam cum sene Plautino ad tres illas literas revertitur,

B

titur,



titur, infelicissimus si sapiat. At  
interim meo beneficio felix, inte-  
rim amicis gratus, ne congerro  
quidem infestivus. Quandoquidem  
& apud Homerum è Nestoris ore  
fluit oratio melle dulcior, cum  
Achillis sit amarulenta, & apud  
eundem senes in mœnibus confi-  
dentes, πῶ λ' ἰδέσθαι vocem e-  
dunt. Quo quidem calculo ipsam  
etiam superant puericiam, suavem  
quidem illam, sed infantem, ac  
præcipuo vitæ oblectamento, puta  
garrulitate carentem. Addite huc  
quod pueris quoque gaudeant im-  
pensius senes, ac pueri vicissim se-  
nibus delectantur, ὡς αἰεὶ τ' ὁμοίων  
ἀλλ' ἰδέσθαι ὡς τ' ὁμοίων. Quid enim  
inter illos non convenit, nisi quod  
hic rugosior & plures numerat na-  
tales? Alioqui capillorum albor, os  
edentulum, corporis modus mi-  
nor,



nor, lactis appetentia, balbuties, garrulitas, ineptia, oblivio, incogitantia, breviter omnia cetera congruunt. Quoque magis accedunt ad senectam, hoc propius ad puericiæ similitudinem redeunt, donec puerorum ritu, citra vitæ tædium, citra mortis sensum emigrant è vita. Eat nunc qui volet, & hoc meum beneficium cum reliquorum edorum metamorphosi comparet. Qui quid irati faciant, non libet commemorare, sed quibus quam maxime propitijs sunt, eos solent in arborem, in avem, in cicadam aut etiam in serpentem transformare: quasi vero non illud ipsum sit perire, aliud fieri. Ego vero hominem eundem optimæ ac felicissimæ vitæ parti restituo. Quod si mortales prorsus ab omni sapientiæ commercio

temperarent, ac perpetuo mecum  
 ætatem agerent, ne esset quidem vl-  
 lum senium, verum perpetua iu-  
 venta fruerentur felices. An non  
 videtis tetricos istos & vel Philoso-  
 phiæ studijs, vel serijs & arduis ad-  
 dictos negocijs, plerunque prius-  
 quam plenè iuvenes sint, iam con-  
 senuisse, videlicet curis, & assidua  
 acrique cogitationum agitatione  
 sensim spiritus & succum illum vi-  
 talem exhaustiente? Cum contra  
 Moriones mei pinguculi sint, &  
 infidi & bene curata cute, planè  
 χοῖροι, quod aiunt, ἀναπράνιοι,  
 numquam profecto senectutis in-  
 commodum vllum sensuri, nisi  
 non nihil, vt fit, sapientum conta-  
 gio inficerentur. Adeo nihil pati-  
 tur hominum vita, omni ex parte  
 beatum esse. Accedit ad hæc vul-  
 gati proverbij non leve testimo-  
 nium,



nium, quo dictitant, Stulticiam  
vnam esse rem, quæ & iuventam  
alioqui fugacissimam remoretur,  
& improbam senectam procul ar-  
ceat. Ut non temere de Brabantis  
populari sermone iactatum sit,  
Cum cæteris hominibus ætas pru-  
dentiam adferre soleat, hos quo  
propius ad senectam accedunt,  
hoc magis atque magis stultescere.  
Atqui hac gente non est alia, vel  
ad communem vitæ consuetudi-  
nem festivior, vel quæ minus sen-  
tiat senectutis tristitiam. His qui-  
dem ut loco, ita & vitæ instituto  
confines sunt Hollandi mei, cur  
enim non meos appellem, vsque  
adeo studiosos mei cultores, ut in-  
de vulgo cognomen emeruerint,  
cuius illos adeo non pudet, ut hinc  
vel præcipue sese iactitent. Eant  
nunc stultissimi mortales, & Me-  
B 3 deas,

deas, Circes, Veneres, Auroras, & fontem nescio quem requirant, quo sibi iuventam restituant, cum id sola præstare & possim & soleam. Apud me succus est ille mirificus, quo Memnonis filia Tithoni avi sui iuventam prorogavit. Ego sum Venus illa, cuius favore Phaon ille repubuit, ita ut à Saphone tantopere deamaretur. Meæ sunt herbæ si quæ sunt, mea precamina, meus ille fons, qui non solum revocat elapsam adolescentiam, sed, quod est optabilius, perpetuam servat. Quod si omnes huic sententiæ subscribitis, adolescentia nihil esse melius, senectute nihil detestabilius, quantum mihi debeatis videtis opinor, quæ tantum bonum retineam, tanto excluso malo. Sed quid adhuc de mortalibus loquor, Cælum omne lustrate,



lustrate, & mihi meum nomen opprobret licebit, quicumque volet, si quem omnino deorum repererit non insuavem & aspernabilem, nisi meo numine commendetur. Etenim cur semper ephebus & comatus Bacchus? Nempe quia vecors ac temulentus, convivij, saltationibus, choreis, lusibus vitam omnem transigens ne tantulum quidem habet cum Pallade commercij. Denique tantum abest, ut sapiens haberi postulet, ut ludibrijs ac iocis coli gaudeat. Neque proverbio offenditur, quod illi fatui cognomentum attribuit, id est huiusmodi, *μωρύχς μωρότερος*. Porro Morycho nomen verterunt, quod illum pro templi foribus sedentem, musto fisisque recentibus, agricolarum lascivia consueverint oblinere. Tum

B 4      autem

autem quid non scommatum in  
hunc vetus iacit comœdia ? O in-  
sultum, inquiunt, deum, & di-  
gnum qui ex inguine nasceretur.  
At quis non malit hic fatuus & in-  
sultus esse, semper festivus, semper  
pubescens, semper omnibus lusus  
ac voluptatem adferens, quàm vel  
ἀσχυλομήτης ille Iupiter omnibus  
formidabilis, vel Pan suis tumulti-  
bus omnia senio vitians, vel favillis  
oppletus Vulcanus ac semper offi-  
cinæ laboribus squalidus, aut Pal-  
las etiam ipsa, sua Gorgone & ha-  
sta terribilis καὶ αἰεὶ ἐνορῶσα δερμύ.  
Cur semper puer Cupido? nisi quia  
nugator est, καὶ μηδὲν ὕμῃς neque  
facit neque cogitat? Cur aureæ  
Veneri semper vernet sua forma?  
Nimirum, quia mecum habet affi-  
nitatem, vnde & patris mei colo-  
rem vultu refert, atque hac de cau-  
sa est



sa est apud Homerum, *ἄπειρος ἂν  
Φροδῖτις*. Deinde perpetuo ridet, si  
quid modo poëtis credimus, aut  
horum æmulis statuarijs. Quod  
numen vnquam religiosius colue-  
re Romani, quàm Floræ omnium  
voluptatum parentis? Quanquam  
si quis etiam tetricorum deorum  
vitam diligentius requirat ab Ho-  
mero, reliquisque poëtis, reperiet  
stulticiæ plena omnia. Quid enim  
attinet reliquorum facta comme-  
morare, cum Iovis ipsius fulmina-  
toris amores ac lusus probe noritis?  
cum severa illa Diana oblita sexus,  
nihil aliud quam venetur, Eudy-  
mionem interim deperiens. Verum  
illi sua facinora à Momo audiant  
malim, à quo sæpius quondam au-  
dire solebant. Sed hunc nuper irati  
vna cum Ate in terras præcipitem  
dederunt, quod sapientia sua felici-

B s

tati

34 *Encomium Moriae*

rati deorum importunus obstre-  
peret , Neque mortalium ullus  
exulem dignatur hospitio , tan-  
tum abest vt illi in principum au-  
lis sit locus , in quibus tamen  
mea κολακία primas tenet , cui  
cum Momo non magis conue-  
nit , quam cum agno lupis . Ita-  
que sublato illo iam multo licen-  
tius ac suavius nugantur dij , ve-  
re ῥᾶον ἄγοντο , vt inquit Ho-  
merus , nullo videlicet censore.  
Quos enim non præbet iocos fi-  
culnus ille Priapus ? Quos non  
ludos exhibet furtis ac præstigijs  
suis Mercurius ? Quin & Vulca-  
nus ipse in deorum , convivij  
γελωτοποιὸν agere consuevit , ac  
modo claudicatione , modo ca-  
villis , modo ridiculis dictis ex-  
hilarare computationem . Tum  
& Silenus ille senex amator , πὸν  
κός-



κόρδακα, solitare solitus, vna cum  
Polyphemo πῶ τε ζῆνε λό, Nym-  
phis ἢ γυμνοπόδιαν saltantibus. Sa-  
tyri semicapri Atellanas agitant.  
Pan insulsa quapiam cantiuncula  
risum omnibus mover, quem ita  
malunt, quam ipsas audire musas,  
præcipue cum iam nectare cœpe-  
rint madere. Porro quid ego nunc  
commemorem, quæ probe po-  
ti dij post convivium agitent? adeo  
me Hercle stulta, vt ipsa non-  
nunquam à risu temperare ne-  
queam. At satius est in his Har-  
pocratis meminisse, ne forte nos  
quoque Corycæus aliquis deus au-  
scultet, ea narrantes, quæ ne Mo-  
mus quidem impune proloquun-  
tus est. Sed iam tempus est, vt  
ad Homericum exemplar reli-  
ctis cœlitibus vicissim in terram  
demigremus, quamquam ibi

B 6 nihil

36 *Moria Encomium*

nihil lætum, aut felix, nisi meo munere dispiciamus. In primis videtis quanta providentia natura parens, & humani generis opifex, illud caverit, ne usquam deesset stulticiæ condimentum? Etenim cum Stoicis definitioribus nihil aliud sit sapientia, quam duci ratione: contra stulticia, affectuum arbitrio moveri, ne planè tristis ac tetrica esset hominum vita. Iupiter quanto plus indidit affectuum quam rationis? quasi semiunciam compares ad assem. Præterea rationem in angustum capitis angulum relegavit, reliquum omne corpus perturbationibus reliquit. Deinde duos quasi tyrannos violentissimos uni opposuit: iram, quæ præcordiorum arcem obtinet, atque adeo ipsum vitæ fontem, cor: & concupiscentiam, quæ ad imam usque pubem  
latissime



latissime imperium occupat. Ad-  
versus has geminas copias quan-  
tum valeat ratio, communis homi-  
num vita satis declarat, cum illa,  
quod unum licet, vel usque ad ra-  
vim reclamationat, & honesti dictat for-  
mulas, verum hi laqueum regio  
suo remittunt, multoque odiosius  
obstrepunt, doneciam ipse quoque  
fessus ultro cedit, ac manus dat.  
Cæterum quoniam viro admini-  
strandis rebus nato, plusculum de  
rationis unciola erat aspergendum,  
ut huic quoque pro virili consule-  
ret, me hic sicut in cæteris in con-  
siliis adhibuit, moxque consilium  
dedi me dignum, nempe uti mulie-  
rem adiungeret: animal videlicet  
stultum quidem illud atque ineptum,  
verum ridiculum & suave, quo  
convictu domestico, virilis ingenij  
tristitiam, sua stulticia condiret at-  
que

38 *Moria Encomium*

que edulcarer. Nam quod Plato dubitare videtur, utro in genere ponat mulierem, rationalium animalium, an brutorum, nihil aliud voluit, quam insignem ejus sexus stulticiam indicare, Quod si qua forte mulier sapiens haberi voluerit, ea nihil aliud egerit quam ut bis stulta sit, perinde quasi bovem aliquis ducat ad ceroma, invita reluctantemque, ut aiunt, Minerva. Conduplicat enim vitium; quisquis contra naturam virtutis fucum inducit, atque alio deflectit ingenium. Quemadmodum, iuxta Græcorum proverbium, simia semper est simia, etiam si purpura vestiatur; Ita mulier semper mulier est, hoc est stulta, quamcunque personam induerit. Neque vero mulierum genus usque adeo stultum arbitror, ut eam ob rem mihi succenscant,



cenſeant, quod illis & ipſa mulier,  
& ſtulticia ſtulticiam attribuam.  
Etenim ſi rem recta reputent via,  
hoc ipſum ſtulticiæ debent acce-  
ptum ferre, quod ſint viris multis  
calculis fortunatiores. Primum  
formæ gratiam, quam illæ merito  
rebus omnibus anteponunt, cuius-  
que præſidio in tyrannos etiam  
ipſos tyrannidem exercent. Alio-  
qui unde nam horror ille formæ,  
hiſpida cutis, & barbæ ſylva, planè  
ſenile quiddam in viro, niſi à pru-  
dentia vicio, cum fœminarum  
ſemper læves malæ, vox ſemper  
exilis, cutis mollicula, quali per-  
petuam quandam adoleſcentiam  
imitentur? Deinde quid aliud  
optant in hac vita, quam ut vi-  
ris quam maxime placeant? Nón-  
ne huc ſpectant tot cultus, tot  
fuci, tot balnea, tot compturæ,  
tot

tot unguenta, tot odores, tot componendi, pingendi, fingendique vultus, oculos, & cutem, artes? Iam, num alio nomine viris magis commendatæ sunt, quam stulticiæ? Quid enim est, quod illi mulieribus non permittunt? At quo tandem autōramento, nisi voluptatis? Delectant autem fœminæ non alia re, quam stulticia. Id esse verum non ibit inficias, quisquis secum reputarit, quas vir cum muliere dicat ineptias, quas agat nugas, quoties fœminea voluptate decreverit uti. Habetis igitur primum & præcipuum vitæ oblectamentum, quo fonte proficiſcatur. Sed sunt nonnulli, cum primis autem senes, bibaces quidem illi magis quā mulierosi, qui summam voluptatem in computationibus constituunt. Equidem an sit ullum  
lautum



lautum convivium, ubi mulier non  
adsit, viderint alij. Illud certe con-  
stat, citra stulticiæ condimentum,  
nullum omnino suave esse. Adeo  
ut si desit, qui seu vera, seu simulata  
stulticia risum moveat. γελωτοποιὸν  
quempiam vel mercede conductū  
accerfant, aut ridiculum aliquem  
parasitum adhibeant, qui ridendis,  
hoc est, stultis diſterijs, silentium  
ac tristitiam compotationis discu-  
tiant. Quorsum enim attinebat tot  
bellarijs, tot lauticijs, tot cupedijs  
onerare ventrem, nisi & oculi pari-  
ter & aures, nisi totus animus, risu,  
locis, leporibus pasceretur? At  
istiusmodi tragematum ego sum  
architectrix unica. Quanquam illa  
ipsa iam in convivijs solemnia,  
regem fortiri talis, luditare tesseris,  
Philotesijs invitare, certare Συμ-  
περιφοεγῆς, ad Myrtum canere,  
saltare,

42 *Moria Encomium*

faltare, gesticulari, non à septem  
Græciæ sophis, verum à nobis ad  
humani generis salutem reperta  
sunt. Atqui omnium huiusmodi  
rerum ea natura est, ut quo plus  
habeant stulticiæ, hoc plus confe-  
rant vitæ mortalium, quæ si tri-  
stis sit, ne vita quidem appellanda  
videatur. Tristis autem evadat o-  
portet, nisi cognatum tædium, hoc  
genus oblectamenti absterferis.  
Sederunt fortassis, qui hoc quo-  
que voluptatis genus negligant, &  
in amicorum charitate & consue-  
tutine acquiescant, amicitia dicti-  
tantes unam rebus omnibus ante-  
ponendam, quippe rem usque  
adeo necessariam, ut nec aër, nec  
ignis, nec aqua magis. Rursum  
adeo iucundam, ut qui hanc de  
medio sustulerit, solem sustule-  
rit, adeo denique honestam, siquid  
tamen



tamen hoc ad rem pertinet, ut nec ipsi Philosophi vereantur eam inter præcipua bona commemorare. Sed quid si doceo me huius quoque tanti boni & puppim esse & pro-ram? Docebo autem non Crocodilitis, aut Soritis, ceratinis, aut alijs id genus dialecticorum argutijs, sed pingui, quod aiunt, Minerva, rem digito propemodum ostendam. Age, connivere labi, cæcutire, hallucinari in amicorum vitijs, quædam etiam insignia vitia pro virtutibus amare, mirarique, an non stulticiæ videtur affine? Quid cum alius ex osculatur nævum in amica, alium delectat poly-  
pus Agnæ, cum filium Strabonem appellat petū pater, quid inquam, hoc est, nisi mera stulticia? Clament terque quaterque stulticiam esse: atqui hæc una stulticia, & iun-  
git,

44 *Moriae Encomium*

git, iunctos & servat amicos. De mortalibus loquor, quorum nemo sine vitijs nascitur, optimus ille est, qui minimis urgetur. cum interim inter sapientes istos deos, aut omnino non coalescit amicitia, aut tetrica quædam & insuavis intercedit, nec ea nisi cum paucissimis, nam cum nullis dicere religio est, propterea quod maxima pars hominum desipit, imo nullus est, qui non multis modis deliret, & non nisi inter similes cohæret necessitudo. Quod si quando inter severos istos coierit mutua benevolentia, ea certe haudquaquam stabilis est, nec admodum duratura, nimirum inter morosos & plus factis oculatos, ut qui in amicorum vitijs tam cernunt acutum, quàm aut aquila, aut serpens Epidaurius. At ipsi in proprijs vitijs quàm lippiunt,



unt, & quam non vident manticam  
in tergo pendentem. Itaque cum  
ea sit hominum natura, ut nullum  
ingenium reperiatur non magnis  
obnoxium vitijs. Adde tantam ani-  
morum ac studiorum dissimilitu-  
dinem, tot lapsus, tot errata, tot  
casus vitæ mortalis, quo pacto vel  
horam constabit inter Argos istos  
amicitiæ iucunditas, nisi accesserit  
ea, quam mire Græci *Ὁμόφρων* ap-  
pellant, hanc seu stulticiam, seu mo-  
rum facilitatē veritas licebit. Quid  
autem? an non Cupido ille omnis  
necessitudinis autor & parens,  
prorsum oculis captus est, cui  
quemadmodum *τὰ μὴ καλὰ καλὰ  
πέφαν*), itidem inter vos quoque  
efficit, ut suum cuique pulchrum  
videatur, ut cæcus calcem, perinde  
ut pupus pupam deamet. Hæc  
passim & fiunt & ridentur, sed  
tamen

tamen hæc ridicula iucundam vitæ  
glutinant copulantque societatem.  
Porro quod de amicitia dictum est,  
id multo magis de coniugio sen-  
tiendum, quod quidem nihil est  
aliud, quam individua vitæ con-  
iunctio. Deum immortalem, quæ  
non divortia, aut etiam divortijs  
deteriora passim acciderent, nisi  
viri fœminæque domestica con-  
suetudo, per adulationem, per io-  
cum, per facilitatem, errorem, dis-  
simulationem, in eum utique satel-  
litium, fulciretur, alereturque. Pa-  
pæ, quam pauca coirent matrimo-  
nia, si sponsus prudenter exquire-  
ret, quos lusus delicata illa, sicuti  
videtur, ac pudens virguncula iam  
multo ante nuptias luserit? Tum  
quanto pauciora cohererent inita,  
nisi plurima uxorum facta per vi-  
ri vel negligentiam, vel stupor-  
rem



rem laterent? Atque hæc quidem merito stulticiæ tribuuntur, verum ea interim præstat, ut marito iucunda sit vxor, vxori iucundus maritus, ut tranquilla domus, ut maneat affinitas. Rideatur, cuculus curruca, & quid non vocatur, cum mœchæ lachrymas labellis exorbet. At quanto felicius, sic errare, quàm zelotypiæ diligentia quum sese conficere, tum omnia miscere tragœdijs? In summa vsque adeo nulla vitæ coniunctio sine me vel iucunda, vel stabilis esse potest, ut nec populus principem, nec servum herus, nec herum pedisequa, nec discipulum præceptor, nec amicus amicum, nec maritum vxor, nec locator conductorem, nec contubernalis contubernalem, nec victor victorem diutius ferat, nisi vicissim

48 *Moria Encomium*

vicissim inter sese nunc errent,  
 nunc adulentur, nunc prudentes  
 conniveant, nunc aliquo stulticiæ  
 melle sese delineant. Iam hæc scio  
 videri maxima, sed audietis majo-  
 ra. Quæso num quemquam ama-  
 bit, qui ipse semet oderit? Num cum  
 alio concordabit, qui secum ipse  
 dissidet? Num ulli voluptatem ad-  
 feret, qui sibi met ipsi sit gravis ac  
 molestus? Illud opinor nemo di-  
 xerit, nisi qui sit ipsa stultior stul-  
 ticia. Atqui si me excluderis, adeo  
 nemo poterit alterum ferre, ut ipse  
 etiam sibi quisque puteat, sua cui-  
 que sordeant, sibi quisque sit invi-  
 sus. Quandoquidem id mali natu-  
 ra, non paucis in rebus noverca ma-  
 gis quam parens, mortalium inge-  
 nijs iniecit, præcipue paulò corda-  
 tiorum, ut sui quemque pœniteat,  
 admiretur aliena. Quo fit ut omnes  
 dotes,



dotes, omnis elegantia, decorque  
vitæ vitietur. pereatque. Quid enim  
proderit forma, præcipuum deo-  
rum immortalium munus, si pu-  
ticitatis vitio contaminetur? Quid  
juventa, si senilis tristitiæ fermen-  
to corrumpatur? Denique quid in  
omni vitæ munere vel tecum, vel  
apud alios acturus es cum decoro  
(est enim non artis modo, verum  
etiam omnis actionis caput, decere  
quod agas) nisi adsit. dextra hæc  
Philautia, quæ mihi merito germa-  
næ est vice? Adeo strenue meas  
vbique partes agit. Quid autem  
æque stultum, atque tibi ipsi place-  
re? reipsum admirari? At rursus  
quid venustum, quid gratiosum,  
quid non indecorum erit, quod  
agas, ipse tibi displicens? Tolle hoc  
vitæ condimentum, & protinus  
frigebit cum sua actione orator,  
C nulli

nulli placebit cum suis numeris  
musicus, explodetur cum sua ge-  
sticulatione histrio, ridebitur unà  
suis cum musis poeta, sordebit cum  
arte pictor, esuriet cum pharmacis  
medicus. Postremo pro Nireo  
Thersites, pro Phaone Nestor, pro  
Minerva sus, pro facundo infans,  
pro urbano rusticus videberis. In  
tantum necesse est ut sibi quoque  
quisque blandiatur, & assenta-  
tiuncula quapiam sibi prius com-  
mendetur, quam alijs possit esse  
commendatus. Denique cum præ-  
cipua felicitatis pars sit, ut quod  
sis, esse velis, nimirum totum hoc  
præstat compendio mea Philau-  
tia, ut neminem suæ formæ, ne-  
minem sui ingenij, neminem ge-  
neris, neminem loci, neminem  
instituti, neminem patriæ pœ-  
niteat, adeo ut nec Hirlandus  
cum



eum Italo, nec Thrax cum Atheniensi, nec Scythæ cum insulis fortunatis cupiat permutare. Et ô singularem naturæ sollicitudinem, ut in tanta rerum varietate paria fecit omnia! Vbi dotibus suis nonnihil detraxit, ibi plusculum Philautiæ solet addere, quanquam hoc ipsum stulte profecto dixi, cum hæc ipsa dos sit vel maxima. Ut ne dicam interim, nullum egregium facinus adiri, nisi meo impulsu, nullas egregias artes, nisi me autore fuisse repertas. An non omnium laudatorum facinorum seges ac fons est bellum? Porro quid stultius, quam ob causas, nescio quas, certamen eiusmodi suscipere, unde pars utraque semper plus aufert incommodi, quam boni? Nam eorum qui cadunt, veluti Megarensium, ἡ δὲ λόγῳ.

C 2

Dein

52 *Moria Encomium*

Dein cum jam vtrunque constitere  
ferratae acies, & raucō crepuerunt  
cornua cantu, quis oro sapientum  
istorum usus, qui studijs exhausti,  
vix tenui frigidoque sanguine spi-  
ritum ducunt: crassis ac pinguibus  
opus est, quibus quam plurimum  
adsit audaciae, mentis quā mini-  
mum. Nisi si quis Demosthenem  
militem malit, qui Archilochi se-  
quutus consilium, vix conspectis  
hostibus, abiecto clypeo fugit tam  
ignavus miles quā orator sa-  
piens. Sed consilium, inquiunt, in  
bellis plurimum habet momenti.  
Equidem fateor in duce, verum id  
quidem militare, non philosophi-  
cum, alioqui parasitis, lenonibus,  
latronibus, sicarijs, agricolis, stupi-  
dis, obæratīs, & huiusmodi mortua-  
lium fece res tam præclara geri-  
tur, non philosophis lucernarijs.

Qui



Qui quidem quàm sint ad omnem vitæ usum inutiles, vel Socrates ipse vnus Apollinis oraculo sapiens, sed minime sapienter iudicatus, documento esse potest, qui nescio quid publice conatus agere, si immo cum omnium risu discessit. Quanquam vir is in hoc non usquequaque desipit, quod sapientis cognomen non agnoscit, atque ipsi deo rescribit, quodque censet sapienti à Rep. tractanda abstinendum esse, nisi quod potius monere debuerat, à sapientia temperandum ei, qui velit in hominum haberi numero. Deinde quid eundem accusatum ad cicutam bibendam adegit, nisi sapientia? Nam dum nubes & ideas philosophatur, dum pulicis pedes metitur, dum culicum vocem miratur, quæ ad vitam communem attinent, non didicit.

C 3      Sed.

Sed adest præceptor de capite periclitanti discipulus Plato, egregius scilicet patronus, qui turbæ strepitu offensus, vix dimidiatam illam periodum pronunciare potuit. Iam quid dicam de Theophrasto? Qui progressus in concionem, protinus obmutuit, perinde quasi repente lupo conspecto, qui militem animasset in bello? Isocrates ob ingenij timiditatem nec hiscere unquam est ausus. M. Tullius eloquentiæ Romanæ parens, semper indecora trepidatione, perinde quasi puer singultiens exordiri consuevit. Idque Fabius interpretatur cordati oratoris & periculū intelligentis argumentum. Verum cum hoc dicit, an non palam fatetur sapientiam obstare ad rem probe gerendam? Quid isti facient, cum res ferro geritur, qui



qui tum metu exanimantur, cum nudis verbis est decertandum? Et post hæc celebratur, si dijs placeat, præclara illa Platonis sententia, beatas fore respublicas, si aut imperent philosophi aut philosophentur imperatores. Imò si consules historicos, reperies nimirum nullos reipublicæ pestilentiores fuisse principes, quam si quando in philosophastrum aliquem aut literis additum inciderit imperium. Cuius rei satis, opinor, faciunt fidem Cato-nes: quorum alter insanis delationibus Reipub. tranquillitatem vexavit, alter libertatem P.R. dum nimium sapienter vindicat funditus subvertit. Adde his Brutos, Cassios, Gracchos, ac Ciceronem etiam ipsum, qui non minus pestilens fuit Romanorum Reip. quam Demosthenes Atheniensium. Porro

§6 *Moria Encomium*

M. Antonius, ut donemus bonum imperatorem fuisse, nam id ipsum extorquere possim, fuit enim hoc ipso nomine gravis, atque invisus civibus, quod tam Philosophus esset, Sed tamen ut donemus fuisse bonum, ac certe pestilentior fuit Reip. tali relicto filio, quàm fuerat sua administratione salutaris. Quandoquidem solet hoc hominum genus, qui se sapientiæ studio dediderunt, cum cæteris in rebus, tum præcipue in liberis propagandis infelicissimum esse, providente opinor natura, ne malum hoc sapientiæ inter mortales latius serpat. Itaque Ciceroni degenerem fuisse filium constat, & sapiens ille Socrates liberos habuit matri similiores quàm patri, ut non omnino pessimè scripsit quidam, id est, stultos. Sed utcunque ferendum, si tantum  
ad



ad publica munia forent ὅροι τοῖς  
ἀνθρώποις, nisi ad omnem prorsus vi-  
tæ functionem nihilo essent dexte-  
riores. Ad convivium adhibe sa-  
pientem, aut tristi silentio, aut mo-  
lestis quæstiunculis obturbabit. Ad  
chorum advoca, camelum saltare  
dices. Ad publicos ludos trahere, ipso  
vultu populi voluptatibus obstabit,  
& cogetur è theatro migrare sa-  
piens Cato, quandoquidem su-  
percilium non potest ponere. In  
colloquium inciderit, repente lu-  
pus in fabula. Si quid emendum, si  
contrahendum, breviter si quid eo-  
rum agendum, sine quibus hæc  
quotidiana vita transigi non potest,  
stipitem dicas sapientem istum,  
non hominem. Usque adeo ne-  
que sibi, neque patriæ, neque suis  
usquam usui esse potest, propterea  
quod communium rerum sit im-

C s peritus

peritus & à populari opinione, vulgaribusque institutis longe lateque discrepet. Qua quidem ex re odium quoque consequatur necessum est, nimirum ob tantam vitæ atque animorum dissimilitudinem. Quid enim omnino geritur inter mortales non stulticiæ plenum, idque à stultis, & apud stultos? Quod si quis unus universis velit obstrepere, huic ego suaserim, ut Timonem imitatus, in solitudinem aliquam demigret, atque ibi solus sua fruatur sapientia. Verum ut ad id, quod institueram, revertar, quæ vis saxeos, quernos, & agrestes illos homines in civitatem coëgit, nisi adulatio? Nihil enim aliud significat illa Amphionis & Orphei cithara. Quæ res plebem Romanam iam extrema molientem, in concordiam civitatis



tatis revocavit? Num oratio philosophica? *Minime.* Imò ridiculus ac puerilis apologus de ventre, reliquisque corporis membris confictus. Idem valuit Themistoclis apologus consimilis de vulpe & ericio. Quæ sapientis oratio tantundem potuisset, quantum commenticia illa cerva Sertorij potuit, quantum Laconis illius de duobus canibus, deque vellendis equinæ caudæ pilis ridendum modo dicti Sertorij commentum? Ut ne quid dicam de Minoe, deque Numa, quorum vterque fabulosis inventis stultam multitudinem rexit. Huiusmodi nugis commovetur ingens ac potius illa belua, populus. At rursus, quæ civitas unquam Platonis, aut Aristotelis leges, aut Socratis dogmata recepit? Tum autem quæ res

C 6

Decijs

Decijs persuasit, vt vltro sese dijs.  
manibus devoverent? Quid Q.  
Curtium in specum traxit, nisi ina-  
nis gloria, dulcissima quædam Si-  
ren, sed mirum quam à sapientibus  
istis damnata? Quid enim stultius  
inquiunt, quam supplicem candi-  
datum blandiri populo, congiarijs  
favorem emere, venari tot stulto-  
rum applausus, acclamationibus  
sibi placere, in triumpho veluti si-  
gnum aliquod populo spectandum  
circumferri, æneum in foro stare?  
Adde his nomen & cognomi-  
num adoptiones. Adde divinos  
honores homuncioni exhibitos,  
adde publicis cæremonijs in deos  
relatos etiam sceleratissimos tyran-  
nos. Stultissima sunt hæc, & ad  
quæ ridenda non unus sufficit De-  
mocritus. Quis negat? Atqui hoc  
fonte nata sunt fortium horum  
facinora.



facinora, quæ tot eloquentium virorum literis in cœlum tolluntur. Hæc stulticia parit civitates, hac constant imperia, magistratus, religio, consilia, iudicia, nec aliud omnino est vita humana, quam stulticiæ lusus quidam. Iam vero ut de artibus dicam, quid tandem mortalium ingenia ad excogitandas prodendæque posteris, tot egregias, ut putant, disciplinas excitavit, nisi gloriæ sitis? Tantis vigilijs, tantis sudoribus, famam, nescio quam, quæ nihil esse potest inanius, redimendam putarunt homines verè stultissimi. Sed interim stulticiæ tot tam egregia vitæ commoda debetis, quodque est longe dulcissimum, aliena fruimini infania. Ergo posteaquam mihi fortitudinis & industriæ laudem vindicavi, quid si prudentiæ quoque

que vindicem? Sed dixerit aliquis  
 eadem opera ignem aquæ misceas,  
 licebit. Verum hoc quoque suc-  
 cessurum arbitror, si vos modo  
 quod ante hac fecistis, auribus at-  
 que animis favebitis. Principio si  
 rerum usu constat prudentia, in  
 utrū magis competet ejus cogno-  
 minis honos, in sapientem, qui  
 partim ob pudorem, partim ob ani-  
 mi timiditatem nihil aggreditur, an  
 in stultum, quem neque pudor, quo  
 vacat, neque periculum, quod non  
 perpendit, ab vlla re deterret? Sa-  
 piens ad libros veterum confugit,  
 atque hinc meras vocum argutias  
 ediscit. Stultus adeundis cominus-  
 que periclitandis rebus, veram (ni  
 fallor) prudentiam colligit. Id  
 quod vidisse videtur Homerus,  
 etiamsi cæcus, cum ait  $\rho\epsilon\chi\theta\epsilon\nu\delta\epsilon$   
 $\pi\epsilon\upsilon\eta\pi\iota\epsilon\gamma\upsilon\omega$ . Sunt enim duo  
 præci-



præcipua ad cognitionem rerum  
parandam obstacula, pudor qui  
fuum offundit animo, & me-  
tus, qui ostenso periculo, dehorta-  
tur ab adeundis facinoribus. At  
his magnifice liberat stulticia. Pau-  
ci mortales intelligunt ad quam  
multas alias quoque commodita-  
tes conducatur, nunquam pudefcere  
& nihil non audere. Quod si pru-  
dentiam accipere malunt eam, quæ  
rerum iudicio constant, audite ob-  
secro quàm procul absint ab hac,  
qui hoc nomine sese venditant.  
Principio constat res omneis hu-  
manas, velut Alcibiadis Silenos bi-  
nas habere facies nimium inter sese  
dissimiles, Adeò ut quod prima, ut  
aiunt, fronte mors est, si interius  
inspicias, vita sit: contra, quod vita,  
mors: quod formosum, deforme:  
quod opulentum, id pauperrimum:  
quod

64 *Moria Encomium*

quod infame, gloriosum: quod do-  
ctum, indoctum: quod robustum,  
imbecille: quod generosum, igno-  
bile: quod lætum, triste: quod pro-  
sperum, adversum: quod amicum,  
inimicum: quod salutare, noxium:  
breviter omnia repente versa re-  
peries, si Silenum aperueris. Id si  
cui forte nimis philosophicè di-  
ctum videtur, age pinguiore,  
quemadmodum dici solet, Minerva  
planius faciam. Quis regem non  
& opulentum, & dominum fate-  
tur? Atqui nullis animi bonis in-  
structus est, atqui nihil illi satis est,  
iam videlicet pauperrimus est. Tum  
animum habet plurimis addictum  
vitijs, jam iuppiter servus est. Ad  
eundem modum in cæteris quo-  
que philosophari liceret. Sed hoc  
exempli vice posuisse satis sit. At  
quorū hæc? inquit aliquis,  
Audite



Audite quò rem deducamus. Si quis histrionibus in scena fabulam agentibus personas detrahare coneretur, ac spectatoribus veras nativasque facies ostendere, nonne is fabulam omnem perverterit, dignusque habeatur, quem omnes è theatro velut lymphatum saxis eijciant? Exorietur autem repente nova rerum species, ut qui modo mulier nunc vir: qui modo iuvenis, mox senex: qui paulo ante rex, subito Dama: qui modo deus, repente homunculus appareat. Verum eum errorem tollere, est fabulam omnem perturbare. Illud ipsum figmentum & fucus est, quod spectatorum oculos detinet. Porro mortalium vita omnis quid aliud est, quàm fabula quæpiam, in qua alij alijs obtecti personis procedunt, aguntque suas quisque partes, donec

66 *Moria Encomium*

donec choragus educat è proscenio? Qui sæpe tamen eundem diverso cultu prodire iubet, ut qui modo regem purpuratum egerat, nunc servulum pannosum gerat. Advmbrata quidem omnia, sed hæc fabula non aliter agitur. Hic si mihi sapiens aliquis cælo delapsus, subito exoriatur, clamitetque hunc quem omnes ut deum ac dominum suspiciunt, nec hominem esse, quod pecudum ritu ducatur affectibus, servum esse infimæ sortis quod tam multis, tamque sædis dominis iponte serviat. Rursum alium, qui parentem extinctum luget, ridere iubeat, quod jam demum ille vivere cœperit, cum alicui vita hæc nihil aliud sit quam mors quardam. Porro alium stemmatis gloriantem, ignobilem ac nothum appellet, quod à virtute longe



longe absit, quæ sola nobilitatis sit  
fons, atque ad eundem modum de  
cæteris omnibus loquatur, quæso  
quid is aliud egerit, nisi ut demens  
ac furiosus omnibus esse videatur?  
Ut nihil est stultius præpostera sa-  
pientia, ita perversa prudentia ni-  
hil imprudentius. Siquidem per-  
verse facit, qui sese non accom-  
modat rebus præsentibus, foro-  
que nolit uti, nec saltem legis il-  
lius convivialis meminerit, ἢ ὡς  
ἢ ἄπιδι, postuletque ut fabula jam  
non sit fabula. Contra, vere pru-  
dentis est, cum sis mortalis, nihil  
ultra sortem sapere velle, cum-  
que vniversa hominum multitu-  
dine vel connivere libenter, vel  
comiter errare. At istud ipsum, in-  
quiunt, stulticiæ est. Haud equi-  
dem inficias iverim, modo fate-  
antur illi vicissim hoc esse, vitæ  
fabulam.

68 *Moria Encomium*

fabulam agere. Caterum illud ô  
dij immortales, eloquar ne, an  
fileam? Quir autem fileam, cum  
sit vero verius? Sed præstiterit  
fortassis in re tanta Musas ex Heli-  
cone accersere, quas poëtæ sapius  
ob me res nugas advocare solent.  
Adeste igitur paulisper Iovis filia,  
dum ostendo nec ad egregiam  
illam sapientiam ac felicitatis, ut  
ipsi vocant, arcem, aditum esse  
cuiquam; nisi stulticia duce. Iam  
primum illud in confesso est, affe-  
ctus omnes ad stulticiam pertinere:  
quandoquidem hac nota à stulto  
sapientem discernunt, quod illum  
affectus, hunc ratio temperat:  
eoque Stoici perturbationes omnes  
ceu morbos à sapiente se movent:  
verum affectus isti non solum pæ-  
dagogorum vice funguntur ad sa-  
pientiæ portum properantibus,  
verume-



verumetiam in omni virtutis functione, ceu calcaria stimuli que quidam adesse solent, velut ad bene agendū exhortatores, Quamquam hic fortiter reclamatione bis Stoicus Seneca, qui prorsum omnem affectum adimit sapienti. Verum cum id facit, jam ne hominem quidem relinquit, sed novum potius deum quendam *δημιουργόν*, qui nusquam nec extitit unquam, nec extabit: imò ut apertius dicam, marmoreum hominis simulacrum constituit, stupidum & ab omni prorsus humano sensu alienum. Proinde si libet, ipsi suo sapiente fruantur, citraque rivalem ament licet, cumque eo vel in civitate Platonis, vel si m. lint, in idearum regione, vel in Tantalij inhabitent hortis. Quis enim non istiusmodi hominem ceu portentum ac spectrum fugiter

fugitet horreatque, qui ad omnes  
naturæ sensus obsurduerit, qui  
nullis sit affectibus, nec amore, nec  
misericordia magis commoveatur,  
quam si dura silex, aut steterit  
Marpesia cautes, quem nihil fugiat,  
qui nihil erret, sed ceu Lynceus  
quispiam nihil non perspiciat,  
nihil non ad amussim perpendat,  
nihil ignoret, qui solus seipso sit  
contentus, solus dives, solus sanus,  
solus rex, solus liber, breviter omnia  
solus, sed suo solius iudicio,  
qui nullum moretur amicum, ipse  
amicus nemini, qui dijs quoque  
ipsis non dubitet mandare laqueum,  
qui quicquid in omni vita geritur,  
velut insanum damnet, rideatque?  
Atqui huiusmodi animal est  
absolutus ille sapiens. Quæso si  
res agatur suffragijs, quæ civitas  
istiusmodi magistratum sibi velit,  
aut



aut quis exercitus talem optet ducem? imò quæ mulier id genus maritum, quis convivator ejusmodi convivam, quis servus talibus moribus dominum vel optet, vel ferat? Quis autem non malit vel vnum quemvis de media stultissimorum hominum plebe, qui stultus stultis vel imperare possit, vel parere, qui sui similibus placeat, sed quàm plurimis, qui comis sit in vxorem, jucundus amicis, bellus conviva, victor facilis, postremo qui nihil humani à se alienum putet? Sed me quidem jam dudum istius sapientis piget. Quare ad reliqua commoda sese recipiat oratio. Agedum, si quis velut è sublimi specula circumspiciat, ita ut Iovem interdum poëtæ facere prædicant, quot calamitatibus hominum vita sit obnoxia, quàm

72 *Moria Encomium*

quàm misera, quam sordida nativitas, quàm laboriosa educatio quot iniurijs exposita pueritia, quot sudoribus adacta inventus, quàm gravis senectus, quàm dura mortis necessitas, deinde in omni vita, quot morborum agmina infestent, quot immineant casus, quot ingruant incommoda, quàm nihil usquā non plurimo felle tinctum, ut ne commemorem ista, quæ homini ab homine inferuntur mala, quod genus sunt, paupertas, carer, infamia, pudor, tormenta, insidiæ, proditio, convicia, lites, fraudes. Sed ego jam planè τῶν ἀναιμῶν ἀναμετρεῖν aggredior. Porro quibus admillis ista commeruerint homines, aut quis deus iratus eos in has miseras nasci coëgerit, non est mihi fas in præsentia proloqui. Verum ista qui secum perpendat, nonne  
Milesia-



Milesiarum virginum probabit exemplum, etiam si miserandum? At quoniam potissimum sibi vitæ radio fatum accersivere? Nonne sapientiæ confines? Inter quos, ut interim Diogenes, Xenocrates, Catones, Cassios, ac Brutos sileam, Chiron ille cum immortalem esse liceret, ultro mortem præoptavit. Videtis opinor, quid futurum sit, si passim sapiant homines: nempe altero luto, altero figulo Prometheo opus fore. Verum ego partim per ignorantiam, partim per incogitantiam, nonnunquam per oblivionem malorum, aliquando spem bonorum, aliquoties nonnihil mellis voluptatibus aspergens, ita tantis in malis succorro, ut ne tum quidem libeat vitam relinquere, cum exacto Parcarum stamine, ipsa jamdudum eos relin-

D      quit

quit vita, quoque minus sit causæ,  
 cur in vita manere debeant, hoc  
 magis juvet vivere, tantum abest,  
 ut villo vitæ tædio tangantur. Mei  
 nimirum munus est, quod passim  
 Nestorea senectâ senes videtis, qui-  
 bus jam ne species quidem homi-  
 nis super est, balbos, deliros, eden-  
 tulos, canos, calvos, vel ut magis  
 Aristophanicis eos describam ver-  
 bis, ῥυπῶντας κυφῆς, ἀθλίους, ῥυ-  
 σῆς, μαδῶντας, νωδῆς, καὶ ψωλῆς,  
 tamen vsque adeo vita delectari a-  
 deoque νεανίζειν, ut alius tingat ca-  
 nos, alius apposititia coma calvi-  
 cium dissimulet, alius dentibus v-  
 tatur mutuo fortassis à sue quopiam  
 sumptis, hic in puellam aliquam  
 miserè depereat, & amatorijs in-  
 eptijs quemvis etiam superet ado-  
 lescentulum. Nam ut capulares jam,  
 meraque silicernia, teneram ali-  
 quam



quam juvenculam ducant vxorem,  
eamque & indotatam, & alijs vsui  
futuram, id adeo frequens, ut  
propemodum & laudi detur. Sed  
multo etiam suavius, si quis ani-  
madvertat anus, longo jam senio  
mortuas, adeoque cadaverosas, ut  
ab inferis redisse videri possint, ta-  
men illud semper in ore habere,  
Φῶς ἀγαθόν. adhuc catulire, atque,  
ut Græci dicere solent, καπεῖν, &  
magna mercede conductum ali-  
quem Phaonein inducere, fucis as-  
sidue vultum oblinere, nusquam  
à speculo discedere, infimæ pu-  
bis sylvam vellere, vietas ac pu-  
tres ostentare mammas, tremu-  
loque gannitu languentem solici-  
tare cupidinem, potitare, misceri  
puellarum choris, literulas ama-  
torias scribere. Ridentur hæc  
ab omnibus tanquam, uti sunt

D 2      *stul-*

stultissima: at ipsæ sibi placent, & in summis interim versantur delicijs, totasque sese melle perungunt, meo videlicet beneficio felices. Porro quibus hæc deridicula videntur, illud secum expendant velim, utrum satius ducant huiusmodi stulticia vitam planè mellitam exigere, an trabem, ut ajunt, suspendio quærere. Porro quod hæc vulgo putantur infamiæ obnoxia, istud nihil ad stultos meos, qui malum hoc aut non sentiunt, aut si quid sentiunt, facile negligunt. Si saxum in caput incidat, id vere malum sit. Cæterum pudor, infamia, probrum, maledicta, tantum adferunt noxæ, quantum sentiuntur. Si sensus absit, ne mala quidem sunt. Quid lædit, si totus populus in te sibilet, modo tute tibi plaudas? Atque ut id liceat, sola  
stulticia



stulticia præstat. Sed mihi videor  
audire reclamantes philosophos.  
Atqui hoc ipsum est, inquiunt  
miserum, stulticia teneri, errare,  
falli, ignorare. Imò hoc est homi-  
nem esse. Porro miserum cur vo-  
cent, non video, quandoquidem  
sic nati estis, sic instituti, sic con-  
diti, ea est communis omnium fors.  
Nihil autem miserum, quod in suo  
genere constat, nisi forte quis ho-  
minem deplorandum existimet,  
qui neque volare possit cum avi-  
bus, neque quaternis ingredi pedi-  
bus cum reliquo pecudum gene-  
re, neque cornibus sit obarmatus  
quemadmodum tauri. Verum is  
eadem opera, equum etiam bellif-  
simum infelicem vocabit, quod  
neque grammaticum didicerit, ne-  
que placentis vescatur; taurum mi-  
serum, quod ad palæstricam sit  
D 3 inutilis.

78 *Moria Encomium*

inutilis . Igitur vt equus imperitus grammaticæ, miser non est, ita nec homo stultus infelix , propterea quod hæc cum illius natura cohærent . Verum rursus vrgent logodædali. Est, inquiunt, homini peculiaritet addita disciplinarû cognitio , quarum adminiculis id, quod natura diminutum est, ingenio penset. Quasi vero vllam veri faciem habeat, naturam, quæ in culicibus , atque adeo in herbis ac flosculis tam sollicitè vigilaverit, in vno homine dormitasse , vt disciplinis opus esset, quas Theutus ille humano generi infensus genius, in summam perniciem excogitavit, adeo non vtilis ad felicitatem, vt illi quoque ipsi officiant, ad quod proprie repertæ dicuntur , vt eleganter arguit apud Platonem, rex ille prudentissimus de literarum invento.



invento. Igitur disciplinæ cum reliquis humanæ vitæ pestibus irreperunt, iisdem autoribus, à quibus omnia flagitia proficiscuntur, puta dæmonibus, quibus hinc nomen etiam inventum, quasi δαίμονας, hoc est, scientes appelles. Si quidem simplex illa aurei seculi gens, nullis armata disciplinis, solo naturæ ductu, instinctuque vivebat. Quorsû enim opus erat grammatica, cum eadem esset omnibus lingua, nec aliud sermone petebatur, nisi vt alius alium intelligeret? Quis vsus dialectices, vbi nulla erat pugnantium inter se sententiarum dimicatio? Quis rhetoricæ locus cum nullus alteri negotium faccesseret? Quorsum requireretur legum prudentia, cum abessent mali mores, ex quibus haud dubie bonæ leges prognatæ sunt?

D 4. Porro

80 *Moria Encomium*

Porro religiosiores erant quàm ut  
impia curiositate arcana naturæ, sy-  
derum mensuras, motus, effectus,  
abditas rerum causas scrutarentur,  
nefas esse rati, si homo mortalis  
ultra sortem suam sapere conare-  
tur. Iam quid extra cœlum esset,  
inquirendi dementia ne in men-  
tem quidem veniebat. At labente  
paulatim ætatis auræ puritate,  
primum à malis, ut dixi, genijs in-  
ventæ sunt artes, sed paucæ, atque  
hæ quidem à paucis receptæ. Po-  
stea sexcentas addidit Caldæorum  
superstitio, & Græcorum sociosa le-  
vitas, meras ingeniorum cruces,  
adeo ut vel vna grammatica abun-  
de satis sit ad perpetuam vitæ car-  
nificinam, Quamquam inter has  
ipsas disciplinas, hæ potissimum in-  
preciosæ sunt, quæ ad sensum com-  
munem, hoc est, ad stulticiam,  
quam



quam proxime accedunt. Esuriunt  
Theologi, frigent Physici, riden-  
tur astrologi, negliguntur Dialecti-  
ci. Solus *ιατρός ἀνὴρ ποικίλων ἀντι-  
ξίῳ ἀνδρῶν*. Atque in hoc ipso  
genere, quo quis indoctior, auda-  
cior, incogitantiorque, hoc pluris  
fit etiam apud torquatos istos prin-  
cipes. Atqui medicina, præsertim  
ut nunc à compluribus exercetur,  
nihil aliud est quam assentationis  
particula, non minus profecto  
quàm rhetorica. Secundum hos  
proximus datur locus leguleijs, &  
haud scio an primus, quorum pro-  
fessionem, ne quid ipsa pronun-  
ciem, velut asininam philosophi  
magno consensu ridere solent. Sed  
tamen horum asinorum arbitrio  
maxima minimaque negocia tran-  
siguntur. His latifundia crescunt,  
cum theologus interim excussis to-

D s tius

82 *Moria Encomium*

tius divinitatis scriuijs, lupinum  
arrodit, cum cimicibus ac pedicu-  
lis assidue bellum gerens. Vt igitur  
feliciores sunt artes, quæ majorem  
habent cum stulticia affinitatem,  
ita longe felicissimi sunt hi,  
quibus prorsus licuit ab omnium  
disciplinarum commercio abstine-  
re, solamque naturam ducem sequi,  
quæ nulla sui parte manca est, nisi  
forte mortalis sortis pomeria tran-  
silire velimus. Odit natura fucos,  
multoque felicius provenit, quod  
nulla sit arte violatum. Agedum, an  
non videris ex vnoquoque reliquo-  
rum animantium genere ea feli-  
cissime degere, quæ sunt à disci-  
plinis alienissima, nec ullius ma-  
gisterio nisi naturæ ducuntur? Quid  
apibus aut felicius, aut mirabilius?  
At his ne corporis quidem om-  
nes sensus adsunt. Quid simile in  
ex-



exertuendis ædificijs. reperit architectura? Quis vnquam philosophus similem instituit rempublicam? Rursum equus quoniam humanis sensibus affinis est, & in hominum contubernium demigravit, humanarum item calamitatum est particeps, Quippe qui non raro dum vinci pudet in certaminibus ducit ilia, & in bellis dum ambit triumphum, confoditur, simulque cum fessore terram ore momordit. Vt ne commemorem interim lupata frena, aculeata calcaria, stabuli carcerem, scuticas, fustes, vincula, fessorem, breuiter omnem illam seruitutis tragœdiam, cui se vltro addixit, dum fortes viros imitatus impensius hostem vlcisci studet. Quanto optabilior muscarum & avicularum vita, ex tempore

D. 6

tolo-

84 *Moria Encomium*

soloque naturæ sensu degentium,  
 modo per hominum invidias li-  
 ceat, Quæ si quando caveis inclu-  
 sæ affluescant humanas sonare lin-  
 guas, mirum quàm à nativo illo  
 nitore degenerent. Adeo modis  
 omnibus lætius est, quod natura  
 condidit, quàm quod fucavit ars.  
 Proinde nunquam satis laudari  
 gallum illū Pythagoram, qui cum  
 vnus omnia fuisset, philosophus,  
 vir, mulier, rex, privatus, piscis,  
 equus, rana, opinor etiam spon-  
 gia, tamen nullum animal judica-  
 vit calamitosius homine, propte-  
 rea quod cætera omnia naturæ fi-  
 nibus essent contenta, solus homo  
 sortis suæ limites egredi conaretur.  
 Rursū inter homines, idiotas mul-  
 tis partibus anteponit doctis ac ma-  
 gnis. & Gryllus ille non paulo plus  
 sapuit, quàm *πλυμῆπς ὀδυσεύς*,  
 qui



qui maluerit in hara grunnire,  
quàm cum illo tot miseriſ obijci  
caſibus. Ab his mihi non diſſentire  
videtur Homerus, nugarum pater,  
qui cum mortales omninoſ ſubinde  
δειλὸς καὶ μοχθῆρὸς appellat, tum  
Vlyſſem illum ſuum ſapientis e-  
xemplar ſæpenumero δούλων vo-  
cat, Paridem nuſquam, nec Aja-  
cem, nec Achillem. Quam ob rem  
id tandem? Niſi quod ille vaſer &  
artifex nihil non Palladiſ conſilio  
agebat, nimiumque ſapiebat, à na-  
turæ ductu quàm longiſſime rece-  
dens? Ut igitur inter mortales, ij  
longiſſime ab ſunt à felicitate, qui  
ſapientiæ ſtudent, nimirum hoc  
ipſo bis ſtulti, quod homineſ nati  
cum ſint, tamen obliti conditioniſ  
ſuæ, deorum immortalium vitam  
affectant, & gigantum exemplo,  
disciplinarum machinis, naturæ  
bellum

bellum inferunt, ita quam minime miseri videntur ij, qui ad brutorum ingenium stulticiamq; quam proxime accedunt, neque quicquam ultra hominem moluntur. Age experiamur, num hoc quoque non Stoicis enthymematis, sed crasso quopiam exemplo queamus ostendere. Ac per deos immortales, estne quicquam felicius isto hominum genere, quos vulgo moriones, stultos, fatuos, ac bliteos appellant. pulcherrimis, ut equidem opinor, cognominibus? Rem dicam prima fronte stultam fortassis atque absurdam, sed tamen vnam multò verissimam. Principio vacant mortis metu, non mediocri per loyem malo. Vacant conscientiae carnificina. Non territantur manium fabulamentis. Non expavescunt spectris ac lemuribus,  
non



non torquentur metu impendentium malorum, non spe futurorum bonorum distenduntur. In summa non dilacerantur millibus curarum, quibus hæc vita obnoxia est. Non pudeſcunt, non verentur, non ambiunt, non invident, non amant. Denique ſi propius etiam ad brutorum animantium inſipientiam acceſſerint, ne peccant quidem autoribus theologis. Hic mihi iam expendas velim ſtultiſſime ſapiens, quot vndique ſolicitudinibus noctes diesque diſcrucietur animus tuus, congeras in vnum acervum vniuerſa vitæ tuæ incommoda, atque ita demum intelliges, quantis malis meos fatuos ſubduxerim. Adde huc, quod non ſolum ipſi perpetuo gaudent, ludunt, cantillant, rident, verum etiam cæteris omnibus quocunque ſeſe

88 *Moria Encomium*

se se verterint, voluptatem, jocum, lulum, risumque adferunt, velut in hoc ipsum à deorum indulgentia dati, ut humanæ vitæ tristitiam exhilararent. Vnde fit, ut cum alijs in alios varius sit affectus, hos omnes ex æquo tanquam suos agnoscant, expetant, pascant, foveant, complectantur, succurrant, si quid acciderit: impune permittant, quicquid vel dixerint, vel fecerint. Adeoque nemo illis nocere cupit, ut feræ quoque bellæ ab illorum iniuria temperent, sensu quodam innocentiae naturali. Sunt enim verè sacri dijs præcipue mihi, adeoque non injuria hunc honorem omnes illis habent. Quid, quod summis etiam regibus adeo sunt in delicijs, ut nonnulli sine his neque prandere, nec ingredi, nec omnino vel horam durare possint. Neque



que vero paulo intervallo hos bliteos suis illis tetricis sophis anteponunt, quos tamen ipsos aliquot honoris gratia solent alere. Cur autem anteponant, nec obscurum arbitror, nec mirum videri debet, cum sapientes illi nil nisi triste soleant adferre principibus, suaque doctrina freti, non vereantur aliquoties auriculas teneras mordaciter radere vero, Moriones autem id præstent, quod vnum vndecunque principes modis omnibus aucupantur, jocos, risus, cachinnos, delicias. Iam accipite & hanc non aspernamdam stultorum dotem, quod soli simplices ac veridici sunt. Quid autem veritate laudatius? Quanquam enim Alcibiadeum apud Platonem proverbium, veritatem vino pueritiæq; tribuit, tamen omnis ea laus mihi peculiariter debetur,

debetur, vel Euripide teste, cuius extat illud celebre de nobis dictum. *μῶρε γὰρ μωρὸς λέγει*. Fatuus quicquid habet in pectore, id & vultu præ se fert, & oratione promit. At sapientum sunt duæ illæ linguæ, ut idem meminit Euripides, quarum altera verum dicunt, altera, quæ pro tempore iudicarint opportuna. Horum est nigrum in candida vertere, & eodem ex ore frigidum pariter & calidum efflare, longeque aliud conditum habere in pectore, aliud sermone fingere. Porro in tanta felicitate, tamen hoc nomine principes mihi videntur infelicissimi, quod deest, à quo verum audiant, & assentatores pro amicis habere coguntur. Sed abhorrent à vero principum aures, dixerit aliquis, & hac ipsa de causa sapientes istos fugitant, quod vereantur



vereantur, ne quis forte liberior  
existant, qui vera magis quam ju-  
cunda loqui audeat. Ita quidem  
res habet, invisa regibus veritas.  
Sed tamen hoc ipsum mire in fa-  
tuis meis usu venit, ut non vera  
modo, verum etiam aperta convi-  
cia cum voluptate audiantur, adeo  
ut idem dictum, quod si à sapientis  
ore proficiscatur, capitale fuerat  
futurum: à morione profectum,  
incredibilem voluptatem pariat.  
Habet enim genuinam quandam  
delectandi vim veritas, si nihil  
accedat quod offendar: verum id  
quidem solis fatuis dii dederunt.  
Iisdem ferme de causis hoc homi-  
num genere mulieres gaudere so-  
lent impensius, utpote ad volupta-  
tem & nugas natura propensio-  
res. Proinde quicquid cum hujus-  
modi factitarint, etiam si nonnun-  
quam

quam serium nimis, illæ tamen jocum ac lulum intepretantur, ut est ingeniosus, præsertim ad prætexenda commissa sua, sexus ille. Igitur ut ad fatuorum felicitatem redeam, multa cum jucunditate peracta vita, nullo mortis vel metu, vel sensu, rectà in campos Elysios demigrant, & illic pias atque ociosas animas lusibus suis delectaturi. Eamus nunc, & quemvis etiam sapientem cum hujus morionis sorte conferamus. Finge iam mihi quod huic opponas exemplar sapientiæ, hominem qui totam puericiam atque adolescentiam in perdiscendis disciplinis contriverit, & suavissimam vitæ partem, perpetuis vigilijs, curis, sudoribus perdiderit, ne in reliqua quidem omni vita vel tantillum voluptatis degustarit, semper parcus, pauper, tristis, re-  
tricus,



ericus, sibi ipsi iniquus ac durus,  
alijs gravis & invisus, pallore,  
macie, valetudine, lippitudine con-  
fectus, senio canicieque multo ante  
diem contracta, antediem fugiens  
è vita. Quanquam quid refert  
quando moriatur istiusmodi, qui  
nunquam vixerit? Habetis egre-  
giam illam sapientis imaginem. At  
hic rursus obganniunt mihi οἱ ἐκ  
τῶν σοῶν βαρῆαχοι. Nihil, inquiunt,  
miserius insania. Sed insignis stul-  
ticia, vel insaniæ proxima est, vel  
ipsa potius insania. Quid enim  
aliud est insanire, quàm errare ani-  
mo? Sed isti tota errant via. Age  
hunc quoque syllogisimum dissipe-  
mus, Musis bene fortunantibus.  
Argute quidem isti, verum quem-  
admodum apud Platonem docet  
Socrates, ex vna Venere secta duas,  
& ex vno Cupidine dissecto duos  
faciens:

faciens: itidem & istos dialecticos  
decebat insaniam ab insania distin-  
guere, si modo ipsi sani videri vel-  
lent. Neque enim protinus om-  
nis insania calamitosa est. Alio-  
qui non dixisset Horatius, An me  
ludit amabilis insania: neque Pla-  
to poetarum, vatum, & aman-  
tium furorem inter præcipua vitæ  
bona collocasset: nec vates illa la-  
borem Aeneæ vocasset insanum.  
Verum est duplex insaniæ genus:  
alterum quod ab inferis diræ vltri-  
ces submittunt, quoties immissis  
anguibus, vel ardorem belli, vel  
inexplebilem auri sitim, vel dede-  
corosum ac nefarium amorem, vel  
parricidium, incestum, sacrilegium,  
aut aliam id genus pestem aliquam  
in pectora mortalium invehunt, si-  
ve cum nocentem & conscium ani-  
mum, furijs ac terribiliorum faci-  
bus



bus agunt. Est alterum huic longe  
dissimile, quod videlicet à me pro-  
ficiscitur, omniū maxime exoptan-  
dum. Id accidit quoties jucundus  
quidam mentis error simul & an-  
xijs illis curis animum liberat, &  
multijuga voluptate delibutū red-  
dit. Atqui hunc mentis errorem  
ceu magnum quoddam decorum  
munus, ad Atticum scribens, optat  
Cicero, nimirum quo tantorum  
malorum sensu carere posset. Ne-  
que perperam sensit Argivus ille,  
qui hactenus insaniebat, ut totos  
dies solus desideret in theatro, ri-  
dens, plaudens, gaudens, quod cre-  
deret illic miras agi tragœdias, cum  
nihil omnino ageretur, cum in  
cæteris vitæ officijs probe sese ge-  
reret, jucundus amicis, comis in  
uxorem, posset qui ignoscere ser-  
vis, Et signo læsæ non insanire  
lagenæ.

lagenæ. Hunc ubi cognatorum  
opera datis pharmacis morbo le-  
vasset, sibi que jam totus esset reddi-  
tus, hunc in modum cum amicis  
expostulans, Pol, me occidistis  
amici, Non servastis ait, cui sic ex-  
torta voluptas. Et demptus per  
vim mentis gratissimus error. Et  
merito quidem: errabant enim ipsi,  
atque elleboro magis opus habe-  
bant, qui tam felicem ac jucun-  
dam insaniam, ceu malum aliquod,  
existimarent potionibus expellen-  
dam. Quanquam illud equidem  
nondum statui, num quivis sensus,  
aut mentis error, insanix nomine  
sit appellandus. Neque enim si cui  
lippienti mulus asinus esse videat-  
ur: aut si quis indoctum carmen  
veluti doctissimum admiretur, is  
continuo videbitur insanire. Ve-  
rum si quis non sensu tantum, sed  
animi



animi iudicio fallatur, idque præter vſitatum morem ac perpetuo, is demum infaniæ cenſebitur affinis eſſe, veluti ſi quis quoties aſinum audierit rudentem, arbitretur ſeſe miros ſymphoniſcos audire, aut ſi quis pauperculus inſimo loco natus, Cræſum Lydorum regem eſſe ſe credat. Sed hoc infaniæ genus ſi quemadmodum fere fit, vergat ad voluptatem, non mediocrem delectationem adfert, tum ijs qui eo tenentur, tum illis quibus eſt hoc animadverſum, nec tamen eodem infaniunt. Nam hæc infaniæ ſpecies multo latius patet, quam vulgus hominum intelligit. Sed viciffim infans infantini rider, ac mutuam ſibi voluptatem invicem miniſtrant. Neque raro fieri videtis, vt major infans, vehementius rideat minorem. Verum

E

hoc

98 *Moria Encomium*

hoc quisque felicior, quo pluribus  
desipit modis, Stulticia iudice, mo-  
do in eo genere insanix maneat,  
quod nobis est peculiare, quod qui-  
dem vsque adeo late patet, vt haud  
sciam, an ex vniuersa mortalium  
summa quempiam liceat reperi-  
re qui omnibus horis sapiat, qui-  
que non aliquo insanix genere te-  
neatur. Quanquam hoc tantum in-  
terest, qui cucurbitam cum videt,  
mulierem esse credit, huic insano  
nomen ponunt, propterea quia  
perpaucis id vsu veniat. Verum  
vbi quis vxorem suam, quam cum  
multis habet communem, plus-  
quam Penelopen esse deierat, sibi-  
que maiorem in modum plaudit,  
feliciter errans, hunc nullus insa-  
num appellat, propterea quod pas-  
sim maritis hoc accidere videant.  
Ad hunc ordinem pertinent &  
isti,



isti, qui præ venatu ferarum omnia  
contemnunt, atque incredibilem  
animi voluptatem percipere se præ-  
dicant, quoties fœdum illum cor-  
num cantum audierint, quoties  
canum eiulatus. Opinor etiam cum  
excrementa canum odorantur, il-  
lis cinnamomum videri. Deinde  
quæ suavitas, quoties fera lanianda  
est? Tauros & verveces humili  
plebi laniare licet, feram nisi à ge-  
neroso secari nefas. Is nudo capi-  
te, inflexis genibus, gladio ad id  
destinato, neque enim quovis idem  
facere fas est, certis gestibus, cer-  
ta membra, certo ordine religiose  
secat. Miratur interim perinde ut  
in re nova sacraque, circumstans  
racita turba, quamvis spectacu-  
lum hoc plus milies viderit. Porro  
cui contigerit à bellua nonnihil  
gustare, is vero existimat sibi non

E. 2

parum

parum nobilitatis accedere. Itaque cum isti assidua ferarum infestatione atque esu, nihil aliud assequantur, nisi ut ipsi propemodum in feras degenerent, tamen interea regiam vitam agere se putant. Et his simillimum genus eorum, qui infatiabili ædificandi studio flagrant, nunc rotunda quadratis, nunc quadrata rotundis permutantes. Neque vero finis ullus, neque modus, donec ad extremam reductis inopiam, nec ubi habitent, nec quid edant, superfit. Quid tum postea? Interim annos aliquot summa cum voluptate peregerunt. Ad quos mihi quidem proxime videntur accedere, qui novis & arcanis artibus, rerum species vertere moluntur, ac terra marique quintam quandam essentiam venantur. Hos adeo lactat mellita spes, ut neque laborum,



laborum, neque impensarum unquam pigeat, miroque ingenio semper aliquid excogitant, quo sese denuo fallant, sibi que ipsis gratam faciant imposturam, donec absumptis omnibus, non sit quo jam fornaculam instruant. Non desinunt tamē jucunda somniare somnia, cæteros pro viribus ad eandem felicitatem animantes. Cumque jam prorsus omni spe destituuntur, superest tamen una sententia, abunde magnum solatium, in magnis & voluisse sat est. Ac tum vitæ brevitatem incusant, ut quæ magnitudini negocij non suffecerit. Porro aleatores non nihil addubito, num in nostrum collegium sunt admittendi. Sed tamen stultum omnino ridiculumque spectaculum est, quoties videmus nonnullos usque adeo addictos, ut simul atque

E 3      strepitum

strepitum tesserarū audierint, pro-  
tinus illis cor saliat, palpitetque.  
Deinde cum semper illiciente vin-  
cendi spe, omnium facultatum  
naufragium fecerint, in aleæ sco-  
pulum illisa nave, non paulo for-  
midabiliorem Malea, vixque nudi  
emerferint, quosvis potius frau-  
dant quàm victorem, ne scilicet vi-  
ri parum graves habeantur. Quid  
cum senes jam & cæcutientes, vi-  
treis etiam oculis lufitant? Postre-  
mo cum jam iusta chiragra contu-  
dit articulos, vicarium etiam mer-  
cede conducunt, qui pro se talos  
in pyrgum mittat? Suavis quidem  
res, nisi quod hic ludus plerum-  
que solet in rabiem evadere, jam-  
que ad furias, non ad me pertine-  
re. Cæterum illud hominum ge-  
nus haud dubie totum est nostræ  
farinæ, qui miraculis ac prodigiosis  
gaudent



gaudent mendacijs, vel audiendis  
vel narrandis, nec vlla farietas ta-  
lium fabularum, cum portentosa  
quædam, de spectris, de lemuri-  
bus, de larvis, de inferis, de id ge-  
nus milibus miraculorum com-  
memorantur: quæ quo longius ab-  
sunt à vero, hoc & creduntur lu-  
bentius, & jucundiore pruritu ti-  
rillant aures. Atque hæc quidem  
non modo ad levandum horarum  
tædium mire conducunt, verum  
etiam ad quæstum pertinent, preci-  
pue sacrificis & concionatoribus.  
His rursus adfines sunt ij, qui sibi  
stultam quidem, sed tamen jucun-  
dam persuasionem induerunt, fu-  
turum, vt si ligneum, aut pictum  
aliquem Polyphemum Christopho-  
rum aspexerint, eo die non sint  
perituri, aut qui sculptam Bar-  
baram præscriptis verbis salutarit,

sit incolumis è prælio rediturus, aut  
 si quis Erasimum certis diebus, cer-  
 tis cereolis, certisque preculis con-  
 venerit, brevi sit dives evasurus. Iam  
 vero Georgium etiam Herculem  
 invenerunt, quemadmodum &  
 Hypolitum alterum, huius equum  
 phaleris ac bullis religiosissime  
 adornatum tantum non adorant,  
 ac subinde novo quopiam mu-  
 nusculo demerentur, per huius æ-  
 ream galeam deierare, planè re-  
 gium habetur. Nam quid dicam  
 de ijs, qui sibi fictis scelerum con-  
 donationibus, suavissime blandiun-  
 tur, ac purgatorij spacia veluti  
 clepsydris metiuntur, secula, an-  
 nos, menses, dies, horas, tanquam  
 è tabula mathematica, citra vllum  
 errorem dimetientes. Aut de ijs,  
 qui magicis quibusdam notulis ac  
 preculis, quas pius aliquis impo-  
 stor,



stor, vel animi causa, vel ad questum  
excogitavit, freti nihil sibi non pol-  
licentur, opes, honores, volupta-  
tes, saturitates, valetudinem perpe-  
tuo prosperam, vitam longævam,  
senectam viridem, denique prox-  
imum Christo apud superos con-  
fessum, quem tamen nolint, nisi  
admodum sero contingere, hoc  
est, cum hujus vitæ voluptates, in-  
vitos eos ac mordicus retinentes,  
tamen deseruerint, tum succedant  
illæ cœlitum deliciæ. Hic mihi pu-  
ta negociator aliquis, aut miles, aut  
judex, abjecto ex tot rapinis vnico  
nummulo, vniuersam vitæ Lernam  
semel expurgatam putat, totque  
perjuria, tot libidines, tot ebrieta-  
tes, tot rixas, tot cædes, tot impo-  
sturas, tot perfidias, tot proditio-  
nes existimat velut ex pacto redi-  
mi, & ita redimi, vt jam liceat ad

E 5 novum

novum scelerum orbem de integra  
reverti. Quid autem stultius ijs,  
imò quid felicius, qui septem illis  
sacrorum psalmorum versiculis co-  
tidie recitatis, plusquam summam  
felicitatem sibi promittunt? Atque  
hos magicos versiculos dæmon  
quispiam, facetus quidem ille, sed  
futilis magis quam callidus, Di-  
vo Bernardo creditur indicasse, sed  
arte circumventus miser. & hæc  
tam stulta, ut me ipsam prope-  
modum pudeat, tamen approban-  
tur, idque non à vulgo modo, ve-  
rum etiam à religionis professori-  
bus. Quid jam, nonne eodem fe-  
rè pertinet, cum singulæ regio-  
nes suum aliquem peculiarem vin-  
dicant divum: cumque in singu-  
los singula quædam partiuntur,  
singulis suos quosdam culturæ ri-  
tus attribuunt, ut hic in dentium  
cruciatu



cruciatu succurrat, ille parturi-  
entibus dexter adsit, alius rem fur-  
to sublatam restituat: hic in nau-  
fragio prosper affulgeat, ille gre-  
gem tueatur: atque item de cæte-  
ris. Nam omnia percensere lon-  
gissimum fuerit. Sunt qui singu-  
li pluribus in rebus valeant, præci-  
pue deipara virgo, cui vulgus ho-  
minum plus prope tribuit quam  
filio. Verum ab his divis quid tan-  
dem petunt homines, nisi quod ad  
stulticiam attinet? Agedum inter  
tot anathemata, quibus templo-  
rum quorundam parietes omnes,  
ac testudinem ipsam refertam con-  
spicitis, vidistis ne vnquam qui  
stulticiam effugerit, qui vel pilo sit  
factus sapientior? Alius enatauit in-  
columis. Alius ab hoste perfossus  
vixit. Alius è prælio, pugnanti-  
bus cæteris, non minus feliciter

E 6 quam

quam fortiter aufugit. Alius in  
crucem subactus, favore divi cu-  
juspian, furibus amici, decidit ut  
non nullos etiam male divitijs onu-  
stos pergeret exonerare. Alius per-  
fracto carcere fugit. Alius irato  
medico à febre revalvit. Alij potum  
venenum alio soluta, remedio, non  
exitio fuit, idque non admodum  
lata vxore, quæ operam & impen-  
sam luserit. Alius everso plauistro,  
equos incolumes domum abegit.  
Alius oppressus ruina vixit. Alius  
à marito deprehensus elusit. Nul-  
lus pro depulsa stulticia gratias a-  
git. Adeo suavis quædam res est  
nihil sapere, ut omnia potius de-  
precentur mortales, quàm Mo-  
riam. Sed quod ego nunc super-  
stitionum pelagus ingredior?

*Non mihi si lingua centum sint, ora-  
que centum,*

*Ferrea*



*Ferrea vox, omneis fatuorum evol-  
vere formas,*

*Omnia stulticiæ percurrere nomina  
possim.*

vsque adeo omnis omnium Chri-  
stianorum vita istiusmodi délira-  
tionibus vndique scatet: quas ipfas  
tamen sacrifici non gravatim &  
admittunt & alunt, non ignari  
quantum hinc lucelli soleat ac-  
crescere. Inter hæc, si quis odio-  
sus sapiens exoriatur, succinatque  
id, quod res est: non male peribis;  
si bene vixeris: peccata redimis, si  
nummulo addideris odium male-  
factorum, tum lachrimas, vigi-  
lias, preces, jeiunia, ac totam  
vitæ rationem commutabis. Di-  
vus hic tibi favebit, si vitam illius  
æmulaberis. Hæc inquam, atque  
id genus alia, si sapiens ille ob-  
ganniat, vide à quanta felicitate re-  
pente

pente mortalium animos in quem  
tumultum retraxerit? Ad hoc col-  
legium pertinent, qui vivi qua fu-  
neris pompa velint efferri, tam di-  
ligenter statuunt, vt nominatim  
etiam præscribant, quot tædas,  
quot pullatos, quot cantores, quot  
luctus histriones velint adesse, per-  
inde quasi futurum sit, vt aliquis  
hujus spectaculi sensus ad ipsos sit  
rediturus, aut vt pudeſcant de-  
functi, nisi cadaver magnifice de-  
fodiatur, haud alio studio, quam  
si ædiles creati, ludos aut epulum  
edere studeant. Equidem tamen  
si propero, tamen haud possum  
istos silentio prætercurrere, qui  
cum nihil ab infimo cerdone dif-  
ferant, tamen inani nobilitatis ti-  
tulo, mirum quam sibi blandiun-  
tur. Alius ad Aeneam, alius ad  
Brutum, alius ad Arcturum genus  
suum



suum refert. Ostendunt vndique  
sculptas & pictas majorum imagi-  
nes. Numerant proavos atque ata-  
vos, & antiqua cognomina com-  
memorant, cum ipsi non multum  
absint à muta statua, pene ijs. ipsis,  
quæ ostentant signis, deteriores. Et  
tamen hac tam suavi Philautia feli-  
cem prorsum vitam agunt. Neque  
desunt æque stulti, qui hoc belua-  
rum genus, perinde vt deos suspi-  
ciunt. Sed quid ego de vno aut  
altero genere loquor, quasi ve-  
ro non passim hæc Philautia plu-  
rimos vbique miris modis felicis-  
simos efficiat? cum hic quavis si-  
mia deformior, sibi plane Nireus  
videtur. Alius simul atque treis  
lineas circino duxerit, prorsum Eu-  
clidem sese putat. hic ὄντο πρὸς  
λίγαν, & quo deterius nec ille so-  
nat, quo mordetur gallina marito,  
tamen

tamen alterum Hermogenem esse  
se credit. Est autem illud longe  
suavissimum insaniae genus, quo  
nonnulli, quicquid vlli suorum do-  
tis adest, eo non aliter atque suo  
gloriantur. Qualis erat ille bis bea-  
tus apud Senecam dives, qui nar-  
raturus historiolum quanpiam, ser-  
vos ad manum habebat, qui nomi-  
na suggererent, non dubitaturus  
vel in pugilum certamen descen-  
dere homo, alioqui adeo imbecil-  
lus, ut vix viveret, hac re fretus,  
quod multos haberet domi servos  
egregie robustos. Porro de artium  
professoribus, quid attinet com-  
memorare? quando peculiaris est  
horum omnium Philautia, adeo ut  
reperias citius, qui velit agello pa-  
terno, quam ingenio cedere, ve-  
rum praecipue histrionum, canto-  
rum, oratorum, ac poetarum,  
quorum.



quorum quo quisque est indo-  
ctior, hoc sibi placet insolentius,  
hoc sese magis jactat, ac dilatat. Et  
inveniunt similes labra lactucas,  
imo quo quicquam est ineptius,  
hoc plures admiratores nancisci-  
tur, ut pessima quæque semper plu-  
rimis arrident, propterea quod  
maxima pars hominum, ut dixi-  
mus, Stulticiæ obnoxia est. Pro-  
inde si qui est imperitior, & sibi  
ipsi multo jucundior est, & pluri-  
bus admirationi, quid est quod is  
veram eruditionem malit, primum  
magno constituram, deinde reddi-  
turam & putidiorem & timidio-  
rem, postremo multo paucioribus  
placituram? Iam vero video natu-  
ram, ut singulis mortalibus suam,  
ita singulis nationibus, ac pene ci-  
vitatibus communem quandam in-  
sevisse Philautiam: Atque hinc fie-  
ri, ut

114 *Moria Excomium*

ri, vt Britanni præter alia, formam  
 musicam, & lautas mensas proprie  
 sibi vindicent: Scoti, nobilitate, &  
 † regie affinitatis titulo, neque non  
 dialecticis argutijs sibi blandian-  
 tur: Galli morum civilitatem sibi  
 sumant: Parisienses, theologicæ  
 scientiæ laudem, omnibus pro-  
 pè submotis, sibi peculiariter arro-  
 gent: Itali bonas literas & eloquen-  
 tiam asserant, atque hoc nomine si-  
 bi suavissime blandiantur omnes,  
 quod soli mortalium barbari non  
 sint. Quo quidem in genere feli-  
 citatis, Romani primas tenent, ac  
 veterem illam Romam adhuc ju-  
 cundissime somniant. Veneti no-  
 bilitatis opinione sunt felices. Græ-  
 ci tanquam disciplinarum auto-  
 res, veteribus illis laudatorum  
 heroum titulis sese venditant. Tur-  
 cæ, totaque illa vere barbarorum  
 collu-



colluvies etiam religionis laudem  
sibi vindicat, Christianos perin-  
de vti superstitiosos irridens. Ac  
multo etiam suavius Iudæi etiam  
nunc Messiam suum constanter ex-  
pectant, ac Moſen suum hodie-  
que mordicus tenent. Hispani  
bellicam gloriam nulli concedunt.  
Germani corporum proceritate,  
& magiæ cognitione sibi pla-  
cent. Ac ne singula persequar, vi-  
detis opinor, quantum ubique  
voluptatis pariat singulis & uni-  
versis mortalibus Philautia, cui  
prope par est Assentatio soror. Ni-  
hil enim aliud philautia, quàm  
cum quis ipse sibi palpatur. I-  
dem si alteri facias, *ἡδονή* fuc-  
rit. At hodie res quædam in-  
famis est adulatio, sed apud  
eos, qui rerum vocabulis magis,  
quàm rebus ipsis commoventur.

Existi-

Existimant cum adulatione fidem  
male cohærere : quod multo secus  
sefe habere, vel brutorum animan-  
tium exemplis poterant admoneri.  
Quid enim cane adulantius ? at  
rursum quid fidelius ? Quid sciuro  
blandius ? at hoc quid est homini  
magis amicum ? Nisi forte vel a-  
speri leones, vel immites tigres, vel  
irritabiles pardi magis ad vitam  
hominum conducere videntur.  
Quanquam est omnino perniciofa  
quædam adulatio, qua nonnulli  
perfidiosi & irrisores, miseros in  
perniciem adigunt. Verum hæc  
mea ab ingenij benignitate, can-  
doreq; quodam proficiscitur, mul-  
toque virtuti vicinior est, quam ea  
quæ huic opponitur, asperitas, ac  
morositas inconcinna, vt ait Ho-  
ratiis, gravisque. Hæc dejectiores  
animos erigit, demulcet tristes, ex-  
timulat.



rimulat languentes, expergefait  
stupidos, ægrotos levat, feroces  
mollit, amores conciliat, conciliatos retinet. Pueritiam ad capescenda studia literarum allicit, senes exhilarat, principes citra offensam sub imagine laudis, & admonet & docet. In summa, facit ut quisque sibi ipse sit jucundior & charior, quæ quidem felicitatis pars est vel precipua. Quid autem officiosius, quam cum mutuum muli scabunt? Ut ne dicam interim hanc esse magnam illius laudatæ eloquentiæ partem, majorem medicinæ, maximam poeticæ: denique hanc esse totius humanæ consuetudinis mel & condimentum. Sed falli, inquiunt, miserum est, imo non falli miserrimum. Nimum enim desipiunt, qui in rebus ipsis felicitatem hominis sitam esse

esse existimant. Ex opinionibus ea pendet. Nam rerum humanarum tanta est obscuritas, varietasque, ut nihil dilucide sciri possit, quemadmodum recte dictum est ab academicis meis, inter philosophos quam minimum insolentibus. Aut si quid sciri potest, id non raro officit etiam vitæ jucunditati. Postremo sic sculptus est hominis animus, ut longe magis fucis, quam veris capiatur, cujus rei si quis experimentum expositum & obvium quærat, conciones ac templa petat, in quibus si quid serium narratur, dormitant, oscitant, nauscant omnes. Quod si clamator ille, lapsa sum, declamator dicere volebam, ita ut sæpe faciunt, anilem aliquam fabellam exordiat, expergiscuntur, eriguntur, inhiant omnes. Item si quis sit divus fabulofior



rior & poëticus, quod si exemplum requiris, finge hujus generis Georgium aut Christophorum, aut Barbaram, videbitis hunc longe religiosius coli, quam Petrum, aut Paulum, aut ipsum etiam Christum. Verum hæc non hujus sunt loci. Iam quanto minoris constat hæc felicitatis accessio? Quandoquidem res ipsas aliquoties magno negotio pares oportet, vel levissimas, uti grammaticen. At opinio facillime sumitur; quæ tamen tantundem aut amplius etiam ad felicitatem conducatur. Age si quis putribus vescatur salsamentis, quorum alius nec odorem ferre possit, & tamen huic ambrosiam sapiant, quæso quid interest ad felicitatem? Contra si acipenser alicui nauseam sapiat, quid referet ad vitæ beatitudinem? Si cui sit vxor egregie deformis,

deformis, quæ tamen marito, vel cum ipsa Venere certare posse videatur, nonne perinde fuerit, ac si vere formosa foret? Si quis tabulam minio lutoque male oblitam, suspectet, ac demiretur, persuasum habens, Apellis aut Zeuxidis esse picturam, nonne felicior etiam fuerit eo, qui eorum artificum manum magno emerit, fortassis minus ex eo spectaculo voluptatis percepturus? Novi ego quendam mei nominis, qui novæ nuptæ gemmas aliquot adulterinas dono dedit, persuadens, ut erat facundus nugator, eas non modo veras ac nativas esse, verum etiam singulari atque inestimabili precio. Quæso, quid intererat puellæ, cum vitro non minus jucunde pasceret & oculos, & animum, nugas perinde ut eximium aliquem thesaurum conditas



conditas apud sese servaret? Mari-  
tus interim & sumptum effugie-  
bat, & vxoris errore fruebatur, nec  
eam tamen sibi minus habebat de-  
vinc̃tam, quam si magno empta  
donasset. Num quid interesse cen-  
setis inter eos, qui in specu illo Pla-  
tonico variarum rerum vmbras &  
simulacra demirantur: modo nihil  
desiderent, neque minus sibi pla-  
ceant: & sapientem illum, qui spe-  
cum egressus, veras res alp̃icit.  
Quod si Mycillo Lucianico dives  
illud & aureum somnium perpe-  
tuo somniare licuisset, nihil erat  
cur aliam optaret felicitatem. Aut  
nihil igitur interest, aut si quid in-  
terest, potior etiam stultorum con-  
ditio. Primum quod ijs sua felici-  
tas minimo constat, id est, sola per-  
suasiuncula. Deinde, quod ea fru-  
untur cum plurimis communiter.

F

Porro

Porro nullius boni jucunda sine  
socio possessio. Quis enim nescit  
quanta sapientum paucitas, si modo  
quisquam inveniatur? quanquam  
ex tot seculis Græci septem omni-  
no numerant, quos me Hercle, si  
quis accuratius excutiat, dispeream  
si vel semisapientem inveniet, imo  
si vel trientem viri sapientis. Pro-  
inde cum inter multas Bacchi lau-  
des, illud habeatur, ut est, ptima-  
rium, quod animi curas eluat, id-  
que ad exiguum modo tempus:  
nam simulatque villum edormie-  
ris, protinus albis, ut aiunt, quadri-  
gis recurrunt animi molestiæ: quā-  
to meum beneficium cum plenius,  
tum præsentius, quæ perpetua qua-  
dam ebrietate, mentem gaudijs, de-  
licijs, tripudijs, expleo, idque nullo  
negocio? Neq; quemquam omnino  
mortalē mei muneris expertem esse  
suo,



fino, cū reliquæ numinū dotes, aliæ  
ad alios perveniant. Non vbivis pas-  
citur generosum & lene merum,  
quod curas abigat, quod cum  
spe divite manet. Paucis conti-  
git formæ gratia, Veneris mu-  
nus, paucioribus eloquentia, Mer-  
curij donum. Non ita multis ob-  
tigerunt opes, dextro Hercule.  
Imperium non cuivis concedit Iu-  
piter Homericus. Sæpenumero  
Mavors neutris favet copijs. Com-  
plures ab Apollinis tripode tri-  
stes discedunt. Sæpe fulminat Sa-  
turnius. Phœbus aliquande ja-  
culis pestem immittit. Neptu-  
nus plures extinguit quam ser-  
vat. Vt interim Væjoves istos  
Plutones, Atas, Pœnas, Febres, at-  
que id genus, non deos, sed carni-  
fices non commemorem. Ego sum  
vna illa stulticia, quæ omneis

ex æquo tam parata beneficentia  
complector. Nec vota moror, nec  
irascor, exposcens piamina, si quid  
cæremoniarum fuerit prætermis-  
sum. Nec cælum terræ misceo, si  
quis reliquis invitatis dijs, me do-  
mi relinquat, nec admittat ad nido-  
rem illum victimarum. Nam cæ-  
terorum deorum tanta in his est  
morositas, ut prope majus sit ope-  
ræprecium, atque adeo tutius, illos  
negligere quam colere. Quemad-  
modum sunt & homines nonnul-  
li, tam difficiles, & ad lædendum  
irritabiles, ut præstiterit eos pror-  
sum alienissimos habere, quam fa-  
miliares. At nemo, inquiunt, stul-  
ticiæ sacrificat, neque templum sta-  
tuit. Equidem demiror, ut dixi,  
nonnihil hanc ingratitude. Ve-  
rum hoc quoque pro mea facilita-  
te boni consulo: quanquam ne hæc  
quidem



quidem desiderare possum. Quid enim est cur tusculum aut molam, aut hircum, aut suem requiram, cum mihi mortales omnes ubique gentium eum cultum persolvant, qui vel à theologis maxime probari solet? Nisi forte Dianæ debeam invidere, quod illi humano sanguine litatur. Ego me tum religiosissime coli puto, cum passim, ut + faciunt omnes, animo completuntur, moribus exprimunt, vita repræsentant. Qui quidem divorum cultus, nec apud Christianos admodum frequens est. Quanta turba eorum, qui deiparæ virgini cereolum affigunt, idque in meridie, cum nihil est opus? Rursum quam pauci qui eandem vitæ castimonia, modestia, cælestium rerum amore studeant æmulari? Nam is demum verus est cultus, longeque  
F. 3      cælit-

† cœlitibus gratissimus. Præterea cur  
 templum desiderem, cum orbis hic  
 vniversus templum mihi sit, ni fal-  
 lor, pulcherrimum? Neque vero  
 desunt mystæ, nisi vbi desunt ho-  
 mines. Nec jam vsque adeo stulta  
 sum, vt saxeas ac coloribus fucatas  
 imagines requiram, quæ cultui no-  
 stro nonnunquam officiunt, cum  
 à stupidis, & pinguibus istis, signa  
 pro diuis ipsis adorantur. Nobis  
 interim vsu venit, quod solet ijs,  
 qui à vicarijs suis extruduntur. Mi-  
 hi tot statuas erectas puto, quot  
 sunt mortales, vivam mei imagi-  
 nem præ se ferentes, etiam si no-  
 lint. Itaque nihil est quod reliquis  
 dijs inuideam, si alijs in angulis ter-  
 rarum alij colantur, idque statis die-  
 bus: quemadmodum Rhodi Phœ-  
 bus, in Cypro Venus, Argis Iuno,  
 Athenis Minervæ, in Olympo Iu-  
 piter,



pitæ, Tarenti Neptunus, Lampsa-  
ci Priapus, modo mihi communi-  
ter orbis omnis longe potiores vi-  
ctimas assidue præbeat. Atqui si cui  
videor hæc audacius quam verius  
dicere, agedum paulisper ipsas ho-  
minum vitas inspiciamus, quò pa-  
lâm fiat, & quantum mihi debeant,  
& quanti me faciant maximi pari-  
ter ac minimi. At non quorum-  
libet vitam recensebimus, nam id  
quidem perlongum, verum in-  
signium tantum, vnde reliquos fa-  
cile sit æstimare. Quid enim atti-  
net de vulgo, plebeculaque com-  
memorare, quæ citra controver-  
siam tota mea est? tot enim vndi-  
que stulticiæ formis abundat, tot  
indies novas comminiscitur, vt nec  
mille Democriti ad tantos risus  
suffecerint: quanquam illis ipsis  
Democritis rursus alio Democrito

F 4

foret

foret opus. Quin etiam incredibile sit dictu, quos risus, quos ludos, quas delitias, homunculi quotidie præbeant superis. Nam hi quidem horas illas sobrias, & ante meridianas iurgiosis consultationibus, ac votis audiendis impartiunt. Cæterum ubi jam nectare madent, neque lubet quicquam serium agere, tum qua parte cœlum quam maxime prominet, ibi confident ac pronis frontibus, quid agitent homines speculantur. Nec est aliud spectaculum illis suavius. Deum immortalem, quod theatrum est illud, quam varius stultorum tumultus? Nam ipsa nonnunquam in deorum poëticorum ordinibus confidere soleo. Hic deperit in mulierculam, & quo minus adamatur, hoc amat impotentius. Ille dotem ducit, non vxorem.  
Ille



Ille sponfam suam prostituit. Alius  
zelotypus velut Argus observat. Hic  
in luctu papæ quam stulta dicit fa-  
citque? conductis etiam velut hi-  
strionibus, qui luctus fabulam pe-  
ragant. Ille flet ad novercæ tumu-  
lum. Hic quicquid vndecumque  
potest corradere, id totum ventri-  
culo donat, paulo post fortiter esu-  
riturus. Hic somno & ocio nihil  
putat felicius. Sunt qui alienis ob-  
eundis negocijs sedulo tumultuan-  
tur, sua negligunt. Est qui versu-  
ris, atque ære alieno divitem se esse  
putat, mox decocturus. Alius ni-  
hil arbitratur felicius, quàm si ipse  
pauper hæredem locupletet. Hic  
ob exiguum, idque incertum lu-  
cellum, per omnia maria volitat,  
vndis ac ventis vitam committens,  
nulla pecunia reparabilem. Ille  
mavult bello divitias querere, quàm

F s tutum

tutum ocium exigere domi. Sunt  
qui captandis orbis senibus, putant  
quam commodissime ad opes per-  
veniri. Neque defunt, qui idem  
malint deamandis beatis aniculis  
aucupari. Quorum utrique tum  
demum egregiam de se voluptatem  
dijs spectatoribus præbent, cum ab  
ipsis, quos captant, arte deludun-  
tur. Est omnium stultissimum ac  
sordidissimum negociatorum ge-  
nus, quippe qui rem omnium sordi-  
didissimam tractent, idque sordi-  
dissimis tationibus, qui cum pas-  
sim mentiantur, pejerent, furen-  
tur, fraudent, imponant, tamen  
omnium primos sese faciunt, pro-  
pterea quod digitos habeant auro  
revinctos. Nec defunt adulatores  
fraterculi, qui mirentur istos, ac  
venerabiles palam appellent, nimi-  
rum, ut ad ipsos aliqua malè par-  
torum



torum portiuncula redeat. Alibi videas Pythagoricos quosdam, quibus usque adeo omnia videntur esse communia, ut quicquid usquam incustoditum nacti fuerint, id velut hæreditate obvenierit, æquo animo tollant. Sunt qui votis tantum divites sunt, & iucunda quædam sibi fingunt somnia, idque ad felicitatem satis esse putant. Nonnulli foris divites haberi gaudent, domi gnaviter esuriunt. Hic festinat quicquid habet profunderè, ille per fas nefasque congerit. Hic candidatus ambit populares honores, ille ad focum semet oblectat. Bona pars lites nunquam finiendas agitat, & hinc atque hinc certatim contendunt, ut prorogatorem iudicem, & collusorem ditent advocatum. Hic rebus novandis studet, ille magnum quiddam molitur.

F 6 Est

Est qui Hierosolymam, Romam,  
aut divum Iacobum adeat, vbi ni-  
hil est illi negocij, domi relictis  
cum vxore liberis. In summa si  
mortalium innumerabiles tumul-  
tus è luna, quemadmodum Me-  
nippus olim, despicias, putes te  
mulcarum, aut culicum videre tur-  
bam inter se rixantium, bellan-  
tium, insidiantium, rapientium,  
ludentium, lascivientium, nascentium,  
cadentium, morientium. Ne-  
que satis credi potest, quos motus,  
quas tragedias cieat tantulum ani-  
malculum, tamque mox peritu-  
rum. Nam aliquoties vel levis bel-  
li, seu pestilentiae procella multa  
simul milia rapit ac dissipat. Sed  
ipsa stultissima sim, planeque di-  
gna, quam multis cachinnis rideat  
Democritus, si pergam popula-  
rium stulticiarum, & insaniarum  
formas



formas enumerare. Ad eos accin-  
gar, qui sapientiæ speciem inter  
mortales tenent, & aureum illum  
ramum, ut ajunt, aucupantur, inter  
quos grammatici primas tenent,  
genus hominum profecto, quo ni-  
hil calamitosius, nihil afflictius, ni-  
hil æque diis invisum foret, nisi  
ego miserrimæ professionis in-  
commoda dulci quodam insaniam  
genere mitigarem. Neque enim  
*πέντε κατάρας*, id est, quinque  
tantum diis obnoxij sunt isti, quem-  
admodum indicat epigramma Græ-  
cum, verum sexcentis, ut qui sem-  
per famelici, sordidique in ludis  
illis suis, in ludis dixi, imò in *φρον-  
τιστηρίοις*, vel pistrinis potius, ac  
carnificinis inter puerorum gre-  
ges, consenescant laboribus, ob-  
surdescant clamoribus, fœtore pæ-  
doreque contabescant, tamen meo  
beneficio

134 *Moria Encomium*

beneficio fit, ut sibi primi mortali-  
um esse videantur. Adeo sibi pla-  
cent, dum pavidam turbam mina-  
ci vultu voceque territant, dum fe-  
rulīs, virgis, lorisque conscindunt  
miseros, dumque modis omnibus  
suo arbitratu sæviunt, asinum illum  
Cumanum imitantes. Interim sor-  
des illæ, meræ mundiciæ viden-  
tur, pædor amaracinum olet, mi-  
serrima illa servitus regnum esse  
putatur, adeo ut tyrannidem suam  
nolint cum Phalaridis aut Diony-  
sij imperio commutare. Sed lon-  
ge etiam feliciores sunt, nova qua-  
dam doctrinæ persuasione. Siqui-  
dem cum plerique mera delira-  
menta pueris inculcent, tamen dij  
boni, quem non illi Palæmonem,  
quem non Donatum præ se con-  
temnunt: idque nescio quibus præ-  
stigijs mire efficiunt, ut stultis  
matercu-



matreculis & idiotis patribus tales videantur, quales ipsi se faciunt. Iam adde & hoc voluptatis genus, quoties istorum aliquis Anchisæ matrem, aut voculam vulgo incognitam, in putri quapiam chartaprehenderit, puta bubsequam, bovinatorem aut manticulatorem, aut si quis vetustifragi fragmentum, mutilis notatum literis, alicubi effoderit, ò Iupiter, quæ tum exultatio, qui triumphus, quæ encomia, perinde quasi vel Africam devicerint, vel Babylonas ceperint. Quid autem cum frigidissimos & insulsissimos versiculos suos passim ostentant, neque desunt qui mirentur, jam plane Maronis animam in suum pectus demigrasse credunt. At nihil omnium suavius, quam cum ipsi inter sese mutua talione laudant ac mirantur, vicissim-

vicissimque scabunt. Quod si quis  
 alius verbulo lapsus sit, idque forte  
 fortuna hic oculatior deprehende-  
 rit, ἡρώαλῃς, quæ protinus tragæ-  
 diæ, quæ digladiationes, quæ con-  
 vicia, quæ invectivæ? Malè propi-  
 tios habeam omnes grammati-  
 cos, si quid mentior. Novi quon-  
 dam πολυτεχνότατον, græcum, lati-  
 num, mathematicum, philoso-  
 phum, medicum, καὶ ταῦτα βασι-  
 λικόν, jam sexagenarium, qui cæ-  
 teris rebus omissis, annis plus vi-  
 ginti se torquet ac discruciat. in  
 grammatica, prorsus felicem se fo-  
 re ratus, si tam diu liceat vivere,  
 donec certo statuatur, quomodo di-  
 stinguendæ sint octo partes oratio-  
 nis, quod hætenus nemo Græco-  
 rum aut Latinorum ad plenum  
 præstare valuit. Perinde quasi res  
 sit bello quoque vindicanda, si quis  
 conjun-



conjunctionem faciat dictionem  
ad adverbiorum jus pertinentem.  
Et hac gratia, cum totidem sint  
grammaticæ quot grammatici,  
imò plures: quandoquidem Aldus  
meus vnus, plus quinquies gram-  
maticam dedit: hic nullam omnino  
quantumvis barbare aut moleste  
scriptam prætermittit, quam non  
evolvat, excutiatque, nemini non  
invidens, si quid quantumlibet in-  
epte molietur in hoc genere, mise-  
re timens, ne quis forte gloriam  
hanc præripiat, & pereant tot an-  
norum labores. Vtrum insaniam  
hanc vocare mavultis, an stulti-  
ciam? Nam mea quidem haud ma-  
gni refert, modo fateamini meo  
beneficio fieri, vt animal omnium  
alioqui longe miserrimum, eò fe-  
licitatis evehatur, vt sortem suam  
neque cum Persarum regibus cu-  
piat

piat permutare. Minus mihi de-  
 bent Poëtæ, tametsi vel ex professio-  
 meæ sunt factionis, quippe libe-  
 rum genus, ut habet proverbium,  
 quorum omne studium non alio  
 pertinet, quam ad demulcendas  
 stultorum aures, idque meris nu-  
 gamentis, ac ridiculis fabulis. Et  
 tamen his freti dictum mirum, ut  
 cum sibi polliceantur immortalita-  
 tem, & dijs parem vitam; tum alijs  
 eandem promittant. Huic ordini  
 præceteris familiares φιλαυτία καὶ  
 κολακία, nec ab ullo mortalium  
 genere color neque simplicius, ne-  
 que constantius. Porro rhetores,  
 quamquam nonnihil illi quidem  
 prævaricantur, colliduntque cum  
 philosophis, tamen hos quoque  
 nostræ factionis esse, cum alia mul-  
 ta, tum illud in primis arguit, quod  
 præter alias nugas, tam accurate,  
 tam



tam multa de jocandi ratione conscripserunt: Atque adeo stulticiam ipsam inter facetiarum species numerat, quisquis is fuit, qui ad Herennium dicendi artem conscripsit: Quodque apud Quintilianum, hujus ordinis longe principem, caput est de risu vel Iliade prolixius: tantum denique stulticiæ tribuunt, ut sæpenumero quod nullis argumentis dilui possit, risu tamen eludatur. Nisi si quis hoc arbitretur ad stulticiam non pertinere, ridiculis dictis excitare cachinnos, idque arte. Hujus farinae sunt & isti, qui libris edendis famam immortalem aucupantur. Hi cum omnes mihi plurimum debent, tum præcipue qui meras nugas chartis illinunt. Nam qui erudite ad paucorum doctorum judicium scribunt. qui-que nec Persium, nec Lælium  
judicem

judicem recusant, mihi quidem  
miserandi magis, quàm beati vi-  
dentur, vt qui sese perpetuo tor-  
queant. Addunt, mutant, adi-  
munt, reponunt, repetunt, recu-  
dunt, ostendunt, nonum in annum  
premunt, nec vnquam sibi satisfa-  
ciunt, ac futile præmium, nempe  
laudem, eamque perpaucorum,  
tanti emunt, tot vigilijs, somnique  
rerum omnium dulcissimi, tanta  
jactura, tot sudoribus, tot cruci-  
bus. Adde nunc valetudinis di-  
spendium, formæ perniciem, lippi-  
tudinem, aut etiam cæcitatem, pau-  
pertatem, invidiam, voluptatum  
abstinentiam, senectutem præpro-  
peram, mortem præmaturam, & si  
qua sunt alia ejusmodi. Tantis  
malis sapiens ille redimendum ex-  
istimat, vt ab vno aut altero lippo  
probetur. At meus ille scriptor,  
quanto



quanto delirat felicius, dum nulla  
lucubratione, verum vtcunque vi-  
sum est animo, quicquid in cala-<sup>Tristitia</sup>  
mum incidit, vel somnia sua, sta-  
tim literis prodit, levi duntaxat  
chartarum jactura, non ignarus  
futurum, vt quo nugaciores nugas  
scripserit, hoc à pluribus, id est stul-  
tis & indoctis omnibus probetur.  
Quid enim est negocij, treis illos  
doctos, si tamen ea legerint, con-  
temnere? Aut quid valebit, tam  
paucorum sapientum calculus in  
tam immensa reclamantium turba?  
Sed magis etiam sapiunt, qui aliena  
pro suis edunt, & alieno magno-  
que partam labore gloriam, verbis  
in se transmovent, hoc videlicet  
freti, quod arbitrentur futurum, vt  
etiam si maxime coarguantur pla-  
gij, tamen aliquanti temporis vsu-  
ram sint interim lucrifacturi. Vide-  
re est

re est operæprecium, quam hi sibi placeant, cum vulgo laudantur, cum digito ostenduntur in turba, *ἄτὸς ἐστὶν ὁ δῶνός ἐκείνῳ*, cum apud bibliopolas prostant, cum in omnium paginarum frontibus leguntur tria nomina, præsertim peregrina, ac magicis illis similia. Quæ per deum immortalem quid aliud sunt quam nomina? Deinde quàm à paucis cognoscenda, si mundi vastitatem respicias: tum à quanto paucioribus laudanda, ut sunt etiam indoctorum diversa palata. Quid quod ea ipsa nomina non raro confinguntur, aut è priscorū libris adoptantur? Cum alius sese Telemachum, alius Stelenium aut Laertem: hic Polycratem, ille Trasmachum sese nominari gaudet, ut nihil jam referat, etiam si chamæleonti aut cucurbitæ, sive quemadmodum



modum solent philosophi loqui,  
alpha aut beta librum inscribas.  
Illud autem lepidissimum, cum  
mutuis epistolis, carminibus, en-  
comijs sese vicissim laudant, stul-  
ti stultos, indoctos indocti. Hic  
illius suffragio discedit Alcæus, il-  
le hujus Callimachus, ille huic  
est M. Tullio superior, hic illi  
Platone doctior. Nonnunquam  
etiam antagonistam quærunt, cu-  
jus æmulatione famam augeant.  
Hinc scinditur incertum studia in  
contraria vulgus, donec vterque  
dux re bene gesta victor discedit,  
vterque triumphum agit. Rident  
hæc sapientes, vt, veluti sunt, stul-  
tissima. Quis enim negat? Sed  
interim meo beneficio suavem vi-  
tâ agunt, ne cum Scipionibus qui-  
dem suos triumphos commutaturi.  
Quamquam docti quoque interim  
dum

dum hæc magna cum animi voluptate rident, & aliena fruuntur infania, non paulum mihi debent & ipsi, quod inficiari non possunt, nisi sint omnium ingratiſſimi. Inter eruditos jureconſulti ſibi vel primum vindicant locum, neque quiſquam alius æque ſibi placet, dum Sifyphi ſaxum aſſidue volvunt, ac ſexcentas leges eodem ſpiritu contexunt, nihil refert quam ad rem pertinentes, dumque glosſematis glosſemata, opiniones opinionibus cumulantes, efficiunt ut ſtudium illud omnium difficiliſſimum eſſe videatur. Quicquid enim laborioſum, idem protinus & præclarum exiſtimant. Adjungamus his dialecticos ac ſophiſtas, hominum genus quovis ære Dodonæo loquacius, ut quorum unusquivis cum vicenis delectis mulieribus



mulieribus garrulitate decertare possit, feliciores tamen futuri, si tantum linguaces essent non etiam rixosi, adeo ut de lana caprina pertinacissime digladiantur, & nimium altercando plerunque veritatem amittant. Hos tamen sua philautia beatos reddit, dum tribus instructi syllogismis, incunctanter audent quavis de re cum quovis manum conferere. Cæterum pertinacia reddit invictos, etiam si Stentorem opponas. Sub hos prodeunt philosophi, barba pallioque verendi, qui se solos sapere prædicant, reliquos omnes mortales, umbras volitare. Quam vero suaviter delirant, cum innumerabiles ædificant mundos, dum solem, dum lunam, stellas, orbes, tanquam pollice filove metiuntur, dum fulminum, ventorum, eclipsium

G

psium

psium , ac cæterarum inexplicabilium rerum causas reddunt , nihil usquam hæsitantes , perinde quasi naturæ rerum architectrici fuerint à secretis, quasive è decorum consilio nobis advenerint: quos interim natura cum suis conjecturis , magnifice ridet. Nam nihil apud illos esse comperti , vel illud satis magnum est argumentum , quod singulis de rebus inexplicabilis inter ipsos est digladiatio. Ii cum nihil omnino sciant, tamen omnia se scire profitentur: cumque seipsum ignorent, neque fossam aliquoties, aut saxum obvium videant, vel quia lippiunt plerique, vel quia peregrinantur animi, tamen ideas, universalialia , formas separatas, primas materias , quidditates, ecceitates , formalitates , instantia videre se prædicant , res adeo tenues , ut neque



neque Lynceus, opinor, possit per-  
spicere. Tum vero præcipue pro-  
phanum vulgus aspernantur, quo-  
ties triquetris, & tetragonis, cir-  
culis, atque hujusmodi picturis  
mathematicis, alijs super alias in-  
ductis, & in labyrinthi speciem  
confusis, præterea literis velut in  
acie dispositis, ac subinde alio at-  
que alio repetitis ordine, tenebras  
offundunt imperitioribus. Neque  
desunt ex hoc genere qui futura  
quoque prædicant consultis astris,  
ac miracula plus quam magica pol-  
liceantur, & inveniunt homines  
fortunati, qui hæc quoque credant.  
Porro theologos silentio transire  
fortasse præstiterit, *ὃς τὰς κα-  
μαρίαν μὴ κινεῖν*, nec hanc anagy-  
rim tangere, utpote genus homi-  
num mire superciliosum atq; irri-  
tabile, ne forte turmatim sexcentis

G 2      conclu.

conclusionibus adorianatur, & ad  
 Palinodiam adigant, quod si recu-  
 sem, protinus hæreticam clami-  
 tent. Nam illico solent hoc terre-  
 re fulmine, si cui sunt parum pro-  
 pitij. Sanè quanquam non alij  
 sunt, qui minus libenter agnoscant  
 meam in se beneficentiam, tamen  
 hi quoque non mediocribus no-  
 minibus obstricti sunt, dum felices  
 sua Philautia perinde quasi ipsi ter-  
 tium incolant cælum, ita reliquos  
 mortaleis omneis, ut humi reptan-  
 tes pecudes, è sublimi despiciunt,  
 ac propè commiserantur, dum tan-  
 to magistralium definitionū, con-  
 clusionum, corollariorum, propo-  
 sitionum explicitarum & implici-  
 tarum agmine septi sunt, tot exu-  
 berant *κρησφυγέτοις*, ut nec Vul-  
 canijs vinculis sic possint irretiri,  
 quin elabantur distinctionibus,  
 quibus



quibus nodos omnēis adeo facile  
secant, ut non Tenedia bipennis  
melius : tot nuper excogitatis vo-  
cabulis, ac prodigiosis vocibus sca-  
tent. Præterea dum arcana myste-  
ria suo explicant arbitratu, qua ra-  
tione conditus ac digestus sit mun-  
dus. Per quos canales labes illa  
peccati in posteritatem derivata sit:  
quibus modis, qua mensura, quan-  
tulo tempore in virginis utero sit  
absolutus Christus: quemadmo-  
dum in synaxi accidentia subsistant  
sine domicilio. Sed hæc protrita.  
Illa demum magnis, & illumina-  
tis, ut vocant, theologis digna pu-  
tant, ad hæc si quando incidunt, ex-  
pergiscuntur. Num quod instans  
in generatione divina. Num plures  
in Christo filiationes. Num possi-  
bilis propositio? Pater deus odit fi-  
lium? Num deus potuerit supposi-

G 3      tare

tare mulierem, num diabolum,  
 num asinum, num cucurbitam,  
 num silicem? Tum quemadmo-  
 dum cucurbita fuerit concionatu-  
 ra, editura miracula, figenda cruce.  
 Et quid consecrasset Petrus, si con-  
 secrasset eo tempore, quo corpus  
 Christi pendebat in cruce? Et num  
 eodem tempore Christus homo  
 dici potuerit: & num post resurre-  
 ctionem edere aut bibere fas sit fu-  
 turum. jam nunc famem sitimque  
 præcavescentes. Sunt innumerabiles  
 ἀπολεσχίαι, his quoque multo  
 subtiliores, de notionibus, relatio-  
 nibus, instantibus, de formalitati-  
 bus, de quidditatibus, eccetitibus,  
 quas nemo possit oculis assequi nisi  
 tam Lynceus, ut ea quoque per al-  
 tissimas tenebras videat, quæ nus-  
 quam sunt, Adde nunc his γνώμας  
 illas adeo παραδόξας, ut illa Stoico-  
 rum



rum oracula , quæ paradoxa vo-  
cant, crassissima præ his videantur,  
& circumforanea, velut levius esse  
crimen, homines mille jugilare,  
quam semel in die dominico cal-  
ceum pauperi consuere. Et potius  
esse committendum, ut vniversus  
orbis pereat vna cum victu & ve-  
stitū, quod ajunt, suo, quam vni-  
cum quantumlibet leve mendacio-  
lum dicere. Iam has subtilissimas  
subtilitates subtiliores etiam red-  
dunt tot scholasticorum viæ, vt ci-  
tius è Labyrinthis temet explices,  
quam ex involucris Realium, Nomi-  
nialium, Thomistarum, Albertista-  
rum, Occanistarum, Scotistarum,  
& nondum omneis dixi sectas, sed  
præcipuas duntaxat. In quibus om-  
nibus tantum est eruditionis, tan-  
tum difficultatis, ut existimem ipsis  
apostolis alio spiritu opus fore, si  
G 4      cogan-

cogantur hisce de rebus cum hoc novo theologorum genere conferre manus. Paulus fidem præstare potuit, at idem cum ait: Fides est substantia rerum sperandarum, argumentum non apparentium: parum magistraliter definivit. Idem ut charitatem optime præstitit, ita parum dialectice vel dividit, vel finit, in priore ad Corinthios epistola, cap. decimotertio. Ac pie quidem illi consecrabant synaxim, & tamen rogati de terminè à quo, & termino ad quem, de transsubstantiatione, de modo quo corpus idem sit in diversis locis, de differentia, qua corpus Christi est in cœlo, qua fuit in cruce, qua in sacramento synaxeos, quo puncto fiat transsubstantiatio, cum oratio per quam ea fit, ut quantitas discreta sit in fluxu, non pari, sicut opinor,



nor, respondissent acumine, quo  
Scotidæ differunt hæc, ac defini-  
unt. Noverant illi Iesu matrem,  
sed quis eorum tam philosophice  
demonstravit, quomodo fuerit ab  
Adæ macula præservata, quàm no-  
stri theologi? Petrus accepit claves,  
& accepit ab eo, qui non commit-  
tit indigno, & tamen an intellexe-  
rit, nescio, certe nusquam attigit  
subtilitatem, quomodo scientiæ  
clavem habeatis quoque, qui scien-  
tiam non habeat. Baptizabant illi  
passim, & tamen nusquam docue-  
runt, quæ sit causa formalis, mate-  
rialis, efficiens, & finalis baptismi,  
nec characteris delevibilis, & inde-  
levibilis apud hos vlla mentio. Ado-  
rabant quidem illi, sed in spiritu,  
nihil aliud sequentes, quam illud  
evangelicum, spiritus est Deus, &  
eos qui adorant eum in spiritu &  
G 5 veritate.

veritate oportet adorare. Verum, haud apparet eis tum fuisse revelatum, vna eademque adoratione adorandam imagunculam carbone delineatam in pariete, & Christum ipsum, si modo duobus sit porrectis digitis, intonsa coma, & in vmbone qui adhæret occipitio, treis habeat notas. Quis enim hæc percipiat, nisi triginta sex annos totos in physicis, & vltamundanis Aristotelis & Scoticis contriverit? Identidem inculcant Apostoli gratiam, at iidem nusquam distinguunt quid intersit inter gratiam gratis datam, & gratiam gratificantem. Hortantur ad bona opera; nec discernunt opus operans & opus operatum. Passim inculcant charitatem, nec secernunt infusam ab acquisita, nec explicant, accedens ne sit an substantia, creata res  
an



an increata. Detestantur peccatum, at emoriar, si potuerunt scientificè definire, quid sit illud, quod peccatum vocamus, nisi forte Scotistarum spiritu fuerunt edocti. Nec enim adduci possum, ut credam Paulum, è cuius unius eruditione licet omneis æstimare, toties damnaturum fuisse quæstiones, disputationes, genealogias, & ut ipse vocat λογολαχίας, si eas percaluisset argutias, præsertim cum omnes illius temporis contentiones, pugnaeque rusticanæ fuerint & crassæ, si cum magistrorum nostrorum plusquam Chrysippeis subtilitatibus conferantur. Quamquā homines modestissimi, si quid forte scriptum sit ab Apostolis indolatus parumq; magistraliter, non damnant quidem, sed commodè interpretantur: hoc videlicet

G 6 hono-

honoris, partim antiquitati, partim apostolico nomini deferentes. Et hercle parum æquumerat, res tantas ab illis requirere, de quibus ex præceptore suo, ne verbum quidem vnquam audissent. Idem si eveniat in Chrysostomo, Basilio, Hieronymo, tum sat habent adscribere, non tenerur. Et illi quidem confutarunt ethnicos philosophos ac Iudæos, suapte natura pertinacissimos, sed vita magis ac miraculis quam syllogismis, tum eos quorum nemo fuerit idoneus, vel vnicum Scoti Quodlibetum ingenio consequi. Nūc quis ethnicus, quis hæreticus non continuo se dat tot tenuissimis subtilitatibus, nisi tam crassus, vt non assequatur, aut tam impudens, vt exhibet, aut iisdem instructus laqueis, vt jam par sit pugna, perinde quasi magum



gum cum mago committas, aut si gladio fortunato pugnet aliquis cum eo, cui gladius sit fortunatus: tum enim nihil aliud quam tela Penelopes retexeretur. Ac meo quidem iudicio scaperent Christiani, si pro pinguibus istis militum cohortibus, per quos jam olim anticipiti Marte belligerantur, clamosissimos Scotistas, & pertinacissimos Occanistas, & invictos Albertistas vna cum tota sophistarum manu mitterent in Turcas & Saracenos: spectarent, opinor, & conflictum omnium lepidissimum, & victoriam non ante visam. Quis enim usque adeo frigidus, quem istorum non inflamment acumina? Quis tam stupidus, ut tales non excitent aculei? Quis tam oculatus, ut hæc illi non maximas offundant tenebras? Verum hæc omnia videor

videor vobis propemodum joco.  
dicere. Nec mirum fanè, cum sint  
& inter ipsos theologos meliori-  
bus instituti literis, qui ad has fri-  
volas, vt putant, Theologorum ar-  
gutias nauscent. Sunt qui velut sa-  
cilegij genus execrentur, sum-  
mamque ducant impietatem, de re-  
bus tam arcanis, & adorandis ma-  
gis, quam explicandis, tam illoto-  
re loqui, tam prophanis Ethni-  
corum argutijs disputare, tam arro-  
ganter definire, ac divinæ Theolo-  
giæ majestatem tam frigidis, imò  
sordidis verbis simul & sententijs  
conspurare. At interim ipsi feli-  
cissime sibi placent, imò plaudant,  
adeo vt his suavissimis nenijs, nocte  
dieque occupatis, ne tantulum qui-  
dem ocij supersit, vt evangelium,  
aut Paulinas epistolas vel semel li-  
ceat evolvere. Atque interim dum  
hæc



hæc nugantur in scholis, existimant  
se se vniversam ecclesiam, alioqui-  
ruram, non aliter syllogismo-  
rum fulcire tibicinibus, quam At-  
las cœlum humeris sustinet apud  
Poëtas. Iam illud quantæ felicitatis  
esse putatis, dum arcanas literas,  
perinde quasi cereæ sint, pro libidine  
formant, ac reformant, dum  
conclusiones suas, quibus jam aliquot  
scholastici subscripserunt, plusquam  
Solonis leges videri postulant,  
& vel pontificijs decretis anteponendas,  
dumque veluti censores orbis ad  
palinodiam trahunt, si quid usquam  
cum explicitis illorum conclusionibus,  
non ad amissim quadrarit, ac non  
secus atque ex oraculo pronunciant,  
hæc propositio scandalosa est, hæc parum  
reverentialis, hæc hæresin olet, hæc  
male tinnit, vt jam nec baptismus,  
nec

nec evangelium, nec Paulus aut Petrus, nec sanctus Hieron. aut August. imò nec ipse Thomas ἀριστοτελικῶτατος, Christianum efficiat, nisi baccalauriorum calculus accesserit, tanta est in iudicando subtilitas. Quis enim sensurus erat, eum Christianum non esse, qui diceret has duas orationes, matula putes, & matula putet. Item ollæ fervere, & ollam fervere, pariter esse congruas, nisi sapientes illi docuissent? Quis tantis errorum tenebris liberasset ecclesiam, quos ne lecturus quidem vnquam quisquam fuerat, nisi magnis sigillis isti prodidissent? Verum an non felicissimi dum hæc agunt? Præterea dum inferorum res omneis sic examulsum depingunt, tamquam in ea Rep. complureis annos sint versati? Præterea dum pro arbitrio



trio novos orbes fabricantur, addito denique latissimo illo, pulcherrimoque, ne scilicet deesset ubi felices animæ commode vel spatari, vel convivium agitare, vel etiam pila ludere possent. His atque id genus bis mille nugis, horum capita adeo distenta differtaque sunt, ut arbitrer nec Iovis cerebrum æque gravidum fuisse, cum ille Palladem parturiens, Vulcani securim imploraret. Quare nolite mirari, si videtis caput illorum tot fascijs tam diligenter obvinctum in publicis disputationibus, alioquin enim planè dissilirent. Illud ipsa quoque nonnunquam ridere soleo, cum ita demum maxime sibi videntur theologi, si quam maxime barbare spurceq; loquantur, cumque adeo balbutiunt, ut à nemine nisi balbo possint intelligi, acumen appellant,

appellant, quod vulgus non assequatur. Negant enim è dignitate sacrarum literarum esse, si grammaticorum legibus parere cogantur. Mira vero majestas theologorum, si solis illis fas est mendose loqui, quanquam hoc ipsum habent cum multis cerdonibus commune. Postremo jam diis proximos sese ducunt, quoties quasi religiose magistri nostri salutantur, in quo quidem nomine tale quiddam subesse putant, quale est apud Iudæos τετταρχαμάτων. Itaque nefas ajunt esse **MAGISTER NOSTER** secus quam majusculis scribere literis. Quod si quis præpostere Noster magister dixerit, is semel omnem theologi ci nominis perverterit majestatem. Ad horum felicitatem proxime accedunt ij, qui se vulgo religiosos.

ac



ac monachos appellant, utroque  
falsissimo cognomine, cum & bo-  
na pars istorum longissime absit à  
religione, & nulli magis omnibus  
locis sint obvij. Iis non video quid  
possit esse miserius, nisi ego multis  
modis succurrerem. Etenim cum  
hoc hominum genus omnes sic  
execrentur, ut fortuitum etiam oc-  
cursum ominosum esse persuasum sit,  
tamen ipsi sibi magnifice blandiun-  
tur. Primum summam existimant  
pietatem, si usque adeo nihil attige-  
rint literarum, ut ne legere quidem  
possint. Deinde cum Psalmos suos,  
numeratos quidem illos, at non  
intellectos, asininis vocibus in  
templis derudunt, tum vero se pu-  
tant divorum aures multa volupta-  
te demulcere. Et sunt ex his non-  
nulli, qui sordes ac mendicitatem  
magno vendunt, proque foribus  
magno

magno mugitu panem efflagitant, imò in nullis diverforijs, vehiculis, navibus non obturbant, non mediocri profecto reliquorum mendicorum jactura. Atque ad eum modum homines suavissimi, sordibus, inscitia, rusticitate, impudentia, apostolos (ut ajunt) nobis referunt. Quid autem jucundius, quam quod omnia faciunt ex præscripto, quasi mathematicis videntes rationibus, quas præterire piaculum sit. Quot nodos habeat calceus, quo colore singula vestis, quot discriminibus varieganda, qua materia, quotque culmis latum cingulum, qua specie, & quot modiorum capax cuculla, quot digitis latum capillitium, quot dormiendum horas. Atque hæc quidem æqualitas in tanta corporum & ingeniorum varietate, quam sit inæqualis, quis non



non perspicit? Et tamen his nugis non alios modo præ se nauci faciunt, verum invicem alij alios contemnunt, atque homines apostolicam charitatem professi, ob aliter cinctam vestem, ob colorem paulo fusciorum, omnia miris tragædijs miscent. Ex his videas quosdam adeo rigide religiosos, ut summa veste, non nisi Cilicina utantur, intima Milesia: alios contra, qui superne linei sint, intime lanei. Rursum alios qui pecuniæ contactum ceu aconitum horreant, nec à vino interim, nec à mulierum contactu temperantes. Denique mirum omnibus studium, ne quid in ratione vitæ conveniat. Nec illud studio est, ut Christo similes sint, sed ut inter se dissimiles. Porro magna felicitatis pars est in cognomentis, dum hi funigeros appellari

pellari se gaudent, & inter hos alij coletas, alij minores, alij minimos, alij bullistas. Rursum hi Benedictinos, illi Bernardinos, hi Brigidenſes, illi Auguſtinenſes: hi Guilhelmitas, illi Iacobitas, quaſi vero parum ſit, dici Chriſtianos. Horum magna pars in tantum ſuis nititur ceremonijs, & hominum traditiunculis, vt putet vnum cœlum parum dignum eſſe tantis meritis præmium, haud cogitantes futurum, vt Chriſtus contemptis his omnibus, ſuum illud ſit exaucturus præceptum, nempe charitatis. Alius oſtentabit aqualiculum, omni piſcium genere diſtentum. Alius pſalmorum centum effundet modios. Alius jeiuniorum myriadas annumerabit, & toties vnico prandio pene diſruptam imputabit alvum. Alius tantum ceremonia-  
rum



rum acervum proferet, quantus vix  
septem onerarijs navibus vehi pos-  
sit. Alius gloriabitur sexaginta an-  
nos nunquam attractam pecuniam,  
nisi digitis duplici chirotheca mu-  
nitis. Alius cucullam ingeret, a-  
deo sordidam & crassam, vt nul-  
lus nauta suo dignetur corpore.  
Commemorabit alius se plusquam  
vndecim lustris spongiæ vitam e-  
gisse, semper eidem affixum loco:  
Alius raucam assiduo cantu vocem  
adducet: Alius Iethargum solitudi-  
ne contractum, alius linguam jugi  
silentio torpentem. At Christus  
interpellatis, nunquam alioqui fi-  
niendis glorijs, vndenam hoc, in-  
quiet, novum Iudæorum genus?  
Vnicam ego legem vere meam a-  
gnosco, de qua sola nihil audio. Et  
olim palam nulloque parabolarum  
vtens involucro, paternam hære-  
ditatem

ditatem pollicitus sum, non cucul-  
lis, preculis, aut inedijs, sed fidei  
& charitatis officijs. Nec eos a-  
gnosco, qui sua facta nimis agno-  
scunt: isti qui me quoque sanctio-  
res videri volunt, Abraxasiorum  
cœlos, si libet, occupent, aut ab  
his sibi novum extrui cœlum iu-  
beant, quorum traditiunculas meis  
præceptis anteposuerunt. Cum hæc  
audient, & videbunt nautas & au-  
rigas sibi præferri, quibus putaris  
vultibus sese mutuo contuebuntur?  
Sed interim spe sua felices sunt  
non absque meo beneficio. Atque  
hos quidem quanquam à republi-  
ca semotos, nemo tamen audet  
contemnere, præcipue mendican-  
tes, propterea quod omnia om-  
nium arcana teneant, ex confessio-  
nibus quas vocant. Quæ tamen  
prodere nefas habent, nisi si quan-  
do



do poti, fabulis amœnioribus delectare se volunt, sed conjecturis modo rem indicant, tacitis interim nominibus. Quod si quis hos crabrones irritarit, tum in popularibus concionibus probe vlciscuntur sese, & obliquis dictis hostem notant, adeo recte, vt nemo non intelligat, nisi qui nihil intelligit: nec prius oblatrandi fidem faciunt, quam in os offam objeceris. Age vero quem tu mihi concedum, quem circulatorem spectare malis, quàm istos in concionibus suis rhetoricantes omnino ridicule, sed tamen suauissime imitantes ea quæ rhetores de dicendi ratione tradiderunt? Deum immortalem, ut gesticulantur, ut apte conuant uocem, ut cantillant, ut jactant sese, ut subinde alios atque alios vultus induunt, vt omnia clamoribus

H moribus

moribus miscent. Atque hanc orandi artem ceu rem arcanam fraterculus fraterculo per manus tradit. Eam tametsi mihi non est fas scire, tamen utcunque coniecturis sequar. Primo loco invocant, id quod à poëtis mutuo sumpserunt: deinde dicturi de charitate, à Nilo Ægypti fluvio sumunt exordium: aut crucis mysterium enarraturi, à Babylonio dracone Bel feliciter auspiciantur: aut de jeiunio disputaturi, à dodecim zodiaci signis principium faciunt: aut de fide verba facturi, diu de quadratura circuli præloquuntur. Audivi ipsa quendam eximie stultum, erravi, doctum volebam dicere, qui in concione celeberrima divinæ triadis mysterium explicaturus, quo & doctrinam suam non vulgarem ostentaret, & theologicis satisfaceret auribus,



ribus, nova prorsus ingressus est  
via, nimirum à literis, syllabis, &  
oratione, tum à concordia nomi-  
nis & verbi, adjectivi nominis &  
substantivi, mirantibus jam ple-  
risque, ac nonnullis Horatianum  
illud apud se mussitantibus: Quo-  
rum hæc tam putida tendunt. Tan-  
dem huc rem deduxit, ut in gram-  
maticorum rudimentis sic expres-  
sum ostenderet totius triadis si-  
mulacrum, ut nemo mathematico-  
rum in pulvere posset eviden-  
tius depingere. Atque in hac ora-  
tione *ῥεολογώτατος* ille totos octo  
menses ita desudarat, ut hodie quo-  
que magis cæcutiat quam talpæ,  
nimirum tota luminum acie ad  
ingenij cuspidem avocata. Ve-  
rum haud pœnitet hominem cæ-  
citatis, ac parvo quoque putat em-  
ptam eam gloriam. Auditus est  
H 2      à nobis

à nobis alius quidam octogenarius,  
adeo theologus, vt in hoc Scotum  
ipsum renatum putes. Is explica-  
turus mysterium nominis Iesu,  
mira subtilitate demonstravit in  
ipsis literis latere, quicquid de illo  
dici possit. Etenim quod tribus  
duntaxat inflectitur casibus, id ma-  
nifestum esse simulacrum divini  
ternionis. Deinde quod prima vox  
Iesus, desinat, in s, secunda Iesum  
in m, tertia Iesu in u, in hoc *αὐτὸς πρῶ-  
τος* subesse mysterium: nempe tri-  
bus literulis indicantibus eum esse  
summum, medium, & vltimum.  
Restabat mysterium his quoque  
retrusius, mathematica ratione, Ie-  
sus sic in duas æquales diffidit por-  
tiones, vt scilicet penthemimeres  
in medio resideret. Deinde do-  
cuit eam literam apud Hebræos  
esse *שׁ*, quam illi Syn appellant,  
porro



porro syn, Scotorum opinor lingua peccatum sonat: atque hinc palàm declarari, Iesum esse qui peccata tolleret mundi. Hoc tam novum exordium sic inhiantes admirati sunt omnes, præcipue theologi, ut parum abfuerit, quin illis acciderit, quod olim Niobæ, cum mihi propemodum evenerit, quod ficulno illi Priapo, qui magno suo malo, Canidiæ Saganæque nocturna sacra spectavit. Nec injuria profecto: nam quando similem ε' *φωδον* commentus est Demosthenes ille Grajus, aut Cicero Latinus? Illis vitiosum habebatur proœmium, quod à re foret alienius: quasi vero non ad istum modum exordiantur & subulci, natura videlicet magistra. At hi docti præambulum suum, sic enim vocant ita demum eximie rhetoricum

H 3 fore

fore ducunt, si nusquam quicquam  
 habeat cum reliquo argumento  
 confine, ut auditor interim admi-  
 rans, illud secum murmuret, quò  
 nunc se proripit ille? Tertio loco  
 ceu narrationis vice nonnihil ex  
 evangelio, sed cursim ac velut obi-  
 ter interpretantur, cum id solum  
 fuerit agendum. Quarto loco jam  
 nova sumpta persona, quæstionem  
 movent theologalem, aliquoties  
 ἔτι τοῦ κυρίου, ἔτι τοῦ εὐαγγελίου ἀποκρίνεται. Atque  
 id quoque ad artem arbitrantur  
 pertinere. Hic demum theologi-  
 cum attollunt supercilium, docto-  
 res solennes, doctores subtiles, do-  
 ctiores subtilissimos, doctores sera-  
 phicos, doctores cherubicos, do-  
 ctiores sanctos, doctores irrefraga-  
 biles, magnifica nomina auribus  
 inculcantes. Tum syllogismos, ma-  
 jores, minores, conclusiones, co-  
 rollaria,



rellaria, suppositiones, frigidissimas ac plusquam scholasticas nugas apud imperitum vulgus jactitant. Superest jam quintus actus, in quo summum artificem præstare convenit. Hic mihi stultam aliquam & indoctam fabulam, ex Speculo opinor historiali, aut gestis Romanorum in medium adferunt, & eandem interpretantur allegorice, tropologice, & anagogice. Atque ad hunc quidem modum Chimæram suam absolvunt, qualem nec Horatius vnquam assequi potuit cum scriberet: Humano capiti, &c. Sed audierunt à nescio quibus, ingressum orationis sedatum, minimeque clamorū esse oportere: Itaque principio sic exordiuntur, ut nec ipsi vocem propriā exaudiant, quasi referat dici, quod nullus intelligat. Audierunt nonnunquam ad

concitandos affectus, exclamatio-  
 bus utendum esse. Proinde presse  
 alioqui loquentes, subinde repente  
 vocem tollunt furioso plane cla-  
 more, etiam cum nihil opus. Iu-  
 res elleboro homini opus esse,  
 perinde quasi nihil referat, ubi  
 clames. Præterea quoniam audie-  
 runt oportere sermonem in pro-  
 gressu fervere, in singulis par-  
 tibus principiis utcunque sane re-  
 citatis, mox mira vocis conten-  
 tione utuntur etiam si res sit frigi-  
 dissima, atque ita denique desinunt,  
 ut spiritu defectos credas. Postre-  
 mo didicerunt, apud rhetores de  
 risu fieri mentionem, eoque stu-  
 dent & ipsi, jocos quosdam asper-  
 gere, ὡς φίλη ἀφροδίτη, quam ple-  
 nos gratiarum, quamque in loco,  
 ut plane ὄνον πρὸς πλὴν λέγειν esse  
 dicas. Mordent quoque nonnon-  
 quam,



quam, sed ita, ut titillent magis  
quam vulnerent. Nec unquam  
verius adulantur quam cum maxi-  
me παρρησιαζέσθαι videri student.  
Denique tota actio est ejusmodi,  
ut jures eos à fori circulatoribus  
didicisse, à quibus longe vincun-  
tur. Quanquam utrique alteris  
usque adeo sunt similes, ut nemo  
dubitet quin aut hi ab illis, aut illi  
ab his rhetoricam suam didicerunt.  
Et tamen inveniunt hi quoque  
mea nimirum opera, qui cum hos  
audiunt, Demosthenes meros, ac  
Cicerones audire se putant. Quod  
genus sunt præcipue mercatores ac  
mulierculæ: quorum auribus vnice  
placere student; quod illi nonnul-  
lam prædæ portiunculam de rebus  
male partis soleant impertiri, si  
commode fuerint palpati: illæ cum  
alijs multis de causis huic ordini

H 5 favent,

favent, tum præcipue, quod in horum sinus soleant effundere, si quid in maritos stomachantur. Videtis opinor, quantopere mihi debeat hoc hominum genus, qui cum cæremoniolis, & nugis deridiculis, clamoribusque tyrannidem quandam inter mortales exerceant, Paulos atque Antonios sese credunt. Verum ego istos histriones tam ingratos beneficiorum meorum dissimulatores, quam improbos simulatores pietatis, libenter relinquo. Iamdudum enim juvat de regibus ac principibus aulicis à quibus simplicissime color, & ut dignum est ingenuis, ingenue, non nihil attingere. Qui quidem si vel semunciam sani cordis haberent, quid esset horum vita tristius, aut æque fugiendum? Neque enim existimabit vel perjurio parricidioque parandum  
impe-



imperium, quisquis secum perpen-  
derit, quam ingens onus sustineat  
humeris, qui vere principem agere  
velit: eum qui rerum gubernacula  
susceperit, publicum non privatum  
negociū gerere, nihil nisi de com-  
modis publicis oportere cogitare: à  
legibus, quarum ipse & autor &  
exactor est, nec latum digitum dis-  
cedere: officialium omnium & ma-  
gistratuum integritatem sibi prae-  
standam esse: se se esse vnum om-  
nium oculis expositum, qui vel ceu  
fidus salutare, morum innocentia,  
maximam rebus humanis salutem  
possit adferre, vel veluti cometa le-  
talis, summam perniciem invehe-  
re, Aliorum vitia neque perinde  
sentiri, neque tam late manare.  
Principem eo loco esse, vt si quid  
vel leviter ab honesto deflexerit,  
gravis protinus ad quàm plurimos  
homines

homines vitæ pestis serpat. Tum quod multa secum adferat principum fortuna, quæ soleant à recto deducere, quod genus, deliciae, libertas, adulatio, luxus, hoc acrius enitendum, ac sollicitius advigilandum, necubi vel deceptus cesset in officio. Postremo, ut insidias, odia, cæteraque vel pericula, vel inetus omittam, capiti imminere. Verum illum regem, qui paulo post ab eo sit etiam de minimo quoque commissio rationem exacturus, idque tanto severius, quanto præstantius gessit imperium. Hæc inquam, atque hujusmodi plurima, si princeps secum perpenderet, perpenderet autem si sciperet, is nec somnum, nec cibum opinor jucunde capere posset. At nunc meo munere, has omnes curas dijs permittunt, ipsi sese molliter curant, neque-



quenquam ad aurem admittunt, nisi qui jucunda loqui norit, ne quid animo sollicitudinis oboriatur. Se probe principis partes omneis impleſſe credunt, si venentur assidue, si bellos alant caballos, si suo comodo vendiderint magistratus ac præfecturas, si quotidie novæ rationes excogitentur, quibus civium opes attenuent & in suum converrant fiscum, verum id apposite repertis titulis, ut etiamsi sit iniquissimum, aliquam tamen æquitatis speciem præ se ferat. Addunt data opera nonnihil adulationis, quo populares animos, utcumque sibi devinciant. Fingite mihi nunc, quales sunt nonnunquam, hominem legum ignarum, publicorum commodorum penè hostem, privatis intentum commoditatibus, addictum voluptatibus, oſorem eruditionis,

ditionis, osorem libertatis ac veri,  
nihil minus quam de reip. salute  
cogitantem, sed omnia sua libidi-  
ne, suisque vtilitatibus merientem.  
Deinde addite huic torquem au-  
ream, omnium virtutum cohæren-  
tium consensum indicantem, tum  
coronam gemmis insignitam, quæ  
quidem admoneat eum heroicis  
omnibus virtutibus oportere cæte-  
ris antecellere, præterea sceptrum,  
iustitiæ & vndecunque incorrupti  
pectoris symbolum, postremo pur-  
puram eximiæ cuiusdam in rem-  
publicam charitatis indicium. Hæc  
gestamina si princeps cum sua vi-  
ta conferret, equidem futurum ar-  
bitror, vt planè pudeat ornatus  
sui, vereaturque, ne quis nasutus  
interpreter, totum hunc tragicum  
cultum, in risum iocumque ver-  
tat. Iam quid de proceribus auli-  
cis



eis commemorare? quorum plerisque cum nihil sit addictius, servilius, infusius, abjectius, tamen omnium rerum primos sese videri volunt. Hæc una in re tamen modestissimi, quod contenti, aurum, gemmas, purpuram, reliquaque virtutum ac sapientiæ insignia corpore circumferre, rerum ipsarum studium omne concedunt alijs. Hoc abunde felices sibi videntur, quod regem herum vocare liceat, quod tribus verbis salutare didicerint, quod norint civiles titulos subinde inculcare, serenitatem, dominationem, & magnificentiam: quod egregie perfricuerint faciem, quod festiviter adulentur. Nam hæ sunt artes, quæ vere nobilem & aulicum deceant. Cæterum si vitæ rationem omnem propius inspicias, nimirum meros Phæacas invenies,  
sponsos

sponſos Penelopes, reliquum carmen agnoſcitis, quod Echo vobis melius referet quam ego. Dormitur in medios dies, ibi ſacrificulus mercenarius ad lectum paratus, qui propemodum cubantibus adhuc ſacrum expedite peragat. Mox ad ientaculum, quo vix peracto, jam interpellat prandium. Sub id alea, laterunculi, ſortes, ſcurræ, moriones, ſcorta, luſus, inficetiæ. Interim vna aut altera merenda. Rurſum cœna, poſt hanc reposita, non vna per Iovem. Atque ad hunc modum, citra ullum vitæ tædium elabuntur horæ, dies, meſes, anni, ſecula. Ipſa nonnunquam ſagina-  
 tior ab eo, ſi quando viderim illos  
 μεγας ε' εν τας, dum inter nym-  
 phas vna quæque hoc ſibi videtur  
 dijs propior, quo caudam longio-  
 rem trahit, dum procerum alius a-  
 lium



lium cubito protrudit, quo Iovi vicini-  
or esse videatur, dum sibi quis-  
que hoc magis placet, quo gravio-  
rem catenam collo bajulat, ut ro-  
bur etiam, non opes tantum osten-  
tet. Ac principum quidem institu-  
tum, summi pontifices, cardinales,  
& episcopi, jam pridem gnaviter  
æmulantur, ac propè superant.  
Porro si quis perpendat, quid linea  
vestis admoncat, niveo candore  
insignis, nempe vitam vndiquaque  
inculpata. Quid sibi velit mitra  
bicornis, utrunq; fastigium eodem  
cohibente nodo, puta novi patiter  
ac veteris instrumenti absolutam  
scientiam. Quid manus chirothe-  
cis communitæ, duram & ab omni  
rerum humanarum contagio im-  
munem sacramentorum admini-  
strationem. Quid pedum, nimirum  
crediti gregis vigilantissimam cu-  
ram,

ram. Quid prælata crux, videlicet omnium humanorum affectuum victoriam. Hæc, inquam, atque id genus alia multa, si quis perpendat, nonne tristem ac sollicitam vitam egerit? At nunc belle faciunt, cum sese pascunt. Cæterum ovium curam aut ipsi Christo mandant, aut in fratres, quos vocant, ac vicarios reijciunt. Neque vel nominis sui recordantur, quid sonet episcopi vocabulum, nempe laborem, curam, sollicitudinem. Verum in irretiendis pecunijs, planè episcopos agunt, ὅδ' αἰλαοσκοπία. Ad eundem modum cardinales si cogitent sese in apostolorum locum successisse, eadem ab ipsis requiri, quæ illi præstiterunt, deinde non dominos esse, sed administratores spiritualium dotiū, de quibus omnibus sint paulo post exactissime reddituri



redditori rationem. Imò si vel in  
cultu paulisper philosophentur, at-  
que ita secum cogitent, quid sibi  
vult hic vestitus candor? Nonne  
summam & eximiam vitæ inno-  
centiam? Quid interior purpura?  
nonne flagrantissimum in deum  
amorem? Quid rursus exterior si-  
nuosa capacitate diffluens, ac totam  
etiam reverendissimi complectens  
mulam, quanquam vna vel carne-  
lo contegendo suffecerit? Nonne  
charitatem latissime sese panden-  
tem ad subveniendum omnibus,  
hoc est, ad docendum, exhortan-  
dum, consolandum, increpandum,  
admonendum, componenda bella,  
resistendum improbis principibus,  
& vel sanguinem libenter impen-  
dendū gregi Christiano, non solum  
opes. Quanquam quorsum omni-  
no opes, pauperum apostolorum  
vicem

vicem gerentibus? Hæc si perpenderent, inquam, nec eum locum ambirent, & libentes relinquerent, aut certe vitam planè laboriosam, atque sollicitam agerent, cujusmodi veteres illi vixerunt apostoli. Iam summi pontifices, qui Christi vices gerunt, si conentur ejusdem vitam æmulari, nempe paupertatem, labores, doctrinam, crucem, vitæ contemptum, si vel papæ, id est, patris nomen, vel sanctissimi cognomen cogitent, quid erit in terris afflictius? aut quis eum locum omnibus emat facultatibus: emptum, gladio, veneno, omnique vitueatur? Quantum his abstulerit commoditatum, si semel incessiverit sapientia? Sapientia dixi? Imò vel mica salis illius, cujus meminit Christus. Tantum opum, tantum honorum, tantum ditionis, tantum victo-



victoriarum, tot officia, tot dispensationes, tot vectigalia, tot indulgentias, tantum equorum, mulorum, satellitum, tantum voluptatum. Videtis quantas nundinas, quantam messem, quantum bonorum pelagus paucis sim complexa. In quorum locum inducet vigiliis, jeiunia, lachrymas, orationes, conciones, studia, suspiria, milleque id genus miseros labores. Neque vero negligendum illud, futurum ut tot scriptores, tot copistæ, tot notarii, tot advocati, tot promotores, tot secretarii, tot mulotribæ, tot equisones, tot mensarii, tot lenones, penè mollius, quiddam addideram, sed vereor ne durius sit auribus. In summa, tam ingens hominum turba, quæ Romanam sedem onerat, lapsa sum, honorat sentiebam, ad famem adigatur. Inhumanum

humanum quidem hoc, & abomi-  
nandum facinus, at multo magis  
detestandum, ipsos etiam summos  
ecclesiæ principes, ac vera mundi  
lumina ad peram & baculum revo-  
cari. At nunc ferè, si quid laboris  
est, id Petro & Paulo relinquunt,  
quibus abunde satis est ocij. Porro  
si quid splendoris, aut voluptatis,  
id sibi sumunt. Atque ita fit mea  
quidem opera, ut nullum pene ho-  
minum genus vivat mollius, mi-  
nusque sollicitum, ut qui abunde  
Christo satisfactum existiment, si  
mystico ac penè scenico ornatu, cæ-  
remonijs, beatitudinū, reverentia-  
rum, sanctitatum titulis, & benedi-  
ctionibus, ac maledictionibus epis-  
copos agant. Priscum & obsole-  
tum, nec horum omnino tempo-  
rum, miracula edere: docere popu-  
lum, laboriosum: sacras interpre-  
tari



tari literas, scholasticum: orare, ociosum: lachrymas fundere, miserum ac muliebri: egere, sordidum: vinci, turpe, parumque dignum eo, qui vix reges etiam summos, ad pedum beatorum admittit oscula: denique mori, inamabile: tolli in crucem, infame. Restant sola hæc arma ac benedictiones dulces, quarum meminit Paulus, atque harum quidem sunt sane quam benigni, interdictiones, suspensiones, aggravationes, redaggravationes, anathematizationes, vltrices picturæ, ac fulmen illud terrificum, quo solo nutu mortalium animas vel ultra tartara mittunt. Quod ipsum tamen sanctissimi in Christo patres, & Christi vicarij, in nullos torquent acrius, quam in eos, qui instigante diabolo, patrimonia Petri minuere atque arrodere conantur.

tur. Cujus cum hæc vox sit in evangelio : Relinquimus omnia, & sequuti sumus te, tamen hujus patrimonium appellant agros, oppida, vectigalia, portoria, ditiones. Pro quibus dum zelo Christi accensi, ferro ignique dimicant, non absque plurimo Christiani sanguinis dispendio, tum demum ecclesiam Christi sponsam sese credunt apostolice defendere, fortiter profligatis, ut vocant, hostibus. Quasi vero ulli sint hostes ecclesie perniciosiores, quam impij pontifices, qui & silentio Christum sinunt abolere, & quæstuarijs legibus alligant, & coactis interpretationibus adulterant, & pestilente vita jugulant. Porro cum Christiana ecclesia sanguine sit condita, sanguine confirmata, sanguine aucta, nunc perinde quasi Christus perierit,



rit, qui more suo tueatur suos, ita ferro rem gerunt. Cumque bellum res sit adeo immanis, ut feras non homines deceat, adeo insana, ut poetæ quoque fingant à furijs immitteri, adeo pestilens, ut vniversam morum luem simul invehat, adeo injusta, ut à pessimis latronibus optime soleat administrari, adeo impia, ut nihil cohæreat cum Christo, tamen omnibus omissis, hoc tantum agunt. Hic videas etiam decrepitos senes, juvenilis animi robur præstare, nec offendi sumptibus, nec fatigari laboribus, nec deterreri quicquam, si leges, si religionem, si pacem, si res humanas omneis sursum ac deorsum misceant. Neq; defunt adulescentes eruditi, qui istam manifestariam insaniam, zelum, pietatem, fortitudinem appellent, excogitata via, qua  
I fieri

fieri possit, ut quis letale ferrum  
stringat, adigatque in fratris sui vis-  
cera, manente nihilominus chari-  
tate illa summa, quam ex Christi  
præcepto, debet proximo Chri-  
stianus. Equidem incerta sum ad-  
huc utrum his rebus exemplum  
dederint, an potius hinc sumpse-  
rint episcopi quidam Germano-  
rum, qui simplicius, etiam omisso  
cultu, omissis benedictionibus,  
alijsque id genus caeremonijs, pla-  
ne satrapas agunt, adeo, ut prope-  
modum ignavum, parumq; deco-  
rum episcopo putent alibi, quam in  
acie, fortem animam deo reddere.  
Iam vero vulgus sacerdotum, nefas  
esse ducens, à præsulum suorum  
sanctimonia degenerate, euge  
quam militariter pro jure decima-  
rum, ensibus, jaculis, saxis, omniq;  
armorum vi belligerantur, quam  
hic



hic oculati, si quid ex veterum literis possint elicere, quo plebeculam territent, & plusquam decimas deberi convincant. At interim non venit in mentem, quam multa passim legantur de officio, quod illi vicissim præstare populo debeant. Nec saltem admonet eos vertex rarus, sacerdotem omnibus hujus mundi cupiditatibus liberum esse oportere, neque quicquam nisi cœlestia meditari. Sed homines suaves, se suo officio probe perfunctos ajunt, si preculas illas suas, utcunque permurmurarint, quas me Hercle demiror, si quis deus vel audiat, vel intelligat, cum ipsi ferè nec audiant, nec intelligant, tum cum eas ore perstrepunt. Verùm hoc quidem sacerdotibus est cum prophanis commune, ut ad emolumentum messem vigilant omnes.

neque quisquam ibi leges ignoret. Cæterum si quid sarcinæ, id prudenter in alienos humeros reijciunt, & alijs alij tanquam pilam per manus tradunt. Siquidem laici quoque principes, quemadmodum partes administrandi regni vicarijs delegant, & vicarius item vicario tradit, ita pietatis studium omne plebi modestiæ causa relinquunt. Plebs in eos reijcit, quos ecclesiasticos vocant, perinde quasi ipsis cum ecclesia nihil omnino sit commercij, quasi baptismi votis nihil prorsus sit actum. Rursum sacerdotes qui sese vocant seculares, quasi mundo initiati, non Christo, in regulares onus hoc devolvunt, regulares in monachos, monachi laxiores in arctiores, omnes simul in mendicantes, mendicantes in Chartusienses, apud quos



quos solos sepulta latet pietas, & adeo latet ut vix unquam liceat conspicerè. Itidem pontifices in melle pecuniaria diligentissimi, labores illos nimium apostolicos, in episcopos relegant, episcopi in pastores, pastores in vicarios, vicarij in fratres mendicantes. Hi rursus in eos retrudunt, à quibus ovium lana tondetur. Verum non est hujus instituti, pontificum ac sacerdotum vitam excutere, ne cui videar satyram texere, non encomium recitare, ne quis existimet bonos principes à me taxari, dum malos laudo. Sed hæc ideo paucis attigi, quo palam fieret, nullum esse mortalem, qui suaviter vivere possit, nisi meis initiatus sit sacris, meq; propiciam habeat. Nam id quo pacto fieri queat, cum ipsa etiam Rhamnusia, rerum humanarum fortunatrix,

I 3

trix, mecum adeo consentiat, ut sapientibus istis semper fuerit inimicissima, contra stultis etiam dormientibus omnia commoda adduxerit? Agnoscitis Timotheum illū, cui hinc etiam cognomen & pro-  
 verbium ἡ ὕδωντο κύρτο ἀίρεϊ. Rursum aliud γλαυξίπιδ). Contra in sapientes quadrant illa, ἐν τετραδὶ χυνηθέντες, & equum habet Scianum, & aurum Tolosanū. Sed desino παροιμιάζεσθαι, ne videar Erasmi mei cōmentaria sup-  
 pilasse. Ergo ut ad rem, Amat fortuna parum cordatos, amat audaciores, & quibus illud placet πᾶς ἐρρίφθω κύρτο. At sapientia timidos reddit, ideoq; vulgo videtis, sapientibus istis cū paupertate, cum fame, cum fumo rem esse: neglectos, inglorios, invisos vivere: stul-  
 tos



tos affluere nūmis, admoventi Reip.  
gubernaculis, breviter florere mo-  
dis omnibus. Etenim si quis bea-  
tum existimet principibus placuisse  
viris, & inter aureos illos, ac gem-  
meos deos versari, quid inutilius  
sapientia, imo quid apud hominū  
genus damnatius? Si divitiæ pa-  
randæ sunt, quid tandem lucri fa-  
cturus est negociator, si sapientiam  
secutus, perjurio offendetur, si in  
mendacio deprehensus erubescet,  
si anxios illos de furtis, atq; usuris  
sapientum scrupulos, vel tantuli  
faciet? Porro si quis honores, atq;  
opes ambiat ecclesiasticas, ad eas  
vel asinus, vel bubalus citius pene-  
trabit, quam sapiens. Si voluptate  
ducaris, puellæ maxima hujus fabu-  
læ pars, stultis toto pectore sunt ad-  
dictæ, sapientē haud secus ac scor-  
pium horrent, fugiuntque. Deniq;  
I 4 qui-

quicumque paulo festivius ac lætius vivere parant, sapientem in primis excludunt, ac quodvis animal potius admittunt. Breviter quoque te veritas, apud pontifices, principes, iudices, magistratus, amicos, hostes, maximos, minimos, omnia præsentibus numinis parantur: quos uti contemnit sapiens, ita illum sedulo fugere consueverunt. Sed cum laudum mearum nullus sit modus, neque finis, tamen oratio aliquando finem habeat necesse est. Itaque desinam dicere, sed si prius ostendero paucis, non deesse magnos autores, qui me literis suis pariter ac factis illustrarint, ne cui forte stulte mihi soli videar placere, neve legulei calumnientur, me nihil allegare. Ad ipsorum igitur exemplum allegabimus, hoc est, ὁ δὲ νῦν πρῶτος ἐστὶν ὁ κύριος. Principio illud  
 omni-



omnibus vel notissimo proverbio  
persuasum est, ubi res abest, ibi si-  
mulationem esse optimam. Eoque  
recte statim traditur hic versus  
pueris: Stultitiam simulare loco sa-  
pientia summa est. Vos jam ipsi  
conijcite, quam ingens sit bonum  
stulticia, cujus etiam fallax umbra,  
& imitatio sola, tantum laudis me-  
retur à doctis. Sed multo candi-  
dus pinguis ille ac nitidus Epicuri  
de grege porcus, miscere stulticiam  
consilijs jubet, tametsi brevem non  
admodum scite addidit. Item ali-  
bi, Dulce est desipere in loco. Rur-  
sum alio in loco mavult delirus,  
inersq; videri, quam sapere, & rin-  
gi. Iam apud Homerum Telema-  
chus, quem modis omnibus lau-  
dat poëta, subinde *νήπιος* & appella-  
tur, atq; eodē prænominē tanquam  
felicis ominis libenter pueros &  
I 5 adolef-

adolescentes vocare solent tragici.  
Quid autem sacrum Iliadis car-  
men, nisi stultorum regum & po-  
pulorū continet æstus? Porro quam  
absoluta laus illa Ciceronis? Stulto-  
rum plena sunt omnia. Quis enim  
ignorat, unumquodque bonum,  
quo latius patet, hoc esse præstan-  
tius? Atqui fortassis apud Chri-  
stianos horum levis est autoritas:  
proinde sacrarum quoque litera-  
rum testimonijs, si videtur, laudes  
nostras fulciamus, sive, ut docti so-  
lent, fundemus, principio veniam  
à theologis præfatæ, ut nobis fas  
esse velint, deinde quoniam ar-  
duam rem aggredimur, & fortassis  
improbum fuerit, denuo Musas ex  
Helicone, ad tantum itineris re-  
vocare, præsertim cum res sit alie-  
nior, fortasse magis conveniet o-  
ptare, ut interim dum theologū ago  
perq;



perq; has spinas ingredior, Scoti  
anima paulisper ex sua Sorbona in  
meum pectus demigret quovis hi-  
strice atq; erinaceo spinosior, mox-  
que remigret lubebit, vel ε's *νόεγε-  
xας*. Vtinam & vultum alium liceat  
sumere & ornatus adsit theologi-  
cus. Verum illud interim vereor, ne  
quis me furti ream agat, quasi clan-  
culum magistrorum nostrorum  
scrinia compilaverim, quæ tantum  
rei theologicæ teneam. Sed non  
adeo mirum videri debet, si tam  
diutina, quæ mihi arctissima est,  
cum theologis consuetudine non-  
nihil arripui, cū ficulnus etiam ille  
deus Priapus, nonnullas Græcas  
voces, legente domino, subnotarit  
tenueritque. Et Gallus Lucianicus  
longo hominum convictu sermo-  
nem humanum expedite callue-  
rit. Sed jam ad rem bonis avibus.

Scripsit Ecclesiastes capite primo:  
Stultorum infinitus est numerus.  
Cum numerum prædicat infinitum, nonne mortaleis vniversos  
complecti videtur, præter pauculos  
aliquot, quos haud scio, an cui-  
quam videre contigerit? Sed magis  
ingenue confitetur hoc Hierem. ca-  
pite decimo: Stultus, inquit, fa-  
ctus est omnis homo à sapientia  
sua. Soli deo tribuit sapientiam, vni-  
uersis hominibus stultitiam relin-  
quens. Ac rursum paulo superius:  
Ne gloriatur homo in sapientia sua.  
Cur non vis hominem in sua sa-  
pientia gloriari optime Hieremia?  
Nimirum, inquit, ob id, quia non  
habet sapientiã. Sed ad Ecclesiastem  
redeo. Hunc cum exclamat, vanitas  
vanitatum, & omnia vanitas, quid  
aliud sensisse creditis, nisi, quemad-  
modum diximus, vitam humanam  
nihil



nihil aliud quam stulticiæ ludicrum  
esse? nimirum Ciceronianæ laudi  
album addit calculum, cuius opti-  
mo jure celebratur illud quod mo-  
do retulimus: Stultorum plena  
sunt omnia. Rursum sapiens ille  
Ecclesiasticus, qui dixit, stultus mu-  
tatur ut luna, sapiens permanet ut  
sol, quid aliud innuit, nisi mortale  
genus omne stultum esse, soli deo  
sapientis nomen competere? Siqui-  
dem lunā, humanam naturam in-  
terpretantur, solem omnis luminis  
fontem, deum. Huic astipulatur  
quod ipse Christus in euangelio  
negat, quenquam appellandum  
bonum, nisi deum unum. Porro si  
stultus est, quisquis sapiens non est,  
& quisquis bonus, idem sapiens,  
autōribus Stoicis, nimirū mortales  
omneis stulticia complectatur ne-  
cessum esse. Iterum Salomon capite  
deci-

decimoquinto : Stulticia, inquit, gaudium stulto, videlicet manifeste confitens, sine stulticia nihil in vita suave esse. Eodem pertinet illud quoque : Qui apponit scientiam, apponit dolorem, & in multo sensu multa indignatio. An non idem palam confitetur egregius ille concionator, capite septimo ? Cor sapientum, ubi tristitia est, & cor stultorum, ubi laticia. Eoque non satis habuit sapientiam perdiscere, nisi nostri quoque cognitionem addidisset. Quod si mihi parum habetur fidei, ipsius accipite verba, quæ scripsit capite primo : Dedique cor meum ut scirem prudentiam atque doctrinam, erroresque & stulticiã. Quo quidem loco illud animadvertendum, ad stulticiæ laudem pertinere, quod eam posteriore posuit loco. Ecclesiastes scripsit, &  
hunc



hunc scitis esse ordinem ecclesiasticum, ut qui dignitate primus sit, is locum obtineat extremum, vel hic certe memor evangelici præcepti. Sed stulticiam præstantiorem esse sapientia, & ecclesiasticus ille, quisquis fuit, liquido testatur, capite quadragesimo quarto, cuius me hercle verba non prius proferam, quam εἰσαγγών meam, commoda responsione adiuveritis, ut faciunt apud Platonem hi qui cum Socrate disputant. Vtra magis convenit recondere, quæ rara sunt & preciosa, an quæ vulgaria viliaque? Quid tacetis? Etiam si vos dissimuletis, proverbium illud Græcorum pro vobis respondet, τὸ ἐπὶ θύρας ἰδεῖσθαι, quod ne quis impie reiiciat, refert Aristoteles, magistrorum nostrorum deus. An quisquam vestrum tam stultus est, ut gemmas & aurum in via relinquat?

relinquat? non hercle opinor. In  
abditissimis penetralibus, nec id  
satis, in munitissimorum scrinio-  
rum secretissimis angulis, ista re-  
ponitis, cœnum in propatulo relin-  
quitis. Ergo si quod pretiosius est  
reconditur, quod vilius, exponitur,  
nonne palam est, sapientiam quam  
vetat abscondi, viliores esse stulti-  
cia quam recondi jubet? Iam ipsius  
testimonij verba accipite. Melior  
est homo qui abscondit stulticiam  
suam, quam homo qui abscondit  
sapientiam suam. Quid quod animi  
quoque candorem divinæ literæ  
stulto tribuunt, cum sapiens inte-  
rim neminem sui similem putet.  
Sic enim intelligo, id quod scribit  
ecclesiastes capite decimo: Sed &  
in via stultus ambulans, cum ipse  
insipiens sit, omnes stultos existi-  
mat. An non illud eximij cujus-  
dam



dam candoris est, omnes æquare  
tibi ipsi, cumque nemo non ma-  
gnifice de se sentiat, omnibus ta-  
men tuas communicare laudes.  
Proinde nec puduit tantum regem  
hujus cognominis, cum ait capite  
trigesimo: Stultissimus sum viro-  
rum. Neque Paulus ille magnus  
gentium doctor, Corinthijs scri-  
bens, stulti cognomen illibenter  
agnoscit: Vt insipiens, inquit, dico,  
Plus ego, perinde quasi turpe sit  
vinci stulticia. Sed interim obstre-  
punt mihi Græculi quidam, qui tot  
hujus temporis theologorum, ceu  
cornicum oculos student configere,  
dum annotationes suas, veluti fu-  
mos quosdam alijs offundunt, cujus  
gregis si nō Alpha, certe Beta meus  
est Erasmus, quē ego sæpius honoris  
causa nomino. Overe stultam, in-  
quiunt, & ipsa dignā Moria citatio-  
nem.

nem. Longe diversa mens apostoli, quam tu somnias. Nec enim hoc agit his verbis, ut ceteris stultior haberetur, verum cum dixisset ministri Christi sunt, & ego, seque veluti iactabundus in hac quoque parte æquasset ceteris, per correctionem adiecit, plus ego, sentiens se non modo parem reliquis apostolis in evangelij ministerio, verum etiam aliquanto superiorem. Idque cum ita verum videri vellet, ne tamen ut arrogantius dictum offenderet aures, præmunijt, stulticiæ prætextu. Ut minus sapiens dico, propterea quod sciret esse stultorum privilegium, ut soli verum citra offensam proloquantur. Verum quid Paulus senserit cum hæc scriberet, ipsis disputandum relinquo. Ego magnos, pingues, crassos, & vulgo probatissimos  
theologos



theologos sequor, cum quibus magna pars doctorum errare, *ἢ τὸ δῖον* malit, quam cum istis trilinguibus bene sentire. Neque quisquam illorum Græculos istos pluris facit, quam graculos: præsertim cum quidam gloriosus theologus, cuius ego nomen prudens supprimo, ne graculi nostri continuo Græcum in illum scommata jaciant *ὅν ὁ λύρας*: magistraliter & theologaliter hunc passum enarrans, ab hoc loco, *Ut minus sapiens dico*, plus ego, novum facit caput, & quod absque summa dialectica non poterat, novam addit sectionem, ad hunc interpretans modum, adducam enim ipsius verba, non solum in forma, verum etiam in materia. *Ut minus sapiens dico*, id est, si videor vobis insipiens me pseudapostolis adæquando, adhuc videbor vobis minus

minus sapiens, me eis præferendo. Quamquam idem paulo post, velut oblitus sui, aliò delabitur. Sed cur anxie me vnius exemplo tueor? cum hoc publicum jus sit theologorum, cœlum, hoc est, divinam scripturam, ceu pellem extendere: cum apud divum Paulum pugnent divinæ scripturæ verba, quæ suo loco non pugnant, si qua fides illi *πενταγλώττω* Hieronymo, cum Athenis forte conspectum aræ titulum torqueret in argumentum fidei Christianæ, ac cæteris omissis, quæ causæ fuerant offectura, duo tantum extrema verba decerpserit, nempe hæc, ignoto deo, atque hæc quoque nonnihil immutata: siquidem integer titulus sic habebat, Dijs Asiæ, Europæ, & Africæ, dijs ignotis, & peregrinis. Ad hujus, opinor, exemplum passim  
jam



jam οἱ τῶν θεολόγων παῖδες, hinc  
atq; hinc revulsa quatuor aut quin-  
que verbula, & si quid opus est etiā  
depravata, ad suam uccommodant  
utilitatem, licet ea quæ præcedunt  
& consequuntur, aut nihil omnino  
faciant ad rem, aut reclamant quo-  
que. Quod quidem faciunt tam fe-  
lici impudentia, vt sæpenumero  
theologis invideant jureconsulti.  
Quid enim illis jam non succedat,  
posteaquā magnus ille, penè nomen  
effutiveram, sed rursus metuo Græ-  
cum proverbium, ex Lucae verbis  
sententiam expresserit, tam consen-  
taneam animo Christi, quam igni  
cum aqua convenit. Etenim cum  
immineret extremum periculum,  
quo tempore solent boni clientes  
maxime suis adesse patronis, & quā-  
ta valent ope συμμαχεῖν, Christus  
hoc agens, vt omnem hujusmodi  
præsidio-

præsidiorum fiduciam eximeret ex  
animis suorum, percontatus est  
eos, num quid rei defuisset usquā,  
cum illos emisisset, adeo non in-  
structos viatico, ut nec calceis mū-  
niret adversus spinarum & saxorum  
injuriam, nec peram adderet, ad-  
versus famem: Vbi negassent de-  
fuisse quicquam, adjecit: Sed nunc,  
inquit, qui habet sacculum tollat,  
similiter & peram: & qui non  
habet, vendat tunicam suam, &  
emat gladium. Cum tota Christi  
doctrina, nihil aliud inculcet, quam  
mansuetudinem, tolerantiam, vitæ  
contemptum, cui non perspicuum,  
quid hoc loco sentiat? nempe ut  
magis etiam exarmet suos legatos,  
ut non tantum calceos negligant  
& peram, verum & tunicam insu-  
per abijciant, undique & prorsus  
expediti, munus evangelicum ag-  
grediantur,



grediantur, nihil sibi parent, nisi  
gladium, non istum quo grassantur  
latrones, & parricidæ, sed gladium  
spiritus, in intimos quoq; pectoris  
sinus penetrantem, qui semel affe-  
ctus omneis sic amputat, vt nihil  
jam illis cordi sit, præter pietatem.  
At videte, quæso, quorsum hæc  
torqueat celebris ille theologus.  
Gladium interpretatur defensionem  
adversus persecutionem, sac-  
culum sufficientem com meatu pro-  
visionem, perinde quasi Christus  
commutata in diversum sententia,  
quod oratores suos parum βασιλι-  
κῶς instructos emisisse videretur,  
superioris institutionis palinodiam  
canat. Aut velut oblitus quod dixe-  
rat beatos fore, cum probris contu-  
melijs & supplicijis afficerentur,  
prohibens ne quando resisterent  
malo, mites enim beatos esse, non  
feroces,

feroces, oblitus quod illos ad pascuum, & liliorum exemplum vocarit, nunc adeo noluerit eos absque gladio proficisci, ut eum vel tunica divendita jubeatemi, malitque nudos ire, quam non accinctos ferro. Ad hæc quemadmodum gladij nomine contineri putat, quicquid ad depellendam vim pertinet, ita marsupij titulo completitur, quicquid ad vitæ pertinet necessitatē. Atque ita divinæ mentis interpretes apostolos lanceis, balistis, fundis & bombardis instructos educit ad prædicationem crucifixi. Loculis item, vidulis, & sarcinis onerat, ne forte non liceat illis è diversorio discedere, nisi impransis. Nec vel illud commovit hominem, quod ensẽ, quem tantopere jusserat emi, mox idẽ obiurgans jubeat recondi, quodq; nunquã fando  
sit



fit auditum, Apostolos ensibus aut clypeis vfos adversus vim ethnicorum, utique usuros, si Christus hoc sensisset, quod hic interpretatur. Est alius, quem honoris causa non nomino, haudquaquam postremi nominis, qui è tentorijs, quorum meminit Habacuc, turbabuntur pelles terræ Madian, pellem fecerit Bartholomæi excoriati. Ipsa nuper interfui dissertationi theologicæ, nam id facio frequenter. Ibi cum quispiam exigeret, quæ tandem esset divinarum literarum autoritas, quæ juberet hæreticos incendio vinci, magis quam disputatione revinci, Senex quidam severus, & vel supercilio teste theologus, magno stomacho respondit, hanc legem tulisse Paulum apostolum, qui dixerit: Hæreticum hominem post viam & alteram.

K ram.

ram correptionem devita. Cumq;  
 ea verba identidem intonaret, &  
 pleriq; demirarētur quid accidisset  
 homini, tandem explanavit, de vi-  
 ta tollendum hæreticum. Risere  
 quidam, nec deerant tamen quibus  
 hoc commentum planè theologi-  
 cum videretur. cæterum reclaman-  
 tibus etiamnum nonnullis succe-  
 sit  $\tau\epsilon\nu\acute{\epsilon}\delta\iota$  &, quod ajunt,  $\sigma\omega\eta\gamma\acute{o}\rho$  &  
 & autor irrefragabilis. Accipite rê,  
 inquit, Scriptum est maleficum ne  
 patiaris vivere, omnis hæreticus  
 maleficus, ergo &c. Mirari quot-  
 quot aderant, hominis ingenium,  
 & in eam sententiam itum est pe-  
 dibus, & quidem peronatis. Ne-  
 que cuiquam venit in mentem le-  
 gem eam ad sortilegos & incan-  
 tatores, ac magos attinere, quos  
 Hebræi sua lingua vocant *magos*,  
 alioquin fornicationem & ebrieta-  
 tem.



tem capite punire oportuit. Verum hæc stulte persequor, tā innumera, ut nec Chrysippi, nec Didymi voluminibus omnia comprehendi possint. Illud duntaxat admonitos volebā, cum hæc divinis illis magistris licuerint, mihi quoq; planè *συκίνη θεολόγω*, par est dare veniam, si minus omnia ad amussim citavero. Nunc tandem ad Paulum redeo: Libenter, inquit, fertis insipientes, de sese loquens. Et rursus, velut insipientem accipite me, & non loquor secundum deum, sed quasi in insipientia. Rursus alibi: Nos, inquit, stulti propter Christum. Audistis à quanto autore quanta stulticiæ præconia. Quid, quod idem palam stulticiam præcipit, ut rem imprimis necessariam, & oppidò salutarē. Qui videtur esse sapiens inter vos, stultus fiat, ut sit sapiens. Et

K 2

apud

apud Lucam, duos discipulos, quibus se junxerat in via Iesus, stultos appellat. Illud haud scio, an mirum videatur, cum deo quoque nonnihil stulticiæ tribuit divinus ille Paulus. Quod stultum est, inquit, dei, sapientius est hominibus. Porro Origenes interpres obsistit, quo minus hanc stulticiam ad hominum opinionem possis referre: quod genus est illud, verbum crucis pereuntibus quidem stulticiam. Sed quid ego frustra anxia, tot testimonijs hæc docere pergo, cum in psalmis mysticis palam ipse Christus loquatur patri, Tu scis insipientiam meam? Neque vero temere est, quod Deo stulti tam impense placuerunt: opinor propterea, quod quemadmodum summi principes nimium cordatos suspectos habent, & invisos, ut Iulius Brutum



Brutum & Cassium, cum ebrium  
Antonium nihil metueret, utq; Ne-  
ro Senecam, Dionysius Platonem,  
contra crassioribus ac simplici-  
bus ingenijs delectantur, itidem  
Christus  $\sigma\phi\iota\varsigma$  istos, suæq; nitentes  
prudentiæ semper detestatur, ac  
damnat: testatur id Paulus haudqua-  
quam obscure, cum ait, Quæ stulta  
sunt mundi, elegit Deus: cumq; ait,  
deo visum esse, ut per stulticiã ser-  
varet mundũ, quandoquidem per  
sapientiã restitui non poterat. Quin  
ipse idem satis indicat, clamans  
per os prophetæ, Perdam sapientiã  
sapientium, & prudentiam pruden-  
tium reprobabo. Rursum, cum agit  
gratias, quòd salutis mysterium  
celasset sapientes, parvulis autem,  
hoc est stultis, aperuisset. Nam  
Græce pro parvulis est  $\nu\eta\pi\acute{o}\iota\varsigma$ ,  
quos opposuit  $\sigma\phi\omega\iota\varsigma$ . Huc per-

K 3

finet

tinet quod passim in Evangelio  
Pharisæos & scribas, ac legum do-  
ctores incessit, vulgus indoctum  
sedulo tuetur. Quid enim aliud est,  
Væ vobis Scribæ & Pharisei, quam  
væ vobis sapientes? At parvulis, mu-  
lieribus, ac piscatoribus potissi-  
mum delectatus esse videtur. Quin  
& ex animantium brutorum gene-  
re, ea potissimum placent Christo,  
quæ à vulpina prudentia quam lon-  
gissime absunt. Eoque asino maluit  
insidere, cum ille, si libuisset, vel  
leonis tergum impune potuisset  
premere. Ac spiritus ille sacer in  
columbæ specie delapsus est, non  
aquilæ aut milui. Præterea cervo-  
rum, hinnulorū, agnorum crebra  
passim in divinis literis mentio.  
Adde quod suos ad immortalem vi-  
tam destinatos, oves appellat. Quo  
quidem animante non est aliud in-  
sapien-



sipientius: vel Aristotelico prover-  
bio teste, *μεβάρδον ἡθῶ*. quod  
quidem admonet, ab ejus pecudis  
stoliditate sumptum, in stupidos &  
bardos convicij loco dici solere.  
Atqui hujus gregis Christus sese  
pastorem profiteretur, quin etiam ipse  
agni nomine delectatus est, indi-  
cante eum Ioanne, Ecce agnus Dei:  
cujus multa fit & in Apocalypsi  
mentio. Hæc quid aliud clamitant,  
nisi mortales omneis stultos esse,  
etiam pios? ipsum quoque Chri-  
stum, quo stultitiæ mortalium sub-  
veniret, cum esset sapientia patris,  
tamen quodammodo stultum esse  
factum, cum hominis assumpta  
natura, habitu inventus est ut ho-  
mo? quemadmodum & peccatum  
factus est, ut peccatis mederetur.  
Neq; alia ratione mederi voluit, quā  
per stulticiam crucis, per apostolos

non

K 4

idio-

idiotas, ac pingues: quibus sedulo  
stulticiam præcipit, à sapientia de-  
terrens, cum eos ad puerorum,  
liliorum, sinapis, & passerulorum  
exemplum provocat, rerum stupi-  
darum ac sensu carentium, soloq;  
naturæ ductu, nulla arte, nulla so-  
licitudine, vitam agentium. Præte-  
rea cum vetat esse sollicitos, qua es-  
sent apud præsides oratione usuri,  
cumq; interdicit, ne scrutetur tem-  
pora vel momenta temporū, vide-  
licet, ne quid fiderent suæ pruden-  
tiæ, sed totis animis ex ipso pende-  
rent. Eodem pertinet, quod deus il-  
le orbis architectus interminatur,  
ne quid de arbore scientiæ degusta-  
rent. perinde quasi scientiæ felicita-  
tis sit venenum. Quanquam Paulus  
aperte scientiā veluti inflantem &  
perniciosa[m] improbat. Quem di-  
vus Bernardus, opinor, sequutus,  
mon-



montem cum in quo lucifer sedem  
statuerat, Scientiæ montem inter-  
pretatur. Fortasse nec illud omit-  
tendū videatur argumentum, gra-  
tiosam esse apud superos stulticiam,  
quod huic soli datur erratorum ve-  
nia, sapienti non ignoscitur: vnde  
qui veniam orant, etiamsi pruden-  
tes peccaverint, tamen stulticiæ præ-  
textu patrociniisque utuntur. Nam  
sic Aaron sororis pœnam deprecatur  
in Numerorum, si satis com-  
memini, libris. Obsecro domine  
mi, ne imponas nobis hoc pecca-  
tum, quod stulte commisimus. Sic  
& Saul apud David culpam depre-  
catur, Apparet enim inquiēs, quod  
stulte egerim. Rursum ipse David  
ita blanditur domino, Sed precor  
dominē, vt transferas iniquitatem  
serui tui, quia stulte egimus: perin-  
de quasi non impetraturus veniam,

K 5

nisi

nisi stulticiam & inscitiam obtenderet. Sed illud acrius urget, quod Christus in cruce, cum oraret pro suis inimicis, Pater ignosce illis: non aliam prætexit excusationem, quam imprudentiæ, quia nesciunt, inquit, quid faciant. Ad eundem modum Paulus scribens ad Timotheum: Sed ideo misericordiam dei consecutus sum, quia ignorans feci in incredulitate. Quid est, ignorans feci, nisi per stulticiam feci, non maliciam? Quid est, ideo misericordiam consecutus sum, nisi, non consecuturus, nisi stulticiæ patrocínio commendatus? Pro nobis facit & mysticus ille psalmographus, qui suo loco non veniebat in mentē, Delicta iuventutis meæ, & ignorantias meas ne memineris. Audistis quæ duo prætexit, nimirum ætatem, cui semper comes esse soleo,



leo, & ignorantias, idque numero multitudinis, ut ingentem stulticiæ vim intelligeremus. Ac ne quæ sunt infinita persequar, utq; summam dicâ, videtur omnino Christiana religio quandam habere cum aliqua stulticia cognationem, minimeq; cum sapientia convenire. Cuius rei si desideratis argumenta, primum illud animadvertite, pueros, senes, mulieres, ac fatuos sacris ac religiosis rebus præter cæteros gaudere, eoque semper altaribus esse proximos, solo nimirum naturæ impulsu. Præterea videtis primos illos religionis autores, mire simplicitatem amplexos, acerrimos literarum hostes fuisse. Postremo nulli moriones magis desipere videntur, quàm hi, quos Christianæ pietatis ardor semel totos arripuit: adeo sua profundunt, injurias negligunt, falli

falli sese patiuntur, inter amicos & inimicos nullum discrimen, voluptatem horrent, inedia, vigilia, lachrymis, laboribus, contumelijs saginantur, vitam fastidiunt, mortē vnice optant, breviter ad omnem sensum communem prorsus obtupuisse videntur, perinde quasi alibi vivat animus, non in suo corpore. Quod quidem quid aliud est, quam insanire? Quo minus mirum videri debet, si apostoli musto temulentii sunt visi, si Paulus iudici Festo visus est insanire. Sed posteaquam semel τὴν χεοῦρτῶν induimus, age doceamus & illud, felicitatem Christianorum, quam tot laboribus expetunt, nihil aliud esse, quàm insanix stulticiæque genus quoddam: absit invidia verbis, rem ipsam potius expendite. Iam primum illud propemodū Christianis con-

venit



venit cum Platoniciis, animum immer-  
sum alligatumque esse corpo-  
reis vinculis, hujusque crassitudine  
præpediri, quò minus ea quæ vera  
sunt, contemplari, fruique possit.  
Proinde philosophiam definit esse  
mortis meditationem, quod ea  
mentem à rebus visibilibus, ac  
corporeis abducat, quod idem vti-  
que mors facit. Itaque quam diu  
animus corporis organis probe v-  
titur, tam diu sanus appellatur. Ve-  
rum ubi ruptis jam vinculis, cona-  
tur in libertatem asserere sese, quasi-  
que fugam ex eo carcere medita-  
tur, tum insaniam vocant. Id si  
forte contingit morbo, vitioque  
organorum, prorsus omnium con-  
sensu insania est. Et tamen hoc quo-  
que genus hominũ videmus futura  
prædicere, scire linguas, ac literas,  
quas ante nunquam didicerant, &  
omninò

omninò divinum quiddam præse-  
ferre. Neque dubium est id inde  
accidere, quod mens à contagio  
corporis paulo liberior, incipit na-  
tivam sui vim exerere. Idē arbitror  
esse in causa, cur laborantibus vici-  
na morte simile quiddam soleat ac-  
cidere, vt tanquam afflati prodigio-  
sa quædam loquantur. Rursum si  
id eveniat studio pietatis, fortasse  
non est idem insanix genus, sed ta-  
men adeo confine, vt magna pars  
hominum meram insaniam esse ju-  
dicet. præsertim cū pauculi homi-  
niones ab vniuerso mortalium cœ-  
tu, tota vita dissentiant. Itaque solet  
ijs vsu venire, quod iuxta Platoni-  
cum figmentum opinor accidere  
ijs, qui in specu vincti rerum vm-  
bras mirantur, & fugituo illi, qui  
reversus in antrum, veras res vidisse  
se prædicat, illos longe falli, qui  
præter



præter miseras umbras nihil aliud  
esse credant. Etenim sapiens hic  
commiseratur, ac deplorat illorum  
insaniam, qui tanto errore tenean-  
tur. Illi vicissim illum veluti deli-  
rantem rident, atque eijciunt. Itidē  
vulgus hominum ea quæ maxime  
corporea sunt maxime miratur, ea-  
que propè sola putat esse. Contra  
pij, quo quicque propius accedit ad  
corpus, hoc magis negligunt, toti-  
que ad invisibilem rerū contem-  
plationem rapiuntur. Nā isti primas  
partes tribuunt divitijs, proximas  
corporis cōmodis, postremas ani-  
mo relinquunt: quem tamen pleri-  
que nec esse credunt, quia non cer-  
natur oculis. E diverso illi primum  
in ipsum deum, rerum omniū sim-  
plicissimum tori nituntur: secundū  
hunc, & tandem in hoc, quod ad il-  
lum quam proxime accedit, nempe  
animum:

animum : corporis curam negligunt, pecunias ceu putamina prorsus aspernantur ac fugitant. Aut si quid huiusmodi rerum tractare coguntur, gravatim ac fastidienter id faciunt, habent tanquam non habentes, possident tanquam non possidentes. Sunt & in singulis rebus gradus multum inter istos diversi. Principio sensus tametsi omnes cum corpore cognationem habent, tamen quidam sunt ex his crassiores, ut tactus, auditus, visus, olfactus, gustus. Quidam magis à corpore semoti, veluti memoria, intellectus, voluntas, igitur ubi se intenderit animus, ibi valet. Pij quoniam omnis animi vis ad ea contendit, quæ sunt à crassioribus alienissima, in his velut obbrutescunt, atque obstupescunt. Contra vulgus in his plurimum valet, in illis quam minimum,



minimum. Inde est, quod audimus nonnullis divinis viris accidisse, ut oleum vini loco biberint. Rursum in affectibus animi quidam plus habent cum pingui corpore commercij, veluti libido, cibi somnique appetentia, iracundia, superbia, invidia. cum his irreconciliabile bellum pijs, contra vulgus sine his vitam esse non putat. Deinde sunt quidam affectus mediij, quasque naturales, ut amor patriæ, charitas in liberos, in parentes, in amicos. His vulgus non nihil tribuit. At illi hos quoque student ex animo revellere, nisi quatenus ad summam illam animi partem assurgunt, ut jam parentem ament, non tanquam parentem, quid enim ille genuit, nisi corpus? quanquam hoc ipsum deo parenti debetur, sed tanquam virum bonum, & in quo luceat imago

imago summæ illius mentis, quam  
vnam summum bonum vocant, &  
extra quam nihil nec amandum,  
nec expetendū esse prædicant. Hac  
eadem regula reliqua item omnia  
vitæ officia metiuntur, vt vbiq̃ue id  
quod visibile est, si non est omnino  
contemnendum, tamen longe mi-  
noris faciant, quam ea quæ videri  
nequeunt. Aiunt autem & in sa-  
cramentis atque ipsis pietatis offi-  
cijs corpus & spiritum inveniri.  
Velut in ieiunio non magni du-  
cunt, si quis tantum à carnibus  
cœnaque abstineat, id quod vulgus  
absolutum esse ieiunium existimat,  
nisi simul & affectibus aliquid adi-  
mat, vt minus permittat iræ quam  
soleat, minus superbix: vtque ceu  
minus jam onustus mole corporea  
spiritus, ad cœlestium bonorum gu-  
stus, fruitionemque enitatur. Si-  
militer



militer & in Synaxi, tametsi non est aspernandum, inquiunt, quod cæremonijs geritur, tamen id per se, aut parum est conducibile, aut etiam perniciosum, nisi id quod est spiritale accesserit, nempe hoc quod signis illis visibilibus repræsentatur. Repræsentatur autem mors Christi, quam domitis, extinctis, quasque sepultis corporis affectibus, exprimere mortales oportet, ut in novitatem vitæ resurgant, utque vnum cum illo, vnum item inter sese fieri queant. Hæc igitur agit, hæc meditatur ille pius. Cōtra vulgus sacrificium nihil aliud esse credit, quàm adesse altaribus, idq; proxime, audire vocum strepitū, aliasque id genus cæremoniolas spectare. Nec in his tantum, quæ duntaxat exempli gratia proposuimus, sed simpliciter in omni vita refugit pius  
ab

ab his, quæ corpori cognata sunt, ad æterna, ad invisibilia, ad spiritalia rapitur. Proinde cum summa sit inter hos & illos omnibus de rebus dissensio, fit ut utrique alteris insanire videantur. Quanquam id vocabuli rectius in pios competit, quam in vulgus, in ea quidem sententia. Quod quidem magis perspicuum fiet, si quemadmodum pollicita sum, paucis demonstraro, summum illud præmium nihil aliud esse quam insaniam quandam. Primum igitur existimate Platonem tale quiddam jam tum somniasse, cum amantium furorem omnium felicissimum esse scriberet. Etenim qui vehementer amat, jam non in se vivit, sed in eo quod amat, quoque longius à se ipso digreditur, & in illud demigrat, hoc magis ac magis gaudet. Atque cum  
animus



animus à corpore peregrinari med-  
ditatur, neque probe suis utitur or-  
ganis, istud haud dubie furorem re-  
cte dixeris. Alioqui quid sibi vult,  
quod vulgo etiam dicunt: Non est  
apud se, & ad te redi, & sibi redditus  
est? Porro quo amor est absolutior,  
hoc furor est major, ac felicior. Er-  
go quænam futura est illa cœlitum  
vita, ad quam piæ mentes tanto stu-  
dio suspirant? Nèpe spiritus absor-  
bebit corpus, vtpote victor ac forti-  
or. Idque hoc faciet facilius, partim  
quod jã olim in vita corpus ad hu-  
jusmodi transformationem repurga-  
rit, atq; extenuarit. Deinde spiritus  
à mente illa summa mire absorbe-  
bitur, quippe infinitis partibus po-  
tentiore. Ita vt jam totus homo ex-  
tra se futurus sit, nec alia ratione fe-  
lix futurus, nisi quod extra sese po-  
situs, patietur quiddam ineffabile à  
summo

summo illo bono, omnia in se rapi-  
piente. Iam hæc felicitas quanquam  
tum demum perfecta contingit, cū  
animi receptis pristinis corporibus  
immortalitate donabuntur, tamen  
quoniā piorum vita nihil aliud est,  
quam illius vitæ meditatio, ac velut  
vmbra quædam, fit vt præmij quo-  
que illius aliquando gustum aut o-  
dorem aliquem sentiant. Id tamen si  
minutissima quædam stillula est ad  
fontem illum æternæ felicitatis, ta-  
men longe superat vniversas cor-  
poris voluptates, etiamsi omnes  
omnium mortalium deliciæ in vnū  
conferantur. Vsque adeo præstant  
spiritualia corporalibus, invisibilia  
visibilibus. Hoc nimirum est quod  
pollicetur propheta: Oculus non  
vidit, nec auris audivit, nec in cor  
hominis ascenderunt, quæ præpa-  
ravit deus diligentibus se. Atque  
hæc



hæc est Mariæ pars, quæ non aufer-  
tur commutatione vitæ, sed perfir-  
citur. Hoc igitur quibus sentire li-  
cuit, (contingit autem perpaucis) ij  
patiuntur quiddam dementiæ simi-  
limum, loquuntur quædam nõ sa-  
tis cohærentia, nec humano more,  
sed dant sine mente sonum, deinde  
subinde totam oris speciem ver-  
tunt. Nunc alacres, nunc deiecti,  
nunc lachrymant, nunc rident, nunc  
suspitant, in summa, vere toti extra  
se sunt. Mox vbi ad sese redierint,  
negant se scire vbi fuerint, vtrum  
in corpore, an extra corpus, vigi-  
lantes, an dormientes, quid audie-  
rint, quid viderint, quid dixerint,  
quid fecerint, non meminerunt,  
nisi tanquam per nebulam, ac' som-  
nium, tantum hoc sciunt se felicissi-  
mos fuisse, dum ita desiperent. Ita-  
que plorant sese resipuisse, nihilque  
omnium

omnium malint, quàm hoc insanix  
 genus perpetuo insanire. Atq; hæc  
 est futuræ felicitatis tenuis quædam  
 degustatiuncula. Verū ego jamdu-  
 dum oblita mei *ὑπὲρ τὰ ἐσκαμ-  
 μένα πηδῶ*. Quanquā si quid petu-  
 lantius aut loquacius à me dictum  
 videbitur, cogitate & stulticiam, &  
 mulierem dixisse. Sed interim tamē  
 memineritis illius Græcanici pro-  
 verbij, *πολλάκι τοι καὶ μωρὸς ἀνὴρ  
 κατὰ καίριον εἶπεν*, nisi forte puta-  
 tis hoc ad mulieres nihil attinere.  
 Video vos epilogum expectare, sed  
 nimium desipitis, siquidē arbitra-  
 mini me quid dixerim etiamnum  
 meminisse, cum tantam verborum  
 farraginem effuderim. Vetus illud,  
*μισῶ μνάμονα συμπόταν*. Novum  
 hoc, *μισῶ μνάμονα ἀκροατὴν*.  
 Quare valete, plaudite, vivite, bibi-  
 te, Morix celeberrimi mystæ. τέλος.

F I N I S.



